

全新標點斷句

簡政珍居士 標注

大佛頂首楞嚴經

佛院教育基金會 印贈

一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

爐香讚

爐香乍爇 法界蒙熏 楞嚴海會悉遙聞
隨處結祥雲 誠意方殷 諸佛現全身
南無香雲蓋菩薩摩訶薩 三唱
南無本師釋迦牟尼佛 三稱

開經偈

無上甚深微妙法
百千萬劫難遭遇
我今見聞得受持
願解如來真實義

大佛頂如來密因修證了義諸菩薩萬行首楞嚴經
卷第一

◎唐天竺沙門般刺密帝譯

◎烏菴國沙門彌伽釋迦譯語

◎羅浮山南樓寺沙門懷迪證譯

◎菩薩戒弟子前正議大夫同中書門下

平章事清河房融筆受

如是我聞：一時，佛在室羅筏城祇桓精舍，與大比丘眾千二百五十人俱，皆是無漏大阿羅漢。佛子住持，善超諸有；能於國土成就威儀，從佛轉輪，妙堪遺囑。嚴淨毗尼^文，弘範三界；應身無量，度脫眾生，拔濟未來，越諸塵累。其名曰：大智舍利弗、摩訶目犍連、摩訶拘絺羅、富樓那彌多羅尼子、須菩提、優波尼沙陀等，而為上首。復有無量辟支無學，並其初心，同來佛所，屬諸比丘，休夏自恣^下。十方菩薩諮決心疑，欽奉慈嚴，將求密義。即時，如來敷座宴安，為諸會中宣示深奧，法筵清眾得未曾有。迦陵仙音徧十方界，恆沙菩薩來聚道場，文殊師利而為上首。

時，波斯匿王為其父王諱日營齋，請佛宮掖，自迎如來，廣設珍羞無上妙味，兼復親延諸大菩薩。城中復有長者、居士同時飯僧，佇佛來應。佛敕文殊分領菩薩及阿羅漢，應諸齋主。唯有阿難先受別請，遠遊未還，不遑僧次；既無上座及阿闍黎，途中獨歸。

其日無供，即時，阿難執持應器，於所遊城次第循乞，心中初求最後檀越，以為齋主。無問淨穢，刹利尊姓及旃陀羅，方行等慈，不擇微賤，發意圓成一切眾生無量功德。阿難已知：如來世尊訶須菩提及大迦葉，為阿羅漢，心不均平。欽仰如來開闡無遮，度諸疑謗。經彼城隍，徐步郭門，嚴整威儀，肅恭齋法。

爾時，阿難因乞食次，經歷婬室，遭大幻術。摩登伽女以娑毗迦羅先梵天咒，攝入婬席，婬躬撫摩，將毀戒體。如來知彼婬術所加，齋畢旋歸。王及大臣、長者、居士俱來隨佛，願聞法要。

於時，世尊頂放百寶無畏光明，光中出生千葉寶蓮，有佛化身結跏趺坐，宣說神咒。敕文殊師利將咒往護，惡咒銷滅，提獎阿難及摩登伽歸來佛所。阿難見佛，頂禮悲泣，恨無始來一向多聞，未全道力，殷勤啟請十方如來得成菩提、妙奢摩他、三摩、禪那，最初方便。於時，復有恆沙菩薩及諸十方大阿羅漢、辟支佛等，俱願樂聞，退坐默然，承受聖旨。

爾時，世尊在大眾中，舒金色臂，摩阿難頂，告示阿難及諸大眾：有三摩提，名大佛頂首楞嚴王，具足萬行，十方如來一門超出妙莊嚴路。汝今諦聽。阿難頂禮，伏受慈旨。（為求經義暢達，圓瑛法師依古註建議將本段經文移至此處。）

佛告阿難：汝我同氣，情均天倫。當初發心，於我法中見何勝相，頓捨世間深重恩愛？阿難白佛：我見如來三十二相，勝妙殊絕，形體映徹，猶如瑠璃。常自思惟：此相非是欲愛所生。何以故？欲氣麤粗濁，腥臊交交構，交膿血雜亂，不能發生勝淨妙明紫金光聚。是以渴仰，從佛剃落。

佛言：善哉，阿難。汝等當知，一切眾生從無始來

生死相續，皆由不知常住真心，性淨明體；用諸妄想，此想不真，故有輪轉。汝今欲研無上菩提，真發明性，應當直心直心訓我所問。十方如來同一道故，出離生死皆以直心，心言直故，如是乃至終始地位，中間永無諸委曲相。

阿難，我今問汝，當汝發心，緣於如來三十二相，將何所見？誰為愛樂？阿難白佛言：世尊，如是愛樂，用我心目。由目觀見如來勝相，心生愛樂，故我發心，願捨生死。佛告阿難：如汝所說，真所愛樂因於心目。若不識知心目所在，則不能得降伏塵勞。譬如國王為賊所侵，發兵討除，是兵要當知賊所在。使汝流轉，心目

為答。吾今問汝：唯心與目，今何所在？

阿難白佛言：世尊，一切世間十種異生，同將識心居在身內。縱觀如來青蓮花眼，亦在佛面。我今觀此浮根四塵，祇在我面，如是識心實居身內。佛告阿難：汝今現坐如來講堂，觀祇陀林今何所在？世尊，此大重閣清淨講堂在給孤園，今祇陀林實在堂外。阿難，汝今堂中，先何所見？世尊，我在堂中，先見如來，次觀大眾，如是外望，方矚林園。阿難，汝矚林園，因何有見？世尊，此大講堂戶牖又開豁又，故我在堂得遠瞻見。

佛告阿難：如汝所言，身在講堂，戶牖開豁，遠矚林園。亦有眾生，在此堂中，不見如來，見堂外者？阿

難答言：世尊，在堂不見如來，能見林泉，無有是處。

阿難，汝亦如是。汝之心靈一切明了，若汝現前所明了心實在身內，爾時先合了知內身。頗有眾生先見身中，後觀外物？縱不能見心、肝、脾、胃，爪生、髮長、筋轉、脈搖，誠合明了，如何不知？必不內知，云何知外？是故應知，汝言覺了能知之心，住在身內，無有是處。

阿難稽首而白佛言：我聞如來如是法音，悟知我心，實居身外。所以者何？譬如燈光然於室中，是燈必能先照室內，從其室門，後及庭際。一切眾生不見身中，獨見身外，亦如燈光居在室外，不能照室。是義必明，

將無所惑，同佛了義，得無妄耶？

佛告阿難：是諸比丘適來從我室羅筏城，循乞搏食，歸祇陀林，我已宿齋。汝觀比丘，一人食時，諸人飽不？阿難答言：不也，世尊。何以故？是諸比丘雖阿羅漢，軀命不同，云何一人能令眾飽？

佛告阿難：若汝覺了知見之心實在身外，身心相外，自不相干。則心所知，身不能覺；覺在身際，心不能知。我今示汝兜羅綿手，汝眼見時，心分別不？阿難答言：如是，世尊。佛告阿難：若相知者，云何在外？是故應知，汝言覺了能知之心，住在身外，無有是處。

阿難白佛言：世尊，如佛所言，不見內故，不居身

內。身心相知不相離故，不在身外。我今思惟，知在一處。佛言：處今何在？阿難言：此了知心，既不知內而能見外，如我思忖，潛伏根裡。猶如有人，取瑠璃碗合其兩眼，雖有物合而不留礙。彼根隨見，隨即分別。然我覺了能知之心，不見內者，為在根故；分明矚外無障礙者，潛根內故。

佛告阿難：如汝所言，潛根內者猶如瑠璃。彼人當以瑠璃籠眼，當見山河，見瑠璃不？如是，世尊。是人當以瑠璃籠眼，實見瑠璃。佛告阿難：汝心若同瑠璃合者，當見山河，何不見眼？若見眼者，眼即同境，不得成隨。若不能見，云何說言，此了知心潛在根內，如瑠

璃合？是故應知，汝言覺了能知之心，潛伏根裡如瑠璃合，無有是處。

阿難白佛言：世尊，我今又作如是思惟：是眾生身，腑臟在中，竅穴居外。有臟則暗，有竅則明。今我對佛開眼見明，名為見外，閉眼見暗，名為見內，是義云何？

佛告阿難：汝當閉眼見暗之時，此暗境界，為與眼對？為不對眼？若與眼對，暗在眼前，云何成內？若成內者，居暗室中，無日月燈，此室暗中皆汝焦腑。若不對者，云何成見？

若離外見，內對所成。合眼見暗，名為身中；開眼見明，何不見面？若不見面，內對不成。見面若成，此

了知心及與眼根，乃在虛空，何成在內？若在虛空，自非汝體。即應如來今見汝面，亦是汝身？汝眼已知，身合非覺。必汝執言身眼兩覺，應有二知，即汝一身應成兩佛。是故應知，汝言見暗，名見內者，無有是處。

阿難言：我常聞佛開示四眾，「由心生故，種種法生；由法生故，種種心生。」我今思惟，即思惟體實我心性。隨所合處，心則隨有。亦非內、外、中間三處。

佛告阿難：汝今說言，由法生故種種心生，隨所合處，心隨有者。是心無體，則無所合。若無有體而能合者，則十九界，因七塵合。是義不然。若有體者，如汝以手自^扞其體，汝所知心，為復內出？為從外入？若復

內出，還見身中。若從外來，先合見面。阿難言：見是其眼，心知非眼，為見非義。佛言：若眼能見，汝在室中，門能見不？則諸已死，尚有眼存，應皆見物。若見物者，云何名死？

阿難，又汝覺了能知之心，若必有體，為復一體？為有多體？今在汝身，為復徧體？為不徧體？若一體者，則汝以手捏一支時，四支應覺。若咸覺者，捏應無在。若捏有所，則汝一體自不能成。若多體者，則成多人，何體為汝？若徧體者，同前所捏。若不徧者，當汝觸頭亦觸其足，頭有所覺，足應無知。今汝不然。是故應知：「隨所合處，心則隨有」，無有是處。

阿難白佛言：世尊，我亦聞佛與文殊等諸法王子，談實相時，世尊亦言：「心不在內，亦不在外。」如我思惟，內無所見，外不相知。內無知故，在內不成。身心相知，在外非義。今相知故，復內無見，當在中間。

佛言：汝言中間，中必不迷，非無所在。今汝推中，中何為在？為復在處？為當在身？若在身者，在邊非中，在中同內。若在處者，為有所表？為無所表？無表同無，表則無定。何以故？如人以表，表為中時，東看則西，南觀成北，表體既混，心應雜亂。

阿難言：我所說中，非此二種。如世尊言，眼色為緣，生於眼識，眼有分別，色塵無知，識生其中，則為

心在。佛言：汝心若在根塵之中，此之心體為復兼二？為不兼二？若兼二者，物體雜亂。物非體知，成敵兩立，云何為中？兼二不成，非知不知，即無體性，中何為相？是故應知，當在中間，無有是處。

阿難白佛言：世尊，我昔見佛與大目連、須菩提、富樓那、舍利弗四大弟子，共轉法輪，常言：「覺知分別心性，既不在內，亦不在外，不在中間，俱無所在，一切無著，名之為心。」則我無著，名為心不？

佛告阿難：汝言覺知分別心性，俱無在者，世間虛空、水、陸、飛行，諸所物象，名為一切。汝不著者，為在為無？無則同於龜毛、兔角，云何不著？有不著

者，不可名無。無相則無，非無則相。相有則在，云何無著？是故應知，一切無著，名覺知心，無有是處。

爾時，阿難在大眾中即從座起，偏袒右肩，右膝著地，合掌恭敬而白佛言：我是如來最小之弟，蒙佛慈愛，雖今出家，猶恃憍憐，所以多聞，未得無漏，不能折伏娑毗羅咒，為彼所轉，溺於婬舍，當由不知真際所詣。惟願世尊大慈哀愍，開示我等奢摩他路，令諸闍提隳彌戾車。作是語已，五體投地，及諸大眾傾渴翹佇，欽聞示誨。

爾時，世尊從其面門放種種光，其光晃耀如百千日，普佛世界六種震動。如是十方微塵國土一時開現，佛之

威神，令諸世界合成一界。其世界中，所有一切諸大菩薩皆住本國，合掌承聽。

佛告阿難：一切眾生從無始來，種種顛倒，業種自然，如惡叉聚^{*}。諸修行人不能得成無上菩提，乃至別成聲聞、緣覺，及成外道、諸天、魔王及魔眷屬，皆由不知二種根本，錯亂修習。猶如煮沙欲成嘉饌，縱經塵劫終不能得。云何二種？

阿難，一者，無始生死根本，則汝今者與諸眾生，用攀緣心為自性者。二者，無始菩提涅槃元清淨體，則汝今者，識精元明能生諸緣，緣所遺者。由諸眾生遺此本明，雖終日行，而不自覺，枉入諸趣。

阿難，汝今欲知奢摩他路，願出生死，今復問汝。即時，如來舉金色臂，屈五輪指，語阿難言：汝今見不？阿難言：見。佛言：汝何所見？阿難言：我見如來舉臂屈指，為光明拳，耀我心目。佛言：汝將誰見？阿難言：我與大眾同將眼見。佛告阿難：汝今答我，如來屈指為光明拳，耀汝心目，汝目可見，以何為心當我拳耀？阿難言：如來現今徵心所在，而我以心推窮尋逐，即能推者，我將為心。佛言：咄！阿難，此非汝心。

阿難矍然，避座合掌，起立白佛：此非我心，當名何等？佛告阿難：此是前塵虛妄相想，惑汝真性。由汝無始至於今生，認賊為子，失汝元常，故受輪轉。

阿難白佛言：世尊，我佛寵弟，心愛佛故，令我出家。我心何獨供養如來，乃至徧歷恆沙國土，承事諸佛及善知識，發大勇猛，行諸一切難行法事，皆用此心。縱令謗法，永退善根，亦因此心。若此發明不是心者，我乃無心，同諸土木；離此覺知更無所有，云何如來說此非心？我實驚怖，兼此大眾無不疑惑。惟垂大悲，開示未悟。

爾時，世尊開示阿難及諸大眾，欲令心入無生法忍，於師子座摩阿難頂，而告之言：如來常說，諸法所生，唯心所現。一切因果世界微塵，因心成體。阿難，若諸世界一切所有，其中乃至草葉縷結，詰其根元，咸

有體性。縱令虛空亦有名貌，何況清淨妙淨明心，性一切心，而自無體？

若汝執^{カク}恠^{カク}分別覺觀所了知性，必為心者，此心即應離諸一切色、香、味、觸諸塵事業，別有全性。如汝今者承聽我法，此則因聲而有分別。縱滅一切見聞覺知，內守幽閒，猶為法塵分別影事。我非^イ救汝執為非心，但汝於心微細揣摩，若離前塵有分別性，即真汝心。若分別性離塵無體，斯則前塵分別影事。塵非常住，若變滅時，此心則同龜毛兔角，則汝法身同於斷滅，其誰修證無生法忍？

即時，阿難與諸大眾，默然自失。佛告阿難：世間

一切諸修學人，現前雖成九次第定，不得漏盡成阿羅漢，皆由執此生死妄想，誤為真實。是故汝今雖得多聞，不成聖果。

阿難聞已，重復悲淚，五體投地，長跪合掌而白佛言：自我從佛發心出家，恃佛威神，常自思惟，無勞我修，將謂如來惠我三昧；不知身心本不相代，失我本心。雖身出家，心不入道，譬如窮子捨父逃逝。今日乃知雖有多聞，若不修行與不聞等，如人說食，終不能飽。世尊，我等今者二障所纏，良由不知寂常心性。惟願如來哀愍^{口云}窮露，發妙明心，開我道眼。

即時，如來從胸卍字湧出寶光，其光晃昱^{晃昱}，有百千色。

十方微塵普佛世界一時周徧，徧灌十方所有寶剎諸如來頂，旋至阿難及諸大眾。告阿難言：吾今為汝建大法幢，亦令十方一切眾生獲妙微密性、淨明心，得清淨眼。

阿難，汝先答我，見光明拳，此拳光明因何所有？云何成拳？汝將誰見？阿難言：由佛全體閻浮檀金，上絕如寶山，清淨所生，故有光明。我實眼觀，五輪指端屈握示人，故有拳相。

佛告阿難：如來今日實言告汝，諸有智者，要以譬喻而得開悟。阿難，譬如我拳，若無我手，不成我拳。若無汝眼，不成汝見。以汝眼根，例我拳理，其義均不？阿難言：唯然，世尊，既無我眼，不成我見；以我眼根，

例如來拳，事義相類。

佛告阿難：汝言相類，是義不然。何以故？如無手人，拳畢竟滅。彼無眼者，非見全無。所以者何？汝試於途詢問盲人：汝何所見？彼諸盲人必來答汝：我今眼前唯見黑暗，更無他矚。以是義觀，前塵自暗，見何虧損？

阿難言：諸盲眼前唯覩黑暗，云何成見？佛告阿難：諸盲無眼唯觀黑暗，與有眼人處於暗室，二黑有別？為無有別？如是，世尊，此暗中人與彼群盲，二黑校量，曾無有異。

阿難，若無眼人全見前黑，忽得眼光，還於前塵見

種種色，名眼見者；彼暗中人全見前黑，忽獲燈光，亦於前塵見種種色，應名燈見？若燈見者，燈能有見，自不名燈。又則燈觀，何關汝事？是故當知，燈能顯色，如是見者，是眼非燈。眼能顯色，如是見性，是心非眼。

阿難雖復得聞是言，與諸大眾口已默然，心未開悟，猶冀如來慈音宣示，合掌清心，佇佛悲誨。

爾時，世尊舒兜羅綿網相光手，開五輪指，誨救阿難及諸大眾：我初成道，於鹿園中，為阿若多五比丘等，及汝四眾言：「一切眾生不成菩提及阿羅漢，皆由客塵煩惱所誤。」汝等當時因何開悟，今成聖果？

時，憍陳那起立白佛：我今長老，於大眾中獨得解

名，因悟客塵二字成果。世尊，譬如行客投寄旅亭，或宿或食，宿食事畢，俶裝前途，不遑安住。若實主人，自無攸往。如是思惟，不住名客，住名主人；以不住者，名為客義。又如新霽，清暘升天，光入隙中，發明空中諸有塵相。塵質搖動，虛空寂然。如是思惟，澄寂名空，搖動名塵；以搖動者，名為塵義。佛言：如是。

即時，如來於大眾中，屈五輪指，屈已復開，開已又屈，謂阿難言：汝今何見？阿難言：我見如來百寶輪掌，眾中開合。佛告阿難：汝見我手眾中開合，為是我手有開有合？為復汝見有開有合？阿難言：世尊寶手眾中開合，我見如來手自開合，非我見性有開有合。佛言：

誰動？誰靜？阿難言：佛手不住，而我見性尚無有靜，誰為無住？佛言：如是。

如來於是從輪掌中，飛一寶光在阿難右，即時阿難迴首右盼；又放一光在阿難左，阿難又則迴首左盼。佛告阿難：汝頭今日因何搖動？阿難言：我見如來出妙寶光來我左右，故左右觀，頭自搖動。阿難，汝盼佛光左右動頭，為汝頭動？為復見動？世尊，我頭自動，而我見性尚無有止，誰為搖動？佛言：如是。

於是，如來普告大眾：若復眾生，以搖動者名之為塵，以不住者名之為客，汝觀阿難頭自動搖，見無所動。又汝觀我手自開合，見無舒卷。云何汝今以動為身？以

動為境？從始泊終，念念生滅，遺失真性，顛倒行事。性心失真，認物為己，輪迴是中，自取流轉。

大佛頂如來密因修證了義諸菩薩萬行首楞嚴經
卷第一

大佛頂如來密因修證了義諸菩薩萬行首楞嚴經 卷第二

爾時，阿難及諸大眾，聞佛示誨，身心泰然。念無始來失卻本心，妄認緣塵分別影事。今日開悟，如失乳兒忽遇慈母。合掌禮佛，願聞如來顯出身心真妄虛實，現前生滅與不生滅，二發明性。

時，波斯匿王起立白佛：我昔未承諸佛誨教，見迦旃^文旃^土延、毗羅胝子，咸言：此身死後斷滅，名為涅槃。我雖值佛，今猶狐疑，云何發揮，證知此心不生滅地？今此大眾諸有漏者，咸皆願聞。

佛告大王：汝身現在，今復問汝，汝此肉身，為同

金剛常住不朽？為復變壞？世尊，我今此身終從變滅。佛言：大王，汝未曾滅，云何知滅？世尊，我此無常變壞之身，雖未曾滅，我觀現前，念念遷謝，新新不住，如火成灰，漸漸銷殞，殞亡不息，決知此身當從滅盡。

佛言：如是。大王，汝今生齡已從衰老，顏貌何如童子之時？世尊，我昔孩孺，膚腠潤澤。年至長成，血氣充滿。而今頽齡，迫於衰老，形色枯悴，精神昏昧，髮白面皺，逮將不久，如何見比充盛之時？

佛言：大王，汝之形容應不頓朽。王言：世尊，變化密移，我誠不覺，寒暑遷流，漸至於此。何以故？我年二十雖號年少，顏貌已老初十歲時，三十之年又衰二

十，於今六十又過於二，觀五十時宛然強壯。世尊，我見密移，雖此殂落，其間流易且限十年。若復令我微細思惟，其變寧唯一紀二紀，實為年變。豈唯年變，亦兼月化。何直月化，兼又日遷。沉思諦觀，剎那剎那，念念之間，不得停住。故知我身終從變滅。

佛告大王：汝見變化，遷改不停，悟知汝滅。亦於滅時，汝知身中有不滅耶？波斯匿王合掌白佛：我實不知。佛言：我今示汝不生滅性。大王，汝年幾時見恆河水？王言：我生三歲，慈母攜我謁耆婆天，經過此流，爾時即知是恆河水。佛言：大王，如汝所說，二十之時衰於十歲，乃至六十。日月歲時念念遷變，則汝三歲見

此河時，至年十三，其水云何？王言：如三歲時，宛然無異。乃至於今年六十二，亦無有異。

佛言：汝今自傷髮白面皺，其面必定皺於童年。則汝今時觀此恆河，與昔童時觀河之見，有童耄不？王言：不也，世尊。佛言：大王，汝面雖皺，而此見精，性未曾皺。皺者為變，不皺非變。變者受滅，彼不變者，元無生滅。云何於中受汝生死，而猶引彼末伽梨等，都言此身死後全滅？王聞是言，信知身後捨生趣生，與諸大眾踴躍歡喜，得未曾有。

阿難即從座起，禮佛合掌，長跪白佛：世尊，若此見聞必不生滅，云何世尊名我等輩，遺失真性顛倒行

事？願興慈悲，洗我塵垢。

即時，如來垂金色臂，輪手下指，示阿難言：汝今見我母陀羅手，為正為倒？阿難言：世間眾生以此為倒，而我不知誰正誰倒。佛告阿難：若世間人以此為倒，即世間人將何為正？阿難言：如來豎臂，兜羅綿手上指於空，則名為正。

佛即豎臂，告阿難言：若此顛倒，首尾相換，諸世間人一倍瞻視。則知汝身與諸如來清淨法身，比類發明，如來之身名正徧知，汝等之身號性顛倒。隨汝諦觀汝身佛身，稱顛倒者，名字何處號為顛倒？於時，阿難與諸大眾瞪矐瞻佛，目睛不瞬，不知身心顛倒所在。

佛興慈悲，哀愍阿難及諸大眾，發海潮音，徧告同會：諸善男子，我常說言：「色心諸緣，及心所使，諸所緣法，唯心所現。」汝身汝心，皆是妙明、真精、妙心中所現物。云何汝等遺失本妙圓妙明心、寶明妙性，認悟中迷？晦昧為空，空晦暗中，結暗為色。色雜妄想，想相為身。聚緣內搖，趣外奔逸。昏擾擾相以為心性，一迷為心，決定惑為色身之內。不知色身，外洎山河、虛空、大地，咸是妙明真心中物。譬如澄清百千大海，棄之，唯認一浮漚體，目為全潮，窮盡瀛渤。汝等即是迷中倍人，如我垂手等無差別，如來說為可憐愍者。

阿難承佛悲救深誨，垂泣叉手而白佛言：我雖承佛

如是妙音，悟妙明心，元所圓滿常住心地。而我悟佛現說法音，現以緣心，允所瞻仰。徒獲此心，未敢認為本元心地。願佛哀愍，宣示圓音，拔我疑根，歸無上道。

佛告阿難：汝等尚以緣心聽法，此法亦緣，非得法性。如人以手指月示人，彼人因指，當應看月。若復觀指以為月體，此人豈唯亡失月輪，亦亡其指。何以故？以所標指為明月故。豈唯亡指，亦復不識明之與暗。何以故？即以指體為月明性，明暗二性無所了故。

汝亦如是，若以分別我說法音，為汝心者，此心自應離分別音，有分別性。譬如有客寄宿旅亭，暫止便去，終不常住。而掌亭人都無所去，名為亭主。此亦如是。

若真汝心，則無所去，云何離聲無分別性？斯則豈唯聲分別心？分別我容，離諸色相無分別性。如是乃至分別都無，非色非空，拘舍離等昧為冥諦，離諸法緣無分別性。則汝心性各有所還，云何為主？

阿難言：若我心性各有所還，則如來說妙明元心，云何無還？惟垂哀愍為我宣說。佛告阿難：且汝見我見精明元，此見雖非妙精明心，如第二月，非是月影。汝應諦聽，今當示汝無所還地。

阿難，此大講堂洞開，東方日輪升天，則有明耀。中夜黑月，雲霧晦暝，則復昏暗。戶牖之隙，則復見通。牆宇之間，則復觀壅。分別之處，則復見緣。頑虛之中，

徧是空性。鬱埵^之之象，則紆昏塵。澄霽^之斂氛，又觀清淨。阿難，汝咸看此諸變化相，吾今各還本所因處。云何本因？阿難，此諸變化，明還日輪。何以故？無日不明，明因屬日，是故還日。暗還黑月，通還戶牖，壅還牆宇，緣還分別，頑虛還空，鬱埵還塵，清明還霽。則諸世間一切所有，不出斯類。

汝見八種見精明性，當欲誰還？何以故？若還於明，則不明時無復見暗。雖明暗等種種差別，見無差別。諸可還者，自然非汝；不汝還者，非汝而誰？則知汝心本妙明淨。汝自迷悶，喪本受輪，於生死中常被漂溺，是故如來名可憐愍。

阿難言：我雖識此見性無還，云何得知是我真性？佛告阿難：吾今問汝。今汝未得無漏清淨，承佛神力，見於初禪，得無障礙。而阿那律見閻浮提，如觀掌中菴摩羅果。諸菩薩等見百千界。十方如來，窮盡微塵清淨國土，無所不矚。眾生洞視不過分寸。阿難，且吾與汝觀四天王所住宮殿，中間徧覽水陸空行。雖有昏明種種形像，無非前塵分別留礙，汝應於此分別自他。今吾將汝擇於見中，誰是我體？誰為物象？

阿難，極汝見源，從日月宮，是物非汝；至七金山，周徧諦觀，雖種種光，亦物非汝。漸漸更觀，雲騰鳥飛，風動塵起，樹木山川，草芥人畜，咸物非汝。

阿難，是諸近遠諸有物性，雖復差殊，同汝見精清淨所矚。則諸物類自有差別，見性無殊。此精妙明，誠汝見性。若見是物，則汝亦可見吾之見？若同見者，名為見吾；吾不見時，何不見吾不見之處？若見不見，自然非彼不見之相。若不見吾不見之地，自然非物，云何非汝？

又則汝今見物之時，汝既見物，物亦見汝。體性紛雜，則汝與我並諸世間，不成安立。阿難，若汝見時，是汝非我，見性周徧，非汝而誰？云何自疑汝之真性，性汝不真，取我求實？

阿難白佛言：世尊，若此見性必我非餘，我與如來

觀四天王勝藏寶殿，居日月宮，此見周圓徧娑婆國；退歸精舍，祇見伽藍^{*}；清心戶堂，但瞻簷廡^x。世尊，此見如是，其體本來周徧一界，今在室中唯滿一室。為復此見縮大為小？為當牆宇夾令斷絕？我今不知斯義所在，願垂弘慈，為我敷演。

佛告阿難：一切世間大小內外諸所事業，各屬前塵，不應說言見有舒縮。譬如方器，中見方空。吾復問汝，此方器中所見方空，為復定方？為不定方？若定方者，別安圓器，空應不圓。若不定者，在方器中應無方空。汝言不知斯義所在，義性如是，云何為在？

阿難，若復欲令入無方圓，但除器方。空體無方，

不應說言：更除虛空方相所在。若如汝問，入室之時，縮見令小。仰觀日時，汝豈挽見齊於日面？若築牆宇能夾見斷，穿為小竇，寧無續迹？是義不然。一切眾生從無始來，迷己為物，失於本心，為物所轉，故於是中觀大觀小。若能轉物，則同如來。身心圓明不動道場，於一毛端，徧能含受十方國土。

阿難白佛言：世尊，若此見精必我妙性，今此妙性現在我前，見必我真，我今身心復是何物？而今身心分別有實，彼見無別分辨我身。若實我心，令我今見，見性實我，而身非我？何殊如來先所難言，物能見我？惟垂大慈開發未悟。

佛告阿難：今汝所言見在汝前，是義非實。若實汝前，汝實見者，則此見精既有方所，非無指示。且今與汝坐祇陀林，徧觀林渠及與殿堂，上至日月，前對恆河。汝今於我師子座前，舉手指陳是種種相：陰者是林，明者是日，礙者是壁，通者是空，如是乃至草樹纖毫，大小雖殊，但可有形，無不指著。若必其見現在汝前，汝應以手確實指陳，何者是見？

阿難，當知若空是見，既已成見，何者是空？若物是見，既已是見，何者為物？汝可微細披剝萬象，析出精明淨妙見元，指陳示我，同彼諸物分明無惑。阿難言：我今於此重閣講堂，遠泊恆河，上觀日月，舉手所指，

縱目所觀、指皆是物，無是見者。世尊，如佛所說，況我有漏初學聲聞，乃至菩薩，亦不能於萬物象前剖出精見，離一切物別有自性。佛言：如是。如是。

佛復告阿難：如汝所言，無有見精離一切物別有自性，則汝所指是物之中，無是見者。今復告汝，汝與如來坐祇陀林，更觀林苑，乃至日月種種象殊，必無見精受汝所指。汝又發明，此諸物中何者非見？

阿難言：我實徧見此祇陀林，不知是中何者非見。何以故？若樹非見，云何見樹？若樹即見，復云何樹？如是乃至，若空非見，云何見空？若空即見，復云何空？我又思惟：是萬象中，微細發明，無非見者。佛言：如

是。如是。

於是，大眾非無學者，聞佛此言，茫然不知是義終始，一時惶悚，失其所守。如來知其魂慮變懼，心生憐愍，安慰阿難及諸大眾：諸善男子，無上法王是真實語，如所如說，不誑不妄，非末伽梨四種不死矯亂論議。汝諦思惟，無忝哀慕。

是時，文殊師利法王子愍諸四眾，在大眾中即從座起，頂禮佛足，合掌恭敬而白佛言：世尊，此諸大眾，不悟如來發明二種精見，色空，是、非是義。世尊，若此前緣色空等象，若是見者，應有所指；若非見者，應無所矚。而今不知是義所歸，故有驚怖，非是疇昔善根

輕^了。惟願如來大慈發明，此諸物象與此見精，元是何物？於其中間，無是、非是。

佛告文殊及諸大眾：十方如來及大菩薩，於其自住三摩地中，見與見緣並所想相，如虛空華，本無所有。此見及緣，元是菩提妙淨明體，云何於中有是非？

文殊，吾今問汝，如汝文殊，更有文殊是文殊者，為無文殊？如是，世尊。我真文殊，無是文殊。何以故？若有是者，則二文殊。然我今日非無文殊，於中實無是非二相。

佛言：此見妙明與諸空塵，亦復如是。本是妙明無上菩提，淨圓真心，妄為色空及與聞見。如第二月，誰

為是月？又誰非月？文殊，但一月真，中間自無是非月。是以汝今，觀見與塵種種發明，名為妄想，不能於中出是非是。由是精真妙覺明性，故能令汝出指非指。

阿難白佛言：世尊，誠如法王所說：覺緣徧十方界，湛然常住，性非生滅，與先梵志娑毗迦羅所談冥諦，及投灰等諸外道種，說有真我徧滿十方，有何差別？世尊亦曾於楞伽山，為大慧等敷演斯義：「彼外道等常說自然，我說因緣，非彼境界。」我今觀此覺性自然，非生非滅，遠離一切虛妄顛倒，似非因緣，與彼自然。云何開示不入群邪，獲真實心妙覺明性？

佛告阿難：我今如是開示方便，真實告汝，汝猶未

悟，惑為自然。阿難，若必自然，自須甄明有自然體。汝且觀此妙明見中，以何為自？此見為復以明為自？以暗為自？以空為自？以塞為自？阿難，若明為自，應不見暗。若復以空為自體者，應不見塞。如是乃至諸暗等相以為自者，則於明時，見性斷滅，云何見明？

阿難言：必此妙見性非自然，我今發明是因緣生，心猶未明，諮詢如來，是義云何合因緣性？佛言：汝言因緣，吾復問汝：汝今因見，見性現前，此見為復因明有見？因暗有見？因空有見？因塞有見？阿難，若因明有，應不見暗。如因暗有，應不見明。如是乃至因空因塞，同於明暗。

復次，阿難，此見又復緣明有見？緣暗有見？緣空有見？緣塞有見？阿難，若緣空有，應不見塞。若緣塞有，應不見空。如是乃至緣明緣暗，同於空塞。

當知如是精覺妙明，非因非緣，亦非自然，非不自然。無非不非，無是非是。離一切相即一切法。汝今云何於中措心，以諸世間戲論名相而得分別？如以手掌撮摩虛空，祇益自勞，虛空云何隨汝執捉？

阿難白佛言：世尊，必妙覺性非因非緣，世尊云何常與比丘宣說：「見性具四種緣，所謂因空、因明、因心、因眼。」是義云何？

佛言：阿難，我說世間諸因緣相，非第一義。阿難，

吾復問汝：諸世間人說我能見，云何名見？云何不見？阿難言：世人因於日、月、燈光，見種種相，名之為見。若復無此三種光明，則不能見。阿難，若無明時名不見者，應不見暗。若必見暗，此但無明，云何無見？阿難，若在暗時不見明故，名為不見；今在明時不見暗相，還名不見。如是二相俱名不見。若復二相自相陵奪，非汝見性於中暫無。如是則知二俱名見，云何不見？

是故，阿難，汝今當知，見明之時，見非是明。見暗之時，見非是暗。見空之時，見非是空。見塞之時，見非是塞。四義成就。汝復應知，見見之時，見非是見，見猶離見，見不能及。云何復說因緣、自然及和合相？

汝等聲聞狹劣無識，不能通達清淨實相。吾今誨汝，當善思惟，無得疲怠妙菩提路。

阿難白佛言：世尊，如佛世尊為我等輩，宣說因緣及與自然，諸和合相與不和合，心猶未開，而今更聞「見見非見」，重增迷悶。伏願弘慈，施大慧目，開示我等覺心明淨。作是語已，悲淚頂禮，承受聖旨。

爾時，世尊憐愍阿難及諸大眾，將欲敷演大陀羅尼、諸三摩提妙修行路，告阿難言：汝雖強記，但益多聞，於奢摩他微密觀照，心猶未了。汝今諦聽，吾當為汝分別開示，亦令將來諸有漏者獲菩提果。

阿難，一切眾生輪迴世間，由二顛倒，分別見妄。

當處發生，當業輪轉。云何二見？一者，眾生別業妄見。二者，眾生同分妄見。

云何名為別業妄見？阿難，如世間人目有赤眚，云夜見燈光別有圓影，五色重疊。於意云何？此夜燈明所現圓光，為是燈色？為當見色？阿難，此若燈色，則非眚人何不同見，而此圓影唯眚之觀？若是見色，見已成色，則彼眚人見圓影者，名為何等？復次，阿難，若此圓影離燈別有，則合傍觀屏帳几筵有圓影出。離見別有，應非眼矚，云何眚人目見圓影？

是故當知：色實在燈，見病為影；影見俱眚，見眚非病。終不應言「是燈是見」，於是中有「非燈非見」。

如第二月，非體非影。何以故？第二之觀，捏所成故。諸有智者不應說言，此捏根元是形、非形、離見、非見。此亦如是。目眚所成，今欲名誰「是燈是見」？何況分別「非燈非見」？

云何名為同分妄見？阿難，此閻浮提除大海水，中間平陸有三千洲，正中大洲東西括量，大國凡有二千三百，其餘小洲在諸海中，其間或有三兩百國，或一或二，至於三十、四十、五十。阿難，若復此中有一小洲，祇有兩國。唯一國人同感惡緣，則彼小洲當土眾生，覩諸一切不祥境界，或見二日，或見兩月，其中乃至暈適珮玦、彗孛飛流、負耳虹蜺，種種惡相。但此國見，彼

國眾生本所不見，亦復不聞。

阿難，吾今為汝以此二事，進退合明。阿難，如彼眾生別業妄見，矚燈光中所現圓影，雖似前境，終彼見者目眚所成。眚即見勞，非色所造，然見眚者終無見咎。例汝今日，以目觀見山河國土及諸眾生，皆是無始見病所成。

見與見緣，似現前境，元我覺明，見所緣眚，覺見即眚。本覺明心，覺緣非眚，覺所覺眚，覺非眚中。此實見見。云何復名覺聞知見？是故，汝今見我及汝，並諸世間十類眾生，皆即見眚，非見眚者。彼見真精，性非眚者，故不名見。

阿難，如彼眾生同分妄見，例彼妄見別業一人：一病目人同彼一國，彼見圓影眚妄所生，此眾同分所現不祥，同見業中瘴惡所起，俱是無始見妄所生。

例閻浮提三千洲中兼四大海、娑婆世界，並洎十方諸有漏國及諸眾生，同是覺明無漏妙心，見聞覺知虛妄病緣。和合妄生，和合妄死。若能遠離諸和合緣及不和合，則復滅除諸生死因。圓滿菩提不生滅性，清淨本心，本覺常住。

阿難，汝雖先悟本覺妙明，性非因緣，非自然性，而猶未明如是覺元，非和合生及不和合。阿難，吾今復以前塵問汝。汝今猶以一切世間妄想和合、諸因緣性，

而自疑惑，證菩提心和合起者。則汝今者妙淨見精，為與明和？為與暗和？為與通和？為與塞和？若明和者，且汝觀明，當明現前，何處雜見？見相可辨，雜何形像？若非見者，云何見明？若即見者，云何見見？必見圓滿，何處和明？若明圓滿，不合見和。見必異明，雜則失彼性明名字。雜失明性，和明非義。彼暗與通及諸群塞，亦復如是。

復次，阿難，又汝今者妙淨見精，為與明合？為與暗合？為與通合？為與塞合？若明合者，至於暗時，明相已滅，此見即不與諸暗合，云何見暗？若見暗時，不與暗合與明合者，應非見明。既不見明，云何明合，了

明非暗？彼暗與通及諸群塞，亦復如是。

阿難白佛言：世尊，如我思惟，此妙覺元與諸緣塵及心念慮，非和合耶？佛言：汝今又言覺非和合。吾復問汝，此妙見精非和合者，為非明和？為非暗和？為非通和？為非塞和？若非明和，則見與明必有邊畔。汝且諦觀，何處是明？何處是見？在見在明，自何為畔？阿難，若明際中必無見者，則不相及，自不知其明相所在，畔云何成？彼暗與通及諸群塞，亦復如是。

又妙見精非和合者，為非明合？為非暗合？為非通合？為非塞合？若非明合，則見與明，性相乖角，如耳與明，了不相觸。見且不知明相所在，云何甄明合非合

理？彼暗與通及諸群塞，亦復如是。

阿難，汝猶未明一切浮塵、諸幻化相，當處出生，隨處滅盡。幻妄稱相，其性真為妙覺明體。如是乃至五陰、六入，從十二處至十八界，因緣和合，虛妄有生；因緣別離，虛妄名滅。殊不能知生滅去來，本如來藏常住、妙明、不動、周圓、妙真如性。性真常中，求於去來、迷悟、生死，了無所得。

阿難，云何五陰本如來藏妙真如性？

阿難，譬如有人，以清淨目觀晴明空，唯一晴虛，迴無所有。其人無故不動目睛，瞪以發勞，則於虛空別見狂華，復有一切狂亂非相。色陰當知，亦復如是。

阿難，是諸狂華，非從空來，非從目出。如是阿難，若空來者，既從空來，還從空入。若有出入，即非虛空。空若非空，自不容其華相起滅，如阿難體不容阿難。

若目出者，既從目出，還從目入。即此華性從目出故，當合有見。若有見者，去既華空，旋合見眼。若無見者，出既翳空，旋當翳眼。又見華時，目應無翳，云何晴空，號清明眼？是故當知：色陰虛妄，本非因緣，非自然性。

阿難，譬如有人，手足宴安，百骸調適，忽如忘生，性無違順。其人無故以二手掌於空相摩；於二手中，妄生澀滑冷熱諸相。受陰當知，亦復如是。

阿難，是諸幻觸，不從空來，不從掌出。如是阿難，若空來者，既能觸掌，何不觸身？不應虛空選擇來觸。若從掌出，應非待合。又掌出故，合則掌知，離則觸入，臂、腕、骨、髓，應亦覺知入時蹤跡。必有覺心知出知入，自有一物身中往來，何待合知，要名為觸？是故當知，受陰虛妄，本非因緣，非自然性。

阿難，譬如有人，談說酢梅^{ㄙㄨㄛˊ}，口中水出；思蹋懸崖，足心酸澀。想陰當知，亦復如是。

阿難，如是酢說，不從梅生，非從口入。如是阿難，若梅生者，梅合自談，何待人說？若從口入，自合口聞，何須待耳？若獨耳聞，此水何不耳中而出？思蹋懸崖，

與說相類。是故當知，想陰虛妄，本非因緣，非自然性。阿難，譬如暴流，波浪相續，前際後際，不相踰越。行陰當知，亦復如是。

阿難，如是流性，不因空生，不因水有，亦非水性，非離空水。如是，阿難，若因空生，則諸十方無盡虛空，成無盡流，世界自然俱受淪溺。若因水有，則此暴流性應非水。有、所有相，今應現在。若即水性，則澄清時，應非水體。若離空水，空非有外，水外無流。是故當知，行陰虛妄，本非因緣，非自然性。

阿難，譬如有人，取頻伽瓶，塞其兩孔，滿中擊空，千里遠行，用餉他國。識陰當知，亦復如是。

阿難，如是虛空，非彼方來，非此方入。如是，阿難，若彼方來，則本瓶中既貯空去，於本瓶地應少虛空。若此方入，開孔倒瓶，應見空出。是故當知，識陰虛妄，本非因緣，非自然性。

大佛頂如來密因修證了義諸菩薩萬行首楞嚴經
卷第二

大佛頂如來密因修證了義諸菩薩萬行首楞嚴經 卷第三

復次，阿難，云何六入本如來藏妙真如性？

阿難，即彼目睛瞪發勞者，兼目與勞，同是菩提瞪發勞相。因於明、暗二種妄塵，發見居中，吸此塵象，名為見性。此見離彼明暗二塵，畢竟無體。

如是阿難，當知是見，非明暗來，非於根出，不於空生。何以故？若從明來，暗即隨滅，應非見暗。若從暗來，明即隨滅，應無見明。若從根生，必無明暗。如是見精本無自性。若於空出，前矚塵象，歸當見根。又空自觀，何關汝入？是故當知，眼入虛妄，本非因緣，

非自然性。

阿難，譬如有人，以兩手指急塞其耳；耳根勞故，頭中作聲。兼耳與勞，同是菩提瞪發勞相。因於動、靜二種妄塵，發聞居中，吸此塵象，名聽聞性。

此聞離彼動靜二塵，畢竟無體。如是阿難，當知是聞，非動靜來，非於根出，不於空生。何以故？若從靜來，動即隨滅，應非聞動。若從動來，靜即隨滅，應無覺靜。若從根生，必無動靜。如是聞體本無自性。若於空出，有聞成性，即非虛空。又空自聞，何關汝入？是故當知，耳入虛妄，本非因緣，非自然性。

阿難，譬如有人，急畜^{トク}其鼻，畜久成勞，則於鼻中

聞有冷觸。因觸分別通塞虛實，如是乃至諸香臭氣。兼鼻與勞，同是菩提瞪發勞相。因於通、塞二種妄塵，發聞居中，吸此塵象，名鼻聞性。

此聞離彼通塞二塵，畢竟無體。當知是聞，非通塞來，非於根出，不於空生。何以故？若從通來，塞則聞滅，云何知塞？如因塞有，通則無聞，云何發明香臭等觸？若從根生，必無通塞。如是聞機本無自性。若從空出，是聞自當迴鼻汝鼻。空自有聞，何關汝入？是故當知，鼻入虛妄，本非因緣，非自然性。

阿難，譬如有人，以舌舐^{*}吻，熟舐令勞。其人若病，則有苦味；無病之人，微有甜觸。由甜與苦，顯此舌根，

不動之時淡性常在。兼舌與勞，同是菩提瞪發勞相。因甜苦、淡二種妄塵，發知居中，吸此塵象，名知味性。此知味性，離彼甜苦及淡二塵，畢竟無體。如是阿難，當知如是嘗苦淡知，非甜苦來，非因淡有，又非根出，不於空生。何以故？若甜苦來，淡則知滅，云何知淡？若從淡出，甜即知亡，復云何知甜苦二相？若從舌生，必無甜淡及與苦塵。斯知味根本無自性。若於空出，虛空自味，非汝口知。又空自知，何關汝入？是故當知，舌入虛妄，本非因緣，非自然性。

阿難，譬如有人，以一冷手觸於熱手。若冷勢多，熱者從冷；若熱功勝，冷者成熱。如是以此合覺之觸，

顯於離知，涉勢若成，因於勞觸。兼身與勞，同是菩提
瞪發勞相。因於離、合二種妄塵，發覺居中，吸此塵象，
名知覺性。

此知覺體，離彼離合、違順二塵，畢竟無體。如是
阿難，當知是覺，非離合來，非違順有，不於根出，又
非空生。何以故？若合時來，離當已滅，云何覺離？違
順二相亦復如是。若從根出，必無離合違順四相，則汝
身知元無自性。必於空出，空自知覺，何關汝入？是故
當知，身入虛妄，本非因緣，非自然性。

阿難，譬如有人，勞倦則眠，睡熟便寤，覽塵斯憶，
失憶為忘。是其顛倒，生住異滅，吸習中歸，不相踰越，

稱意知根。兼意與勞，同是菩提瞪發勞相。因於生、滅二種妄塵，集知居中，吸撮^{々々}內塵，見聞逆流，流不及地，名覺知性。

此覺知性，離彼寤寐生滅二塵，畢竟無體。如是，阿難，當知如是覺知之根，非寤寐來，非生滅有，不於根出，亦非空生。何以故？若從寤來，寐即隨滅，將何為寐？必生時有，滅即同無，令誰受滅？若從滅有，生即滅無，誰知生者？若從根出，寤寐二相隨身開合；離斯二體，此覺知者同於空華，畢竟無性。若從空生，自是空知，何關汝入？是故當知，意入虛妄，本非因緣，非自然性。

復次，阿難，云何十二處本如來藏妙真如性？

阿難，汝且觀此祇陀樹林及諸泉池，於意云何？此等為是色生眼見？眼生色相？阿難，若復眼根生色相者，見空非色，色性應銷。銷則顯發一切都無，色相既無，誰明空質？空亦如是。若復色塵生眼見者，觀空非色，見即銷亡。亡則都無，誰明空色？是故當知，見與色空俱無處所。即色與見，二處虛妄，本非因緣，非自然性。

阿難，汝更聽此祇陀園中，食辦擊鼓，眾集撞鐘，鐘鼓音聲前後相續。於意云何？此等為是聲來耳邊？耳往聲處？阿難，若復此聲來於耳邊，如我乞食室羅筏

城，在祇陀林則無有我。此聲必來阿難耳處，目連迦葉應不俱聞。何況其中一千二百五十沙門，一聞鐘聲同來食處。

若復汝耳往彼聲邊，如我歸住祇陀林中，在室羅城則無有我。汝聞鼓聲，其耳已往擊鼓之處，鐘聲齊出應不俱聞。何況其中象、馬、牛、羊種種音響。若無來往，亦復無聞。是故當知，聽與音聲俱無處所。即聽與聲，二處虛妄，本非因緣，非自然性。

阿難，汝又嗅此鑪中栴檀出，此香若復燃於一鉢，室羅筏城四十里內，同時聞氣。於意云何？此香為復生栴檀木？生於汝鼻？為生於空？

阿難，若復此香生於汝鼻，稱鼻所生，當從鼻出。鼻非栴檀，云何鼻中有栴檀氣？稱汝聞香，當於鼻入，鼻中出香，說聞非義。若生於空，空性常恆，香應常在，何藉鑪中^思熱此枯木？若生於木，則此香質因熱成煙，若鼻得聞，合蒙煙氣。其煙騰空未及遙遠，四十里內云何已聞？是故當知，香鼻與聞俱無處所。即嗅與香，二處虛妄，本非因緣，非自然性。

阿難，汝常二時眾中持鉢，其間或遇酥酪、醍醐^{去反}，名為上味。於意云何？此味為復生於空中？生於舌中？為生食中？

阿難，若復此味生於汝舌，在汝口中祇有一舌，其

舌爾時已成酥味，遇黑石蜜應不推移。若不變移，不名知味。若變移者，舌非多體，云何多味一舌之知？若生於食，食非有識，云何自知？又食自知，即同他食，何預於汝，名味之知？

若生於空，汝噉吞虛空，當作何味？必其虛空若作鹹味，既鹹汝舌，亦鹹汝面，則此界人同於海魚。既常受鹹，了不知淡。若不識淡，亦不覺鹹，必無所知，云何名味？是故當知，味舌與嘗俱無處所。即嘗與味，二俱虛妄，本非因緣，非自然性。

阿難，汝常晨朝以手摩頭，於意云何？此摩所知，誰為能觸？能為在手？為復在頭？

若在於手，頭則無知，云何成觸？若在於頭，手則無用，云何名觸？若各各有，則汝阿難應有二身。若頭與手，一觸所生，則手與頭當為一體。若一體者，觸則無成。若二體者，觸誰為在？在能非所，在所非能，不應虛空與汝成觸。是故當知，覺觸與身俱無處所。即身與觸，二俱虛妄，本非因緣，非自然性。

阿難，汝常意中所緣善、惡、無記^{*}三性，生成法則。此法為復即心所生？為當離心別有方所？

阿難，若即心者，法則非塵，非心所緣，云何成處？若離於心別有方所，則法自性為知、非知？知則名心，異汝非塵，同他心量。即汝即心，云何汝心更二於汝？

若非知者，此塵既非色聲香味、離合冷暖，及虛空相，當於何在？今於色空都無表示，不應人間更有空外。心非所緣，處從誰立？是故當知，法則與心俱無處所。則意與法，二俱虛妄，本非因緣，非自然性。

復次，阿難，云何十八界本如來藏妙真如性？

阿難，如汝所明，眼色為緣，生於眼識。此識為復因眼所生，以眼為界？因色所生，以色為界？

阿難，若因眼生，既無色空，無可分別，縱有汝識，欲將何用？汝見又非青黃赤白，無所表示，從何立界？若因色生，空無色時，汝識應滅，云何識知是虛空性？若色變時，汝亦識其色相遷變；汝識不遷，界從何立？

從變則變，界相自無；不變則恆。既從色生，應不識知虛空所在。

若兼二種眼色共生，合則中離^{*}，離則兩合，體性雜亂，云何成界？是故當知，眼色為緣，生眼識界，三處都無；則眼與色及色界三，本非因緣，非自然性。

阿難，又汝所明，耳聲為緣，生於耳識。此識為復因耳所生，以耳為界？因聲所生，以聲為界？

阿難，若因耳生，動靜二相既不現前，根不成知。必無所知，知尚無成，識何形貌？若取耳聞，無動靜故，聞無所成。云何耳形雜色觸塵，名為識界？則耳識界復從誰立？

若生於聲，識因聲有，則不關聞。無聞則亡聲相所在。識從聲生，許聲因聞而有聲相，聞應聞識，不聞非界。聞則同聲，識已被聞，誰知聞識？若無知者，終如草木。

不應聲聞雜成中界，界無中位；則內外相復從何成？是故當知，耳聲為緣，生耳識界，三處都無；則耳與聲及聲界三，本非因緣，非自然性。

阿難，又汝所明，鼻香為緣，生於鼻識。此識為復因鼻所生，以鼻為界？因香所生，以香為界？

阿難，若因鼻生，則汝心中以何為鼻？為取肉形雙爪之相？為取鼻知動搖之性？若取肉形，肉質乃身，身

知即觸，名身非鼻，名觸即塵。鼻尚無名，云何立界？若取鼻知，又汝心中以何為知？以肉為知，則肉之知，元觸非鼻。以空為知，空則自知，肉應非覺；如是則應虛空是汝。汝身非知，今日阿難應無所在。

以香為知，知自屬香，何預於汝？若香臭氣必生汝鼻，則彼香臭二種流氣，不生伊蘭及栴檀木。二物不來，汝自嗅鼻，為香為臭？臭則非香，香應非臭。若香臭二俱能聞者，則汝一人應有兩鼻。對我問道有二阿難，誰為汝體？若鼻是一，香臭無二，臭既為香，香復成臭，二性不有，界從誰立？

若因香生，識因香有；如眼有見，不能觀眼，因香

有故，應不知香。知即非生，不知非識。香非知有，香界不成。識不知香，因界則非從香建立。既無中間，不成內外；彼諸聞性畢竟虛妄。是故當知，鼻香為緣，生鼻識界，三處都無；則鼻與香及香界三，本非因緣，非自然性。

阿難，又汝所明，舌味為緣，生於舌識。此識為復因舌所生，以舌為界？因味所生，以味為界？

阿難，若因舌生，則諸世間甘蔗、烏梅、黃連、石鹽、細辛、薑、桂都無有味。汝自嘗舌，為甜為苦？若舌性苦，誰來嘗舌？舌不自嘗，孰為知覺？舌性非苦，味自不生，云何立界？

若因味生，識自為味，同於舌根，應不自嘗，云何識知是味非味？又一切味非一物生，味既多生，識應多體。識體若一，體必味生，鹹、淡、甘、辛和合俱生，諸變異相同為一味，應無分別。分別既無，則不名識，云何復名舌味識界？不應虛空生汝心識。舌味和合，即於是中元無自性，云何界生？是故當知，舌味為緣，生舌識界，三處都無；則舌與味及舌界三，本非因緣，非自然性。

阿難，又汝所明，身觸為緣，生於身識。此識為復因身所生，以身為界？因觸所生，以觸為界？

阿難，若因身生，必無合離二覺觀緣，身何所識？

若因觸生，必無汝身，誰有非身知合離者？阿難，物不觸知，身知有觸。知身即觸，知觸即身；即觸非身，即身非觸。身觸二相元無處所。合身即為身自體性，離身即是虛空等相。內外不成，中云何立？中不復立，內外性空，則汝識生，從誰立界？是故當知，身觸為緣，生身識界，三處都無；則身與觸及身界三，本非因緣，非自然性。

阿難，又汝所明，意法為緣，生於意識。此識為復因意所生，以意為界？因法所生，以法為界？

阿難，若因意生，於汝意中，必有所思發明汝意。若無前法，意無所生；離緣無形，識將何用？又汝識心

與諸思量兼了別性，為同為異？同意即意，云何所生？異意不同，應無所識。若無所識，云何意生？若有所識，云何識意？唯同與異，二性無成，界云何立？

若因法生，世間諸法不離五塵。汝觀色法及諸聲法、香法、味法及與觸法，相狀分明，以對五根，非意所攝。汝識決定依於法生，汝今諦觀，法法何狀？若離色空、動靜、通塞、合離、生滅，越此諸相，終無所得。^{*}生則色空諸法等生，滅則色空諸法等滅。所因既無，因生有識，作何形相？相狀不有，界云何生？是故當知，意法為緣，生意識界，三處都無；則意與法及意界三，本非因緣，非自然性。

阿難白佛言：世尊，如來常說和合因緣：一切世間種種變化，皆因四大和合發明。云何如來因緣、自然二俱排擯？我今不知斯義所屬，惟垂哀愍，開示眾生中道了義、無戲論法。

爾時，世尊告阿難言：汝先厭離聲聞、緣覺諸小乘法，發心勤求無上菩提，故我今時為汝開示第一義諦。如何復將世間戲論、妄想因緣，而自纏繞？汝雖多聞，如說藥人，真藥現前不能分別，如來說為真可憐愍。汝今諦聽，吾當為汝分別開示，亦令當來修大乘者，通達實相。阿難默然承佛聖旨。

阿難，如汝所言，四大和合發明世間種種變化。阿

難，若彼大性體非和合，則不能與諸大雜和，猶如虛空不和諸色。若和合者，同於變化，始終相成，生滅相續，生死生生，生生死死，如旋火輪，未有休息。阿難，如水成冰，冰還成水。

汝觀地性，麤つ為大地，細為微塵；至鄰虛塵，析彼極微，色邊際相，七分所成；更析鄰虛，即實空性。阿難，若此鄰虛析成虛空，當知虛空出生色相。汝今問言：由和合故，出生世間諸變化相。汝且觀此一鄰虛塵，用幾虛空和合而有？不應鄰虛合成鄰虛。又鄰虛塵析入空者，用幾色相合成虛空？若色合時，合色非空。若空合時，合空非色。色猶可析，空云何合？汝元不知：如來

藏中，性色真空，性空真色。清淨本然，周徧法界；隨眾生心，應所知量。循業發現。世間無知，惑為因緣及自然性，皆是識心分別計度；但有言說，都無實義。

阿難，火性無我，寄於諸緣。汝觀城中未食之家，欲炊爨爨時，手執陽燧燧日前求火。阿難，名和合者，如我與汝一千二百五十比丘，今為一眾。眾雖為一，詰其根本，各各有身，皆有所生氏族名字。如：舍利弗，婆羅門種；優樓頻螺，迦葉波種；乃至阿難，瞿曇曇種姓。阿難，若此火性因和合有，彼手執鏡於日求火，此火為從鏡中而出？為從艾出？為於日來？

阿難，若日來者，自能燒汝手中之艾，來處林木皆

應受焚。若鏡中出，自能於鏡出然於艾，鏡何不鎔？紆汝手執，尚無熱相，云何融泮？若生於艾，何藉日鏡光明相接，然後火生？汝又諦觀，鏡因手執，日從天來，艾本地生，火從何方遊歷於此？日鏡相遠，非和非合；不應火光無從自有。

汝猶不知：如來藏中，性火真空，性空真火。清淨本然，周徧法界；隨眾生心，應所知量。阿難，當知世人一處執鏡，一處火生；徧法界執，滿世間起。起徧世間，寧有方所？循業發現。世間無知，惑為因緣及自然性，皆是識心分別計度；但有言說，都無實義。

阿難，水性不定，流息無恆。如室羅城迦毗羅仙、

斫迦羅仙及鉢頭摩、訶薩多等諸大幻師，求太陰精用和幻藥。是諸師等，於白月晝手執方諸，承月中水。此水為復從珠中出？空中自有？為從月來？

阿難，若從月來，尚能遠方令珠出水，所經林木皆應吐流，流則何待方諸所出？不流，明水非從月降。若從珠出，則此珠中常應流水，何待中宵承白月晝？若從空生，空性無邊，水當無際，從人洎天，皆同滔溺。云何復有水陸空行？

汝更諦觀：月從天陟^{ㄊㄨˋ}，珠因手持，承珠水盤本人敷設，水從何方流注於此？月珠相遠，非和非合；不應水精無從自有。汝尚不知：如來藏中，性水真空，性空真

水。清淨本然，周徧法界；隨眾生心，應所知量。一處執珠，一處水出；徧法界執，滿法界生。生滿世間，寧有方所？循業發現。世間無知，惑為因緣及自然性，皆是識心分別計度；但有言說，都無實義。

阿難，風性無體，動靜不常。汝常整衣入於大眾，僧伽梨角動及傍人，則有微風拂彼人面。此風為復出袈裟角？發於虛空？生彼人面？

阿難，此風若復出袈裟角，汝乃披風；其衣飛搖，應離汝體。我今說法，會中垂衣；汝看我衣，風何所在？不應衣中有藏風地。若生虛空，汝衣不動，何因無拂？空性常住，風應常生。若無風時，虛空當滅。滅風可見，

滅空何狀？若有生滅，不名虛空。名為虛空，云何風出？若風自生被拂之面，從彼面生，當應拂汝。自汝整衣，云何倒拂？

汝審諦觀：整衣在汝，面屬彼人，虛空寂然，不參流動，風自誰方鼓動來此？風空性隔，非和非合；不應風性無從自有。

汝宛不知：如來藏中，性風真空，性空真風。清淨本然，周徧法界；隨眾生心，應所知量。阿難，如汝一人微動服衣，有微風出；徧法界拂，滿國土生，周徧世間，寧有方所？循業發現。世間無知，惑為因緣及自然性，皆是識心分別計度；但有言說，都無實義。

阿難，空性無形，因色顯發。如室羅城去河遙處，諸刹利種及婆羅門、毗舍、首陀，兼頗羅墮、旃陀羅等，新立安居，鑿井求水。出土一尺，於中則有一尺虛空。如是乃至出土一丈，中間還得一丈虛空。虛空淺深，隨出多少。此空為當因土所出？因鑿所有？無因自生？

阿難，若復此空無因自生，未鑿土前，何不無礙？唯見大地迴（是）無通達。若因土出，則土出時，應見空入。若土先出無空入者，云何虛空因土而出？若無出入，則應空土元無異因。無異則同，則土出時，空何不出？若因鑿出，則鑿出空，應非出土。不因鑿出，鑿自出土，云何見空？

汝更審諦，諦審諦觀：鑿從人手，隨方運轉，土因地移，如是虛空因何所出？鑿空虛實，不相為用，非和非合。不應虛空無從自出。若此虛空性圓周徧，本不動搖，當知現前地、水、火、風，均名五大，性真圓融，皆如來藏，本無生滅。阿難，汝心昏迷，不悟四大元如來藏。當觀虛空為出？為入？為非出入？

汝全不知：如來藏中，性覺真空，性空真覺。清淨本然，周徧法界；隨眾生心，應所知量。阿難，如一井空，空生一井。十方虛空亦復如是，圓滿十方，寧有方所？循業發現。世間無知，惑為因緣及自然性，皆是識心分別計度；但有言說，都無實義。

阿難，見覺無知，因色空有。如汝今者在祇陀林，朝明夕昏。設居中宵，白月則光，黑月便暗，則明暗等，因見分析。此見為復與明暗相並太虛空，為同一體？為非一體？或同非同？或異非異？

阿難，此見若復與明與暗及與虛空，元一體者，則明與暗，二體相亡。暗時無明，明時非暗。若與暗一，明則見亡。必一於明，暗時當滅。滅則云何見明見暗？若明暗殊，見無生滅，一云何成？若此見精，與暗與明非一體者，汝離明暗及與虛空，分析見元作何形相？離明、離暗及離虛空，是見元同龜毛兔角。

明、暗、虛空三事俱異，從何立見？明暗相背，云

何或同？離^{*}三元無，云何或異？分空分見，本無邊畔，云何非同？見^{*}暗見明，性非遷改，云何非異？

汝更細審，微細審詳，審諦審觀：明從太陽，暗隨黑月，通屬虛空，壅歸大地，如是見精因何所出？見覺空頑，非和非合；不應見精無從自出。

若見聞知，性圓周徧，本不動搖，當知無邊不動虛空，並其動搖地、水、火、風，均名六大；性真圓融，皆如來藏，本無生滅。阿難，汝性沈淪，不悟汝之見聞覺知本如來藏。汝當觀此見聞覺知，為生為滅？為同為異？為非生滅？為非同異？

汝曾不知：如來藏中，性見覺明，覺精明見。清淨

本然，周徧法界；隨眾生心，應所知量。如一見根，見周法界，聽、嗅、嘗、觸、覺觸、覺知，妙德瑩然，徧周法界，圓滿十虛，寧有方所？循業發現。世間無知，惑為因緣及自然性，皆是識心分別計度；但有言說，都無實義。

阿難，識性無源，因於六種根塵妄出。汝今徧觀此會聖眾，用目循歷，其目周視，但如鏡中，無別分析。汝識於中次第標指，此是文殊，此富樓那，此目犍連，此須菩提，此舍利弗。

此識了知，為生於見？為生於相？為生虛空？為無所因突然而出？阿難，若汝識性生於見中，如無明暗及

與色空，四種必無，元無汝見。見性尚無，從何發識？若汝識性生於相中，不從見生，既不見明，亦不見暗。明暗不曠，即無色空；彼相尚無，識從何發？若生於空，非相非見。非見無辨，自不能知明暗色空。非相滅緣，見聞覺知無處安立。處此二非，空則同無，有非同物。縱發汝識，欲何分別？若無所因突然而出，何不日中別識明月？

汝更細詳，微細詳審：見託汝睛，相推前境，可狀成有，不相成無。如是識緣因何所出？識動見澄，非和非合；聞聽覺知亦復如是。不應識緣無從自出。若此識心本無所從，當知了別見聞覺知，圓滿湛然，性非從所；

兼彼虛空、地、水、火、風，均名七大，性真圓融，皆如來藏，本無生滅。

阿難，汝心麤浮，不悟見聞發明了知，本如來藏。汝應觀此六處識心，為同為異？為空為有？為非同異？為非空有？汝元不知：如來藏中，性識明知，覺明真識。妙覺湛然，徧周法界，含吐十虛，寧有方所？循業發現。世間無知，惑為因緣及自然性，皆是識心分別計度；但有言說，都無實義。

爾時，阿難及諸大眾，蒙佛如來微妙開示，身心蕩然，得無罣礙。是諸大眾，各各自知心徧十方，見十方空，如觀手中所持葉物。一切世間諸所有物，皆即菩提

妙明元心，心精徧圓，含裹十方。反觀父母所生之身，猶彼十方虛空之中，吹一微塵，若存若亡；如湛巨海流一浮漚，起滅無從。了然自知獲本妙心，常住不滅。禮佛合掌，得未曾有。於如來前，說偈讚佛：

妙湛總持不動尊，首楞嚴王世稀有！
銷我億劫顛倒想，不歷僧祇獲法身。
願今得果成寶王，還度如是恆沙眾；
將此深心奉塵刹，是則名為報佛恩。
伏請世尊為證明，五濁惡世誓先入；
如一眾生未成佛，終不於此取泥洹。
大雄大力大慈悲，希更審除微細惑；

令我早登無上覺，於十方界坐道場。
舜^{*}若多性可銷亡，爍^{*}迦羅心無動轉。

大佛頂如來密因修證了義諸菩薩萬行首楞嚴經
卷第三

大佛頂如來密因修證了義諸菩薩萬行首楞嚴經 卷第四

爾時，富樓那彌多羅尼子在大眾中，即從座起，偏袒右肩，右膝著地，合掌恭敬而白佛言：大威德世尊，善為眾生敷演如來第一義諦。世尊常推說法人中，我為第一。今聞如來微妙法音，猶如聾人逾百步外，聆於蚊蚋。本所不見，何況得聞？佛雖宣明，令我除惑，今猶未詳斯義究竟無疑惑地。世尊，如阿難輩，雖則開悟，習漏未除。我等會中登無漏者，雖盡諸漏，今聞如來所說法音，尚紆^{*}疑悔。

世尊，若復世間一切根、塵、陰、處、界等，皆如

來藏，清淨本然，云何忽生山河大地諸有為相？次第遷流，終而復始。又如來說地、水、火、風本性圓融，周徧法界，湛然常住。世尊，若地性徧，云何容水？水性周徧，火則不生。復云何明水火二性，俱徧虛空，不相陵滅？世尊，地性障礙，空性虛通，云何二俱周徧法界？而我不知是義攸往，惟願如來宣流大慈，開我迷雲及諸大眾。作是語已，五體投地，欽渴如來無上慈誨。

爾時，世尊告富樓那，及諸會中漏盡無學諸阿羅漢：如來今日普為此會，宣勝義中真勝義性，令汝會中定性聲聞，及諸一切未得二空，迴向上乘阿羅漢等，皆獲一乘寂滅場地、真阿練若^{*}正修行處。汝今諦聽，當為

汝說。富樓那等欽佛法音，默然承聽。

佛言：富樓那，如汝所言，清淨本然，云何忽生山河大地？汝常不聞如來宣說：性覺妙明，本覺明妙？富樓那言：唯然，世尊，我常聞佛宣說斯義。佛言：汝稱覺明，為復性明，稱名為覺？為覺不明，稱為明覺？富樓那言：若此不明名為覺者，則無所明。佛言：若無所明，則無明覺。有所非覺，無所非明，無明又非覺湛明性。

性覺必明，妄為明覺。覺非所明，因明立所；所既妄立，生汝妄能。無同異中，熾然成異。異彼所異，因異立同。同異發明，因此復立無同無異。如是擾亂，相

待生勞，勞久發塵，自相渾濁，由是引起塵勞煩惱。起為世界，靜成虛空。虛空為同，世界為異。彼無同異，真有為法。

覺明空昧，相待成搖，故有風輪執持世界。因空生搖，堅明立礙，彼金寶者，明覺立堅，故有金輪保持國土。堅覺寶成，搖明風出，風金相摩，故有火光為變化性。寶明生潤，火光上蒸，故有水輪含十方界。火騰水降，交發立堅，濕為巨海，乾為洲渾^今。以是義故，彼大海中火光常起，彼洲渾中江河常注。水勢劣火，結為高山，是故山石擊則成燄，融則成水。土勢劣水，抽為草木，是故林藪^文遇燒成土，因絞^文成水。交妄發生，遞相為

種，以是因緣，世界相續。

復次，富樓那，明妄非他，覺明為咎。所妄既立，明理不踰。以是因緣，聽不出聲，見不超色。色香味觸六妄成就，由是分開見覺聞知。同業相纏，合離成化。見明色發，明見想成。異見成憎，同想成愛。流愛為種，納想為胎。交遘發生，吸引同業，故有因緣生羯羅藍、遏蒲曇等。胎、卵、濕、化，隨其所應。卵唯想生，胎因情有，濕以合感，化以離應。情、想、合、離，更相變易。所有受業，逐其飛沉，以是因緣，眾生相續。

富樓那，想愛同結，愛不能離，則諸世間父母子孫，相生不斷。是等則以欲貪為本。貪愛同滋，貪不能止，

則諸世間卵、化、濕、胎，隨力強弱遞相吞食。是等則以殺貪為本。以人食羊，羊死為人，人死為羊。如是乃至十生之類，死死生生，互來相噉^忽，惡業俱生，窮未來際。是等則以盜貪為本。汝負我命，我還汝債；以是因緣，經百千劫常在生死。汝愛我心，我憐汝色；以是因緣，經百千劫常在纏縛。唯殺、盜、婬，三為根本，以是因緣，業果相續。

富樓那，如是三種顛倒相續，皆是覺明明了知性，因了發相，從妄見生。山河大地諸有為相，次第遷流，因此虛妄，終而復始。

富樓那言：若此妙覺本妙覺明，與如來心不增不

滅，無狀忽生山河大地諸有為相。如來今得妙空明覺，山河大地、有為習漏，何當復生？佛告富樓那：譬如迷人，於一聚落，惑南為北。此迷為復因迷而有？因悟而出？富樓那言：如是迷人，亦不因迷，又不因悟。何以故？迷本無根，云何因迷？悟非生迷，云何因悟？佛言：彼之迷人，正在迷時，條有悟人指示令悟。富樓那，於意云何？此人縱迷於此聚落，更生迷不？不也，世尊。

富樓那，十方如來亦復如是。此迷無本，性畢竟空。昔本無迷，似有迷覺，覺迷迷滅。覺不生迷。亦如翳人見空中華，翳病若除，華於空滅。忽有愚人，於彼空華所滅空地，待華更生。汝觀是人為愚為慧？富樓那言：

空元無華，妄見生滅。見華滅空已是顛倒，敕令更出，斯實狂癡。云何更名如是狂人，為愚為慧？

佛言：如汝所解，云何問言，諸佛如來妙覺明空，何當更出山河大地？又如金礦雜於精金，其金一純，更不成雜。如木成灰，不重為木。諸佛如來菩提涅槃，亦復如是。

富樓那，又汝問言，地水火風本性圓融，周徧法界，疑水火性不相陵滅。又徵虛空及諸大地，俱徧法界，不合相容。富樓那，譬如虛空，體非群相，而不拒彼諸相發揮。所以者何？富樓那，彼太虛空，日照則明，雲屯則暗，風搖則動，霽澄則清，氣凝則濁，土積成霾，水

澄成映。

於意云何？如是殊方諸有為相，為因彼生？為復空有？若彼所生，富樓那，且日照時，既是日明，十方世界同為日色，云何空中更見圓日？若是空明，空應自照，云何中宵雲霧之時不生光耀？當知是明，非日非空，不異空日。

觀相元妄，無可指陳，猶邀空華結為空果，云何詰其相陵滅義？觀性元真，唯妙覺明。妙覺明心，先非水火，云何復問不相容者？真妙覺明亦復如是。汝以空明，則有空現。地、水、火、風各各發明，則各各現。若俱發明，則有俱現。云何俱現？富樓那，如一水中現

於日影，兩人同觀水中之日，東西各行，則各有日隨二人去。一東一西，先無準的。不應難言：此日是一，云何各行？各日既雙，云何現一？宛轉虛妄，無可憑據。

富樓那，汝以色空相傾相奪於如來藏，而如來藏隨為色空，周徧法界。是故於中，風動空澄，日明雲暗。眾生迷悶，背覺合塵，故發塵勞，有世間相。我以妙明不滅不生，合如來藏。

而如來藏唯妙覺明，圓照法界。是故於中，一為無量，無量為一。小中現大，大中現小。不動道場徧十方界；身含十方無盡虛空；於一毛端現寶王剎；坐微塵裏轉大法輪。滅塵合覺，故發真如妙覺明性。

而如來藏，本妙圓心。非心、非空、非地、非水、非風、非火；非眼、非耳、非鼻、舌、身、意；非色、非聲、香、味、觸、法；非眼識界，如是乃至非意識界。非明、無明，明、無明盡；如是乃至非老、非死，非老死盡。非苦、非集、非滅、非道、非智、非得。非檀那、非尸羅、非毗梨耶、非屢提、非禪那、非般若、非波羅蜜多。如是乃至非怛闍阿竭、非阿羅訶、三耶三菩、非大涅槃，非常、非樂、非我、非淨。

以是俱非世出世故，即如來藏元明心妙；即心、即空、即地、即水、即風、即火；即眼、即耳、鼻、舌、身、意；即色、即聲、香、味、觸、法；即眼識界，如

是乃至即意識界。即明、無明，明、無明盡；如是乃至即老、即死，即老死盡。即苦、即集、即滅、即道、即智，即得。即檀那、即尸羅、即毗梨耶、即羼提、即禪那、即般刺若、即波羅蜜多。如是乃至即怛闍阿竭、即阿羅訶、三耶三菩、即大涅槃，即常、即樂、即我、即淨。

以是俱即世出世故，即如來藏妙明心元；離即、離非，是即、非即。如何世間三有眾生，及出世間聲聞、緣覺，以所知心測度如來無上菩提，用世語言入佛知見？譬如琴、瑟、笙、篪、琵琶，雖有妙音，若無妙指，終不能發。汝與眾生亦復如是。寶覺真心各各圓滿。如

我按指，海印發光。汝暫舉心，塵勞先起。由不勤求無上覺道，愛念小乘，得少為足。

富樓那言：我與如來寶覺圓明、真妙淨心，無二圓滿。而我昔遭無始妄想，久在輪迴，今得聖乘，猶未究竟。世尊諸妄一切圓滅，獨妙真常。敢問如來，一切眾生何因有妄，自蔽妙明，受此淪溺？

佛告富樓那：汝雖除疑，餘惑未盡。吾以世間現前諸事，今復問汝。汝豈不聞室羅城中演若達多，忽於晨朝以鏡照面，愛鏡中頭眉目可見，瞋責己頭不見面目，以為魑魅，無狀狂走。於意云何？此人何因無故狂走？富樓那言：是人心狂，更無他故。

佛言：妙覺明圓，本圓明妙，既稱為妄，云何有因？若有所因，云何名妄？自諸妄想輾轉相因，從迷積迷，以歷塵劫，雖佛發明，猶不能返。如是迷因，因迷自有。識迷無因，妄無所依，尚無有生，欲何為滅？得菩提者，如寤時人說夢中事；心縱精明，欲何因緣取夢中物？況復無因，本無所有。如彼城中演若達多，豈有因緣自怖頭走？忽然狂歇，頭非外得。縱未歇狂，亦何遺失？富樓那，妄性如是，因何為在？

汝但不隨分別世間、業果、眾生三種相續，三緣斷故，三因不生，則汝心中演若達多狂性自歇，歇即菩提。勝淨明心本周法界，不從人得，何藉劬勞肯綮修證？譬

如有人於白衣中，繫如意珠不自覺知。窮露他方，乞食馳走，雖實貧窮，珠不曾失。忽有智者指示其珠，所願從心，致大饒富，方悟神珠非從外得。

即時，阿難在大眾中，頂禮佛足，起立白佛：世尊，現說殺、盜、婬業，三緣斷故，三因不生，心中達多狂性自歇，歇即菩提，不從人得。斯則因緣皎然明白，云何如來頓棄因緣？我從因緣心得開悟。世尊，此義何獨我等年少有學聲聞，今此會中大目犍連及舍利弗、須菩提等，從老梵志聞佛因緣，發心開悟，得成無漏。今說菩提不從因緣，則王舍城拘舍梨等所說自然，成第一義。惟垂大悲，開發迷悶。

佛告阿難：即如城中演若達多，狂性因緣若得滅除，則不狂性自然而出。因緣、自然，理窮於是。阿難，演若達多頭本自然，本自其然，無然非自，何因緣故怖頭狂走？

若自然頭，因緣故狂，何不自然，因緣故失？

本頭不失，狂怖妄出，曾無變易，何藉因緣？

本狂自然，本有狂怖，未狂之際，狂何所潛？

不狂自然，頭本無妄，何為狂走？

若悟本頭，識知狂走，因緣、自然，俱為戲論。

是故我言，三緣斷故，即菩提心。菩提心生，生滅心滅，此但生滅。滅生俱盡，無功用道。若有自然，如

是則明自然心生，生滅心滅，此亦生滅。無生滅者，名為自然。猶如世間諸相雜和，成一體者，名和合性。非和合者，稱本然性。本然非然，和合非合。合然俱離，離合俱非，此句方名無戲論法。

菩提、涅槃尚在遙遠，非汝歷劫辛勤修證。雖復憶持十方如來十二部經，清淨妙理如恆河沙，祇益戲論。汝雖談說因緣、自然，決定明了，人間稱汝多聞第一；以此積劫多聞熏習，不能免離摩登伽難。何須待我佛頂神咒，摩登伽心姪火頓歇，得阿那含；於我法中成精進林，愛河乾枯，令汝解脫？

是故，阿難，汝雖歷劫憶持如來秘密妙嚴，不如一

日修無漏業，遠離世間憎、愛二苦。如摩登伽宿為婬女，由神咒力銷其愛欲，法中今名性比丘尼；與羅睺母耶輸陀羅，同悟宿因。知歷世因，貪愛為苦，一念熏修無漏善故，或得出纏，或蒙授記。如何自欺，尚留觀聽？

阿難及諸大眾聞佛示誨，疑惑銷除，心悟實相，身意輕安，得未曾有。重復悲淚，頂禮佛足，長跪合掌而白佛言：無上大悲清淨寶王，善開我心，能以如是種種因緣，方便提獎，引諸沈冥出於苦海。世尊，我今雖承如是法音，知如來藏妙覺明心徧十方界，含育如來十方國土清淨寶嚴妙覺王刹。如來復責多聞無功，不逮修習。我今猶如旅泊之人，忽蒙天王賜與華屋，雖獲大宅，

要因門入。惟願如來不捨大悲，示我在會諸蒙暗者，捐捨小乘，畢獲如來無餘涅槃本發心路；令有學者，從何攝伏疇昔攀緣，得陀羅尼，入佛知見。作是語已，五體投地，在會一心，佇佛慈旨。

爾時，世尊哀愍會中緣覺、聲聞，於菩提心未自在者，及為當來佛滅度後末法眾生，發菩提心，開無上乘妙修行路，宣示阿難及諸大眾：汝等決定發菩提心，於佛如來妙三摩提不生疲倦，應當先明發覺初心二決定義。

云何初心二義決定？阿難，第一義者，汝等若欲捐捨聲聞，修菩薩乘，入佛知見，應當審觀因地發心與果

地覺，為同為異？阿難，若於因地，以生滅心為本修因，而求佛乘不生不滅，無有是處。以是義故，汝當照明諸器世間可作之法，皆從變滅。阿難，汝觀世間可作之法，誰為不壞？然終不聞爛壞虛空。何以故？空非可作，由是始終無壞滅故。則汝身中，堅相為地，潤濕為水，煖觸為火，動搖為風；由此四纏，分汝湛圓妙覺明心，為視、為聽、為覺、為察，從始入終，五疊渾濁。

云何為濁？阿難，譬如清水清潔本然，即彼塵土灰沙之倫，本質留礙。二體法爾，性不相循。有世間人取彼土塵投於淨水，土失留礙，水亡清潔，容貌汨然，名之為濁。汝濁五重亦復如是：

阿難，汝見虛空徧十方界，空見不分。有空無體，有見無覺，相織妄成，是第一重，名為劫濁。

汝身現搏女多四大為體；見聞覺知壅令留礙，水火風土旋令覺知，相織妄成，是第二重，名為見濁。

又汝心中憶識誦習，性發知見，容現六塵。離塵無相，離覺無性，相織妄成，是第三重，名煩惱濁。

又汝朝夕生滅不停，知見每欲留於世間，業運每常遷於國土，相織妄成，是第四重，名眾生濁。

汝等見聞元無異性，眾塵隔越，無狀異生。性中相知，用中相背，同異失準，相織妄成，是第五重，名為命濁。

阿難，汝今欲令見、聞、覺、知，遠契如來常、樂、我、淨，應當先擇死生根本，依不生滅圓湛性成。以湛旋其虛妄滅生，伏還元覺，得元明覺無生滅性，為因地心，然後圓成果地修證。如澄濁水，貯於靜器，靜深不動，沙土自沈。清水現前，名為初伏客塵煩惱。去泥純水，名為永斷根本無明。明相精純，一切變現不為煩惱，皆合涅槃清淨妙德。

第二義者，汝等必欲發菩提心，於菩薩乘生大勇猛，決定棄捐諸有為相，應當審詳煩惱根本：此無始來發業潤生，誰作誰受？阿難，汝修菩提，若不審觀煩惱根本，則不能知虛妄根塵何處顛倒。處尚不知，云何降

伏，取如來位？阿難，汝觀世間解結之人，不見所結，云何知解？不聞虛空被汝隳裂（隳）。何以故？空無形相，無結解故。則汝現前眼耳鼻舌及與身心，六為賊媒，自劫家寶。由此無始眾生世界，生纏縛故，於器世間不能超越。

阿難，云何名為眾生世界？世為遷流，界為方位。汝今當知東、西、南、北、東南、西南、東北、西北、上、下為界；過去、未來、現在為世。方位有十，流數有三。一切眾生織妄相成，身中貿遷，世界相涉。而此界性設雖十方，定位可明，世間祇目東西南北，上下無位，中無定方。四數必明，與世相涉，三四四三，宛轉

十二。流變^{*}三疊，一十百千，總括始終，六根之中，各功德有千二百。

阿難，汝復於中克定優劣。如眼觀見，後暗前明，前方全明，後方全暗，左右旁觀三分之二，統論所作，功德不全，三分言功，一分無德，當知眼唯八百功德。如耳周聽，十方無遺，動若邇^心遙，靜無邊際，當知耳根圓滿一千二百功德。如鼻嗅聞，通出入息，有出有入，而闕^心中交，驗於鼻根，三分闕一，當知鼻唯八百功德。如舌宣揚盡諸世間、出世間智，言有方分，理無窮盡，當知舌根圓滿一千二百功德。如身覺觸，識於違順，合時能覺，離中不知，離一合雙，驗於身根，三分闕一，

當知身唯八百功德。如意默容十方三世一切世間、出世間法，唯聖與凡無不包容，盡其涯際，當知意根圓滿一千二百功德。

阿難，汝今欲逆生死欲流，返窮流根，至不生滅，當驗此等六受用根，誰合誰離？誰深誰淺？誰為圓通？誰不圓滿？若能於此悟圓通根，逆彼無始織妄業流，得循環通與不圓根，日、劫相倍。我今備顯六湛圓明，本所功德數量如是。隨汝詳擇其可入者，吾當發明，令汝增進。十方如來於十八界一一修行，皆得圓滿無上菩提，於其中間，亦無優劣。但汝下劣，未能於中圓自在慧，故我宣揚，令汝但於一門深入。入一無妄，彼六

知根一時清淨。

阿難白佛言：世尊，云何逆流深入一門，能令六根一時清淨？佛告阿難：汝今已得須陀洹果，已滅三界眾生世間見所斷惑，然猶未知根中積生無始虛習，彼習要因修所斷得。何況此中生、住、異、滅分劑頭數？今汝且觀：現前六根，為一為六？阿難，若言一者，耳何不見？目何不聞？頭奚不履？足奚無語？若此六根決定成六，如我今會與汝宣揚微妙法門，汝之六根，誰來領受？

阿難言：我用耳聞。佛言：汝耳自聞，何關身口？口來問義，身起欽承。是故應知，非一終六，非六終一。

終不汝根元一元六。阿難，當知是根非一非六，由無始來顛倒淪替，故於圓湛，一六義生。汝須陀洹雖得六銷，猶未亡一。如太虛空參合群器，由器形異，名之異空。除器觀空，說空為一。彼太虛空，云何為汝成同不同？何況更名是一非一？則汝了知六受用根，亦復如是。

由明暗等二種相形，於妙圓中黏湛發見。見精映色，結色成根。根元目為清淨四大，因名眼體，如蒲萄朵，浮根四塵流逸奔色。由動靜等二種相擊，於妙圓中黏湛發聽。聽精映聲，卷聲成根。根元目為清淨四大，因名耳體，如新卷葉，浮根四塵流逸奔聲。由通塞等二種相發，於妙圓中黏湛發嗅。嗅精映香，納香成根。根

元目為清淨四大，因名鼻體，如雙垂爪，浮根四塵流逸
奔香。

由恬變等二種相參，於妙圓中黏湛發嘗。嘗精映
味，絞味成根。根元目為清淨四大，因名舌體，如初偃
月，浮根四塵流逸奔味。由離合等二種相摩，於妙圓中
黏湛發覺。覺精映觸，搏觸成根。根元目為清淨四大，
因名身體，如腰鼓顙^允，浮根四塵流逸奔觸。由生滅等二
種相續，於妙圓中黏湛發知。知精映法，攬法成根。根
元目為清淨四大，因名意思，如幽室見，浮根四塵流逸
奔法。

阿難，如是六根，由彼覺明，有明明覺，失彼精了，

黏妄發光。是以汝今離暗離明，無有見體；離動離靜，元無聽質；無通無塞，嗅性不生；非變非恬，嘗無所出；不離不合，覺觸本無；無滅無生，了知安寄？汝但不循動靜、合離、恬變、通塞、生滅、明暗，如是十二諸有為相；隨拔一根，脫黏內伏，伏歸元真，發本明耀。耀性發明，諸餘五黏應拔圓脫。不由前塵所起知見，明不循根，寄根明發，由是六根互相為用。

阿難，汝豈不知今此會中，阿那律陀無目而見？跋難陀龍無耳而聽？殑伽神女非鼻聞香？憍梵鉢提異舌知味？舜若多神無身覺觸？如來光中映令暫現，既為風質，其體元無。諸滅盡定得寂聲聞，如此會中摩訶迦葉，

久滅意根，圓明了知，不因心念。

阿難，今汝諸根若圓拔已，內瑩發光，如是浮塵及器世間諸變化相，如湯銷冰，應念化成無上知覺。阿難，如彼世人聚見於眼，若令急合，暗相現前，六根黯然，頭足相類。彼人以手循體外繞，彼雖不見，頭足一辨，知覺是同。緣見因明，暗成無見。不明自發，則諸暗相永不能昏。根塵既銷，云何覺明不成圓妙？

阿難白佛言：世尊，如佛說言，因地覺心，欲求常住，要與果位名目相應。世尊，如果位中，菩提、涅槃、真如、佛性、庵摩羅識、空如來藏、大圓鏡智，是七種名。稱謂雖別，清淨圓滿，體性堅凝如金剛王，常住不

壞。若此見聽，離於明暗、動靜、通塞，畢竟無體，猶如念心離於前塵，本無所有。云何將此畢竟斷滅以為修因，欲獲如來七常住果？世尊，若離明暗，見畢竟空。如無前塵，念自性滅。進退循環，微細推求，本無我心及我心所，將誰立因，求無上覺？如來先說湛精圓常，違越誠言，終成戲論。云何如來真實語者？惟垂大慈，開我蒙^{カク}悞。

佛告阿難：汝學多聞，未盡諸漏。心中徒知顛倒所因，真倒現前，實未能識。恐汝誠心猶未信伏，吾今試將塵俗諸事，當除汝疑。即時，如來敕羅睺羅擊鐘一聲，問阿難言：汝今聞不？阿難、大眾俱言：我聞。鐘歇無

聲，佛又問言：汝今聞不？阿難、大眾俱言：不聞。時，羅睺羅又擊一聲，佛又問言：汝今聞不？阿難大眾又言：俱聞。佛問阿難：汝云何聞？云何不聞？

阿難、大眾俱白佛言：鐘聲若擊，則我得聞。擊久聲銷，音響雙絕，則名無聞。如來又敕羅睺擊鐘，問阿難言：爾今聲不？阿難、大眾俱言：有聲。少選聲銷，佛又問言：爾今聲不？阿難大眾答言：無聲。有頃，羅睺更來撞鐘，佛又問言：爾今聲不？阿難大眾俱言：有聲。佛問阿難：汝云何聲？云何無聲？阿難、大眾俱白佛言：鐘聲若擊，則名有聲。擊久聲銷，音響雙絕，則名無聲。

佛語阿難及諸大眾：汝今云何自語矯亂？大眾、阿難俱時問佛：我今云何名為矯亂？佛言：我問汝聞，汝則言聞。又問汝聲，汝則言聲。唯聞與聲報答無定，如是云何不名矯亂？阿難，聲銷無響，汝說無聞。若實無聞，聞性已滅，同於枯木，鐘聲更擊，汝云何知？知有知無，自是聲塵或無或有，豈彼聞性為汝有無？聞實云無，誰知無者？

是故，阿難，聲於聞中自有生滅，非為汝聞聲生聲滅，令汝聞性為有為無。汝尚顛倒惑聲為聞，何怪昏迷，以常為斷。終不應言：離諸動靜、閉塞、開通，說聞無性。如重睡人眠熟床枕，其家有人於彼睡時搗練多支舂米。

其人夢中聞舂搗聲，別作他物，或為擊鼓，或為撞鐘；即於夢時，自怪其鐘為木石響。於時忽寤，※湔知杵音。自告家人，我正夢時，惑此舂音將為鼓響。

阿難，是人夢中，豈憶靜搖、開閉、通塞？其形雖寐，聞性不昏。縱汝形銷，命光遷謝，此性云何為汝銷滅？以諸眾生從無始來，循諸色聲，逐念流轉，曾不開悟性淨妙常。不循所常，逐諸生滅，由是生生雜染流轉。若棄生滅，守於真常，常光現前，根塵識心應時銷落。想相為塵，識情為垢。二俱遠離，則汝法眼應時清明，云何不成無上知覺？

大佛頂如來密因修證了義諸菩薩萬行首楞嚴經
卷第四

大佛頂如來密因修證了義諸菩薩萬行首楞嚴經 卷第五

阿難白佛言：世尊，如來雖說第二義門，今觀世間解結之人，若不知其所結之元，我信是人終不能解。世尊，我及會中有學聲聞亦復如是。從無始際，與諸無明俱滅俱生，雖得如是多聞善根，名為出家，猶隔日瘡。惟願大慈哀愍淪溺。今日身心云何是結？從何名解？亦令未來苦難眾生，得免輪迴，不落三有。作是語已，普及大眾五體投地，雨淚翹誠，佇佛如來無上開示。

爾時，世尊憐愍阿難及諸會中諸有學者，亦為未來一切眾生，為出世因作將來眼，以閻浮檀紫金光手，摩

阿難頂。即時，十方普佛世界六種震動，微塵如來住世界者，各有寶光從其頂出，其光同時於彼世界來祇陀林，灌如來頂。是諸大眾得未曾有。

於是，阿難及諸大眾俱聞十方微塵如來，異口同音告阿難言：善哉阿難，汝欲識知俱生無明，使汝輪轉生死結根，唯汝六根，更無他物。汝復欲知無上菩提，令汝速證安樂、解脫、寂靜、妙常，亦汝六根，更非他物。

阿難雖聞如是法音，心猶未明，稽首白佛：云何令我生死輪迴，安樂妙常，同是六根，更非他物？佛告阿難：根塵同源，縛脫無二。識性虛妄，猶如空華。阿難，由塵發知，因根有相。相見無性，同於交蘆。是故，汝

今知見立知，即無明本。知見無見，斯即涅槃。無漏真淨，云何是中更容他物？

爾時世尊欲重宣此義，而說偈言：

真性有為空，緣生故如幻；無為無起滅，不實如空華。
言妄顯諸真，妄真同二妄；猶非真非真，云何見所見？
中間無實性，是故若交蘆。結解同所因，聖凡無二路。
汝觀交中性，空有二俱非。迷晦即無明，發明便解脫。
解結因次第，六解一亦亡；根選擇圓通，入流成正覺。
陀那微細識，習氣成暴流；真非真恐迷，我常不開演。
自心取自心，非幻成幻法；不取無非幻，非幻尚不生，
幻法云何立？是名妙蓮華，金剛王寶覺，如幻三摩提，

彈指超無學。此阿毗達磨，十方薄伽梵，一路涅槃門。

於是，阿難及諸大眾，聞佛如來無上慈誨，祇夜伽陀雜糅精瑩，妙理清澈，心目開明，歎未曾有。阿難合掌頂禮白佛：我今聞佛無遮大悲，性淨妙常真實法句，心猶未達「六解一亡」舒結倫次。惟垂大慈，再愍斯會及與將來，施以法音，洗滌沈垢。

即時，如來於師子座整涅槃僧，斂僧伽梨，攬七寶几，引手於几，取劫波羅天所奉花巾，於大眾前縮ス成一結，示阿難言：此名何等？阿難、大眾俱白佛言：此名為結。於是，如來縮疊花巾又成一結，重問阿難：此名何等？阿難、大眾又白佛言：此亦名結。如是倫次縮疊

花巾，總成六結。一一結成，皆取手中所成之結，持問阿難：此名何等？阿難、大眾亦復如是，次第訓佛：此名為結。

佛告阿難：我初縮巾，汝名為結。此疊花巾先實一條，第二，第三，云何汝曹復名為結？阿難白佛言：世尊，此寶疊華緝績成巾，雖本一體，如我思惟，如來一縮，得一結名。若百縮成，終名百結。何況此巾祇有六結，終不至七，亦不停五。云何如來祇許初時，第二第三不名為結？

佛告阿難：此寶華巾，汝知此巾元止一條，我六縮時，名有六結。汝審觀察，巾體是同，因結有異。於意

云何？初縮結成，名為第一，如是乃至第六結生。吾今欲將第六結名，成第一不？不也，世尊。六結若存，斯第六名終非第一，縱我歷生盡其明辨，如何令是六結亂名？佛言：如是。六結不同，循顧本因，一巾所造，令其雜亂終不得成。則汝六根亦復如是，畢竟同中，生畢竟異。

佛告阿難：汝必嫌此六結不成，願樂一成，復云何得？阿難言：此結若存，是非鋒起，於中自生此結非彼，彼結非此。如來今日若總解除，結若不生，則無彼此。尚不名一，六云何成？佛言：「六解一亡」亦復如是。由汝無始心性狂亂，知見妄發，發妄不息，勞見發塵。

如勞目睛，則有狂華，於湛精明無因亂起。一切世間、山河大地、生死涅槃，皆即狂勞顛倒華相。

阿難言：此勞同結，云何解除？如來以手將所結巾偏掣^{イセ}其左，問阿難言：如是解不？不也，世尊。旋復以手偏牽右邊，又問阿難：如是解不？不也，世尊。佛告阿難：吾今以手左右各牽，竟不能解，汝設方便，云何解成？阿難白佛言：世尊，當於結心，解即分散。

佛告阿難：如是，如是。若欲除結，當於結心。阿難，我說佛法從因緣生，非取世間和合麤^カ相。如來發明世、出世法，知其本因，隨所緣出。如是乃至恆沙界外，一滴之雨亦知頭數。現前種種松直、棘^{トゲ}曲、鵠^カ白、烏玄，

皆了元由。是故，阿難，隨汝心中選擇六根，根結若除，塵相自滅，諸妄銷亡，不真何待？

阿難，吾今問汝，此劫波羅巾六結現前，同時解^{*}縈^ㄣ，得同除不？不也，世尊。是結本以次第綰生，今日當須次第而解。六結同體，結不同時，則結解時，云何同除？佛言：六根解除亦復如是。此根初解，先得人空，空性圓明，成法解脫。解脫法已，俱空不生，是名菩薩從三摩地得無生忍。

阿難及諸大眾蒙佛開示，慧覺圓通，得無疑惑。一時合掌，頂禮雙足而白佛言：我等今日身心皎然，快得無礙，雖復悟知一六亡義，然猶未達圓通本根。世尊，

我輩飄零，積劫孤露，何心何慮預佛天倫，如失乳兒忽遇慈母。若復因此際會道成，所得密言，還同本悟，則與未聞無有差別。惟垂大悲，惠我秘嚴，成就如來最後開示。作是語已，五體投地，退藏密機，冀佛冥授。

爾時，世尊普告眾中諸大菩薩，及諸漏盡大阿羅漢：汝等菩薩及阿羅漢，生我法中，得成無學。吾今問汝，最初發心悟十八界，誰為圓通？從何方便入三摩地？

憍陳那五比丘即從座起，頂禮佛足而白佛言：我在鹿苑及於雞園，觀見如來最初成道，於佛音聲悟明四諦。佛問比丘，我初稱解，如來印我名阿若多。妙音密

圓，我於音聲得阿羅漢。佛問圓通，如我所證，音聲為上。

優波尼沙陀^{*}即從座起，頂禮佛足而白佛言：我亦觀佛最初成道，觀不淨相，生大厭離。悟諸色性，以從不淨白骨、微塵，歸於虛空，空色二無，成無學道。如來印我名尼沙陀。塵色既盡，妙色密圓，我從色相得阿羅漢。佛問圓通，如我所證，色因為上。

香嚴童子即從座起，頂禮佛足而白佛言：我聞如來教我諦觀諸有為相。我時辭佛，宴晦清齋，見諸比丘燒沈水香，香氣寂然來入鼻中。我觀此氣非木、非空、非煙、非火，去無所著，來無所從。由是意銷，發明無漏，

如來印我得香嚴號。塵氣倏滅，妙香密圓，我從香嚴得阿羅漢。佛問圓通，如我所證，香嚴為上。

藥王、藥上二法王子，並在會中五百梵天，即從座起，頂禮佛足而白佛言：我無始劫為世良醫，口中嘗此娑婆世界草木金石，名數凡有十萬八千。如是悉知苦、酢、鹹、淡、甘、辛等味，並諸和合俱生變異。是冷是熱，有毒無毒，悉能徧知。承事如來，了知味性，非空非有，非即身心，非離身心，分別味因，從是開悟。蒙佛如來印我昆季，藥王、藥上二菩薩名。今於會中為法王子，因味覺明，位登菩薩。佛問圓通，如我所證，味因為上。

跋陀婆羅並其同伴十六開士，即從座起，頂禮佛足而白佛言：我等先於威音王佛，聞法出家。於浴僧時，隨例入室，忽悟水因：既不洗塵，亦不洗體。中間安然，得無所有，宿習無忘。乃至今時從佛出家，令得無學。彼佛名我跋陀婆羅，妙觸宣明，成佛子住。佛問圓通，如我所證，觸因為上。

摩訶迦葉及紫金光比丘尼等，即從座起，頂禮佛足而白佛言：我於往劫，於此界中，有佛出世，名日月燈，我得親近，聞法修學。佛滅度後，供養舍利，然燈續明，以紫光金塗佛形像。自爾以來，世世生生，身常圓滿紫金光聚。此紫金光比丘尼等，即我眷屬，同時發心。我

觀世間，六塵變壞，唯以空寂修於滅盡，身心乃能度百千劫，猶如彈指。我以空法成阿羅漢。世尊說我頭陀為最，妙法開明，銷滅諸漏。佛問圓通，如我所證，法因為上。

阿那律陀即從座起，頂禮佛足而白佛言：我初出家，常樂睡眠，如來訶我為畜生類。我聞佛訶，啼泣自責，七日不眠，失其雙目。世尊示我樂見照明金剛三昧，我不因眼，觀見十方，精真洞然如觀掌果。如來印我成阿羅漢。佛問圓通，如我所證，旋見循元，斯為第一。

周利槃特迦即從座起，頂禮佛足而白佛言：我闕くせ誦持，無多聞性。最初值佛，聞法出家，憶持如來一句伽

陀，於一百日，得前遺後，得後遺前。佛愍我愚，教我安居調出入息。我時觀息微細窮盡，生住異滅，諸行剎那。其心豁然得大無礙，乃至漏盡成阿羅漢，住佛座下，印成無學。佛問圓通，如我所證，反息循空，斯為第一。

憍梵鉢提即從座起，頂禮佛足而白佛言：我有口業，於過去劫輕弄沙門，世世生生有牛舂病。如來示我一味清淨心地法門。我得滅心，入三摩地，觀味之知，非體非物，應念得超世間諸漏。內脫身心，外遺世界，遠離三有，如鳥出籠。離垢銷塵，法眼清淨，成阿羅漢。如來親印登無學道。佛問圓通，如我所證，還味旋知，斯為第一。

畢陵伽婆蹉即從座起，頂禮佛足而白佛言：我初發心從佛入道，數聞如來說諸世間不可樂事。乞食城中，心思法門，不覺路中毒刺傷足，舉身疼痛。我念有知，知此深痛，雖覺覺痛，覺清淨心無痛痛覺。我又思惟，如是一身寧有雙覺？攝念未久，身心忽空。三七日中，諸漏虛盡，成阿羅漢，得親印記，發明無學。佛問圓通，如我所證，純覺遺身，斯為第一。

須菩提即從座起，頂禮佛足而白佛言：我曠劫來，心得無礙，自憶受生如恆河沙。初在母胎，即知空寂，如是乃至十方成空，亦令眾生證得空性。蒙如來發性覺真空，空性圓明，得阿羅漢；頓入如來寶明空海，同佛

知見，印成無學。解脫性空，我為無上。佛問圓通，如我所證，諸相入非，非所非盡，旋法歸無，斯為第一。舍利弗即從座起，頂禮佛足而白佛言：我曠劫來，心見清淨，如是受生如恆河沙。世、出世間種種變化，一見則通，獲無障礙。我於路中，逢迦葉波兄弟相逐，宣說因緣，悟心無際。從佛出家，見覺明圓，得大無畏，成阿羅漢，為佛長子，從佛口生，從法化生。佛問圓通，如我所證，心見發光，光極知見，斯為第一。

普賢菩薩即從座起，頂禮佛足而白佛言：我已曾與恆沙如來為法王子。十方如來教其弟子菩薩根者，修普賢行，從我立名。世尊，我用心聞，分別眾生所有知見。

若於他方恆沙界外，有一眾生心中發明普賢行者，我於爾時乘六牙象，分身百千皆至其處。縱彼障深，未得見我，我與其人暗中摩頂，擁護安慰，令其成就。佛問圓通，我說本因，心聞發明，分別自在，斯為第一。

孫陀羅難陀即從座起，頂禮佛足，而白佛言：我初出家，從佛入道，雖具戒律，於三摩地，心常散動，未獲無漏。世尊教我及俱絺羅觀鼻端白。我初諦觀，經三七日，見鼻中氣出入如煙，身心內明，圓洞世界徧成虛淨，猶如瑠璃。煙相漸銷，鼻息成白，心開漏盡，諸出入息化為光明，照十方界，得阿羅漢。世尊記我當得菩提。佛問圓通，我以銷息，息久發明，明圓滅漏，斯為

第一。

富樓那彌多羅尼子即從座起，頂禮佛足而白佛言：我曠劫來，辯才無礙，宣說苦空，深達實相。如是乃至恆沙如來秘密法門，我於眾中微妙開示，得無所畏。世尊知我有大辯才，以音聲輪教我發揚。我於佛前助佛轉輪，因師子吼成阿羅漢，世尊印我說法無上。佛問圓通，我以法音降伏魔怨，銷滅諸漏，斯為第一。

優波離即從座起，頂禮佛足而白佛言：我親隨佛踰城出家，親觀如來六年勤苦，親見如來降伏諸魔，制諸外道，解脫世間貪欲諸漏。承佛教戒，如是乃至三千威儀，八萬微細性業^{*}遮業，悉皆清淨，身心寂滅，成阿羅

漢。我是如來眾中綱紀，親印我心，持戒修身，眾推為上。佛問圓通，我以執身，身得自在，次第執心，心得通達，然後身心一切通利，斯為第一。

大目犍連即從座起，頂禮佛足而白佛言：我初於路乞食，逢遇優樓頻螺、伽耶、那提三迦葉波，宣說如來因緣深義，我頓發心，得大通達。如來惠我袈裟著身，鬚髮自落。我遊十方，得無罣礙，神通發明，推為無上，成阿羅漢。寧唯世尊，十方如來歎我神力，圓明清淨，自在無畏。佛問圓通，我以旋湛，心光發宣，如澄濁流，久成清瑩，斯為第一。

烏芻瑟摩^{スモ}於如來前，合掌頂禮佛之雙足，而白佛

言：我常先憶久遠劫前，性多貪欲。有佛出世，名曰空王，說多婬人成猛火聚，教我徧觀百骸四肢諸冷煖氣，神光內凝，化多婬心成智慧火。從是諸佛皆呼召我，名為火頭。我以火光三昧力故，成阿羅漢。心發大願，諸佛成道，我為力士，親伏魔怨。佛問圓通，我以諦觀身心煖觸，無礙流通，諸漏既銷，生大寶燄，登無上覺，斯為第一。

持地菩薩即從座起，頂禮佛足而白佛言：我念往昔普光如來出現於世，我為比丘，常於一切要路津口、田地險隘，有不如法妨損車馬，我皆平填，或作橋梁，或負沙土。如是勤苦，經無量佛出現於世，或有眾生，於

闐闐處要人擎物，我先為擎，至其所詣，放物即行，不取其直。毗舍浮佛現在世時，世多饑荒，我為負人，無問遠近，唯取一錢；或有車牛被於泥溺，我有神力為其推輪，拔其苦惱。

時，國大王筵佛設齋，我於爾時平地待佛。毗舍如來摩頂謂我：當平心地，則世界地一切皆平。我即心開，見身微塵與造世界所有微塵，等無差別。微塵自性不相觸摩，乃至刀兵亦無所觸。我於法性悟無生忍，成阿羅漢，迴心今入菩薩位中。聞諸如來宣妙蓮華、佛知見地，我先證明而為上首。佛問圓通，我以諦觀身界二塵，等無差別，本如來藏。虛妄發塵，塵銷智圓，成無上道，

斯為第一。

月光童子即從座起，頂禮佛足而白佛言：我憶往昔恆河沙劫，有佛出世，名為水天，教諸菩薩修習水觀入三摩地。觀於身中水性無奪，初從涕唾，如是窮盡津液、精血、大小便利，身中旋復，水性一同。見水身中，與世界外浮幢王剎諸香水海，等無差別。我於是時初成此觀，但見其水，未得無身。

當為比丘室中安禪，我有弟子窺窗觀室，唯見清水徧在室中，了無所見。童稚無知，取一瓦礫投於水內，激水作聲，顧盼而去。我出定後，頓覺心痛，如舍利弗遭違害鬼。我自思惟，今我已得阿羅漢道，久離病緣，

云何今日忽生心痛，將無退失？爾時，童子捷來我前，說如上事，我則告言：汝更見水，可即開門，入此水中，除去瓦礫。童子奉教，後入定時，還復見水，瓦礫宛然，開門除出。我後出定，身質如初。

逢無量佛，如是至於山海自在通王如來，方得亡身，與十方界諸香水海，性合真空，無二無別。今於如來得童真名，預菩薩會。佛問圓通，我以水性一味流通，得無生忍，圓滿菩提，斯為第一。

瑠璃光法王子即從座起，頂禮佛足而白佛言：我憶往昔經恆沙劫，有佛出世，名無量聲，開示菩薩本覺妙明；觀此世界及眾生身，皆是妄緣風力所轉。

我於爾時，觀界安立，觀世動時，觀身動止，觀心動念，諸動無二，等無差別。我時覺了此群動性，來無所從，去無所至。十方微塵、顛倒眾生，同一虛妄。如是乃至三千大千一世界內所有眾生，如一器中貯百蚊蚋，啾啾亂鳴，於分寸中鼓發狂鬧。逢佛未幾，得無生忍。爾時心開，乃見東方不動佛國，為法王子。事十方佛，身心發光，洞徹無礙。佛問圓通，我以觀察風力無依，悟菩提心，入三摩地，合十方佛傳一妙心，斯為第一。

虛空藏菩薩即從座起，頂禮佛足而白佛言：我與如來，定光佛所得無邊身。爾時，手執四大寶珠，照明十

方微塵佛刹，化成虛空。又於自心現大圓鏡，內放十種微妙寶光，流灌十方，盡虛空際。諸幢王刹來入鏡內，涉入我身，身同虛空，不相妨礙。身能善入微塵國土，廣行佛事，得大隨順。此大神力，由我諦觀：四大無依，妄想生滅，虛空無二，佛國本同，於同發明，得無生忍。佛問圓通，我以觀察虛空無邊，入三摩地，妙力圓明，斯為第一。

彌勒菩薩即從座起，頂禮佛足而白佛言：我憶往昔經微塵劫，有佛出世，名日月燈明。我從彼佛而得出家，心重世名，好遊族姓。爾時，世尊教我修習唯心識定，入三摩地。歷劫已來，以此三昧事恆沙佛，求世名心歇

滅無有。至然燈佛出現於世，我乃得成無上妙圓識心三昧；乃至盡空如來國土，淨穢有無，皆是我心變化所現。世尊，我了如是唯心識故，識性流出無量如來。今得授記，次補佛處。佛問圓通，我以諦觀十方唯識，識心圓明，入圓成實，遠離依他及徧計執，得無生忍，斯為第一。

大勢至法王子與其同倫五十二菩薩，即從座起，頂禮佛足而白佛言：我憶往昔恆河沙劫，有佛出世，名無量光；十二如來相繼一劫，其最後佛名超日月光。彼佛教我念佛三昧。譬如有人，一專為憶，一人專忘；如是二人，若逢不逢，或見非見。二人相憶，二憶念深；如

是乃至從生至生，同於形影，不相乖異。十方如來憐念眾生，如母憶子。若子逃逝，雖憶何為？子若憶母如母憶時，母子歷生，不相違遠。若眾生心憶佛念佛，現前當來必定見佛，去佛不遠，不假方便，自得心開。如染香人身有香氣，此則名曰香光莊嚴。我本因地，以念佛心入無生忍。今於此界，攝念佛人歸於淨土。佛問圓通，我無選擇，都攝六根，淨念相繼，得三摩地，斯為第一。

大佛頂如來密因修證了義諸菩薩萬行首楞嚴經 卷第五

大佛頂如來密因修證了義諸菩薩萬行首楞嚴經 卷第六

爾時，觀世音菩薩即從座起，頂禮佛足而白佛言：
世尊，憶念我昔無數恆河沙劫，於時有佛出現於世，名
觀世音。我於彼佛發菩提心，彼佛教我「從聞、思、修
入三摩地。」初於聞中，入流亡所，所入既寂，動靜二
相了然不生。如是漸增，聞、所聞盡。盡聞不住，覺、
所覺空。空覺極圓，空、所空滅。生滅既滅，寂滅現前。
忽然超越世出世間，十方圓明，獲二殊勝。一者，上合
十方諸佛本妙覺心，與佛如來同一慈力。二者，下合十
方一切六道眾生，與諸眾生同一悲仰。

世尊，由我供養觀音如來，蒙彼如來授我如幻聞熏聞修金剛三昧，與佛如來同慈力故，令我身成三十二應，入諸國土。世尊，若諸菩薩入三摩地，進修無漏，勝解現圓，我現佛身而為說法，令其解脫。若諸有學寂靜妙明，勝妙現圓，我於彼前現獨覺身，而為說法，令其解脫。若諸有學斷十二緣，緣斷勝性，勝妙現圓，我於彼前現緣覺身，而為說法，令其解脫。若諸有學得四諦空，修道入滅，勝性現圓，我於彼前現聲聞身，而為說法，令其解脫。若諸眾生欲心明悟，不犯欲塵，欲身清淨，我於彼前現梵王身，而為說法，令其解脫。若諸眾生欲為天主，統領諸天，我於彼前現帝釋身，而為說

法，令其成就。若諸眾生欲身自在，遊行十方，我於彼前現自在天身，而為說法，令其成就。若諸眾生欲身自在，飛行虛空，我於彼前現大自在天身，而為說法，令其成就。若諸眾生愛統鬼神，救護國土，我於彼前現天大將軍身，而為說法，令其成就。若諸眾生愛統世界，保護眾生，我於彼前現四天王身，而為說法，令其成就。若諸眾生愛生天宮，驅使鬼神，我於彼前現四天王國太子身，而為說法，令其成就。若諸眾生樂為人主，我於彼前現人王身，而為說法，令其成就。若諸眾生愛主族姓，世間推讓，我於彼前現長者身，而為說法，令其成就。若諸眾生愛談名言，清淨自居，我於彼前現居士身，

而為說法，令其成就。若諸眾生愛治國土，剖斷邦邑，我於彼前現宰官身，而為說法，令其成就。若諸眾生愛諸數術，攝衛自居，我於彼前現婆羅門身，而為說法，令其成就。若有男子好學出家，持諸戒律，我於彼前現比丘身，而為說法，令其成就。若有女人好學出家，持諸禁戒，我於彼前現比丘尼身，而為說法，令其成就。若有男子樂持五戒，我於彼前現優婆塞身，而為說法，令其成就。若有女子五戒自居，我於彼前現優婆夷身，而為說法，令其成就。若有女人內政立身，以修家國，我於彼前現女主身及國夫人、命婦^{*}大家，而為說法，令其成就。若有眾生不壞男根，我於彼前現童男身，而為

說法，令其成就。若有處女愛樂處身，不求侵暴，我於彼前現童女身，而為說法，令其成就。若有諸天樂出天倫，我現天身而為說法，令其成就。若有諸龍樂出龍倫，我現龍身而為說法，令其成就。若有藥叉樂度本倫，我於彼前現藥叉身，而為說法，令其成就。若乾闥婆樂脫其倫，我於彼前現乾闥婆身，而為說法，令其成就。若阿修羅樂脫其倫，我於彼前現阿修羅身，而為說法，令其成就。若緊那羅樂脫其倫，我於彼前現緊那羅身，而為說法，令其成就。若摩呼羅伽樂脫其倫，我於彼前現摩呼羅伽身，而為說法，令其成就。若諸眾生樂人修人，我現人身而為說法，令其成就。若諸非人，有形無形、

有想無想，樂度其倫，我於彼前皆現其身，而為說法，令其成就。是名妙淨三十二應，入國土身，皆以三昧聞熏聞修，無作妙力，自在成就。

世尊，我復以此聞熏聞修金剛三昧無作妙力，與諸十方三世六道一切眾生同悲仰故，令諸眾生於我身心，獲十四種無畏功德。一者，由我^{*}不自觀音，以觀觀者。令彼十方苦惱眾生，觀其音聲，即得解脫。二者，知見旋復。令諸眾生投入大火，火不能燒。三者，觀聽旋復。令諸眾生大水所漂，水不能溺。四者，斷滅妄想，心無殺害。令諸眾生入諸鬼國，鬼不能害。五者，熏聞成聞，六根銷復，同於聲聽。能令眾生臨當被害，刀段段壞；

使其兵戈猶如割水，亦如吹光，性無搖動。六者，聞熏精明，明徧法界，則諸幽暗性不能全。能令眾生，藥叉、羅刹、鳩槃荼鬼及毗舍遮、富單那等，雖近其傍，目不能視。七者，音性圓銷，觀聽返入，離諸塵妄。能令眾生禁繫枷鎖，所不能著。八者，滅音圓聞，徧生慈力。能令眾生經過險路，賊不能劫。九者，熏聞離塵，色所不劫。能令一切多婬眾生遠離貪欲。十者，純音無塵，根境圓融，無對所對。能令一切忿恨眾生離諸瞋恚。十一者，銷塵旋明，法界身心，猶如瑠璃，朗徹無礙。能令一切昏鈍性障諸阿顛迦，永離癡暗。十二者，融形復聞，不動道場，涉入世間，不壞世界。能徧十方供養微

塵諸佛如來，各各佛邊為法王子。能令法界無子眾生欲求男者，誕生福德智慧之男。十三者，六根圓通，明照無二，含十方界，立大圓鏡空如來藏，承順十方微塵如來秘密法門，受領無失。能令法界無子眾生欲求女者，誕生端正、福德、柔順、眾人愛敬、有相之女。十四者，此三千大千世界百億日月，現住世間諸法王子，有六十二恆河沙數，修法垂範，教化眾生，隨順眾生，方便智慧各各不同。由我所得圓通本根，發妙耳門，然後身心微妙含容，周徧法界。能令眾生持我名號，與彼共持六十二恆河沙諸法王子，二人福德正等無異。世尊，我一名號與彼眾多名號無異，由我修習得真圓通。是名十四

施無畏力，福備眾生。

世尊，我又獲是圓通，修證無上道故，又能善獲四不思議無作妙德。一者，由我初獲妙妙聞心，心精遺聞，見聞覺知不能分隔，成一圓融，清淨寶覺，故我能現眾多妙容，能說無邊秘密神咒。其中或現一首、三首、五首、七首、九首、十一首，如是乃至一百八首、千首、萬首、八萬四千爍迦羅首；二臂、四臂、六臂、八臂、十臂、十二臂、十四、十六、十八、二十至二十四，如是乃至一百八臂、千臂、萬臂、八萬四千母陀羅臂；二目、三目、四目、九目，如是乃至一百八目、千目、萬目、八萬四千清淨寶目。或慈、或威、或定、或慧，救

護眾生，得大自在。二者，由我聞思脫出六塵，如聲度垣不能為礙，故我妙能現一一形，誦一一咒。其形其咒，能以無畏施諸眾生，是故十方微塵國土，皆名我為施無畏者。三者，由我修習本妙圓通清淨本根，所遊世界，皆令眾生捨身珍寶，求我哀愍。四者，我得佛心，證於究竟。能以珍寶種種供養十方如來，傍及法界六道眾生：求妻得妻，求子得子，求三昧得三昧，求長壽得長壽，如是乃至求大涅槃得大涅槃。

佛問圓通，我從耳門圓照三昧，緣心自在，因入流相，得三摩提，成就菩提，斯為第一。世尊，彼佛如來歎我善得圓通法門，於大會中授記我為觀世音號。由我

觀聽十方圓明，故觀音名徧十方界。

爾時，世尊於師子座，從其五體同放寶光，遠灌十方微塵如來及法王子諸菩薩頂。彼諸如來亦於五體同放寶光，從微塵方來灌佛頂，並灌會中諸大菩薩及阿羅漢。林木池沼皆演法音，交光相羅如寶絲網。是諸大眾得未曾有，一切普獲金剛三昧。即時，天雨百寶蓮華，青黃赤白間錯紛糅^因，十方虛空成七寶色。此娑婆界，大地山河俱時不現，唯見十方微塵國土合成一界，梵唄^之詠歌自然敷奏。

於是如來告文殊師利法王子：汝今觀此二十五無學諸大菩薩及阿羅漢，各說最初成道方便，皆言修習真實

圓通。彼等修行，實無優劣前後差別。我今欲令阿難開悟，二十五行誰當其根？兼我滅後，此界眾生入菩薩乘求無上道，何方便門得易成就？

文殊師利法王子奉佛慈旨，即從座起，頂禮佛足，承佛威神，說偈對佛：

覺海性澄圓，圓澄覺元妙，元明照生所，所立照性亡。
迷妄有虛空，依空立世界，想澄成國土，知覺乃眾生。
空生大覺中，如海一漚發，有漏微塵國，皆依空所生，
漚滅空本無，況復諸三有？歸元性無二，方便有多門。
聖性無不通，順逆皆方便，初心入三昧，遲速不同倫。
色想結成塵，精了不能徹，如何不明徹，於是獲圓通？

音聲雜語言，但伊名句味，一非含一切，云何獲圓通？
香以合中知，離則元無有，不恆其所覺，云何獲圓通？
味性非本然，要以味時有，其覺不恆一，云何獲圓通？
觸以所觸明，無所不明觸，合離性非定，云何獲圓通？
法稱為內塵，憑塵必有所，能所非徧涉，云何獲圓通？
見性雖洞然，明前不明後，四維虧一半，云何獲圓通？
鼻息出入通，現前無交氣，支離匪涉入，云何獲圓通？
舌非入無端，因味生覺了，味亡了無有，云何獲圓通？
身與所觸同，各非圓覺觀，涯量不冥會，云何獲圓通？
知根雜亂思，湛了終無見，想念不可脫，云何獲圓通？
識見雜三和，詰本稱非相，自體先無定，云何獲圓通？

心聞洞十方，生於大因力，初心不能入，云何獲圓通？
鼻想本權機，祇令攝心住，住成心所住，云何獲圓通？
說法弄音文，開悟先成者，名句非無漏，云何獲圓通？
持犯但束身，非身無所束，元非徧一切，云何獲圓通？
神通本宿因，何關法分別？念緣非離物，云何獲圓通？
若以地性觀，堅礙非通達，有為非聖性，云何獲圓通？
若以水性觀，想念非真實，如如非覺觀，云何獲圓通？
若以火性觀，厭有非真離，非初心方便，云何獲圓通？
若以風性觀，動寂非無對，對非無上覺，云何獲圓通？
若以空性觀，昏鈍先非覺，無覺異菩提，云何獲圓通？
若以識性觀，觀識非常住，存心乃虛妄，云何獲圓通？

諸行是無常，念性元生滅，因果今殊感，云何獲圓通？
我今白世尊，佛出娑婆界，此方真教體，清淨在音聞。
欲取三摩提，實以聞中入。離苦得解脫，良哉觀世音！
於恆沙劫中，入微塵佛國，得大自在力，無畏施眾生。
妙音觀世音，梵音海潮音，救世悉安寧，出世獲常住。
我今啟如來，如觀音所說，譬如人靜居，十方俱擊鼓，
十處一時聞，此則圓真實。目非觀障外，口鼻亦復然，
身以合方知，心念紛無緒。隔垣聽音響，遐邇俱可聞，
五根所不齊，是則通真實。音聲性動靜，聞中為有無，
無聲號無聞，非實聞無性。聲無既無滅，聲有亦非生，
生滅二圓離，是則常真實。縱令在夢想，不為不思無，

覺觀出思惟，身心不能及。今此娑婆國，聲論得宣明。眾生迷本聞，循聲故流轉，阿難縱強記，不免落邪思，豈非隨所淪，旋流獲無妄？阿難汝諦聽，我承佛威力，宣說金剛王，如幻不思議，佛母真三昧。汝聞微塵佛，一切秘密門，欲漏不先除，畜聞成過誤。將聞持佛佛，何不自聞聞？聞非自然生，因聲有名字，旋聞與聲脫，能脫欲誰名？一根既返源，六根成解脫。見聞如幻翳，三界若空華，聞復翳根除，塵銷覺圓淨。淨極光通達，寂照含虛空。卻來觀世間，猶如夢中事，摩登伽在夢，誰能留汝形？如世巧幻師，幻作諸男女，雖見諸根動，要以一機抽，息機歸寂然，諸幻成無性。六根亦如是，

元依一精明，分成六和合，一處成休復，六用皆不成，塵垢應念銷，成圓明淨妙。餘塵尚諸學，明極即如來。大眾及阿難，旋汝倒聞機，反聞聞自性，性成無上道，圓通實如是。此是微塵佛，一路涅槃門：過去諸如來，斯門已成就；現在諸菩薩，今各入圓明；未來修學人，當依如是法，我亦從中證，非唯觀世音。誠如佛世尊，詢我諸方便，以救諸末劫；求出世間人，成就涅槃心，觀世音為最。自餘諸方便，皆是佛威神；即事捨塵勞，非是常修學，淺深同說法。頂禮如來藏，無漏不思議。願加被未來，於此門無惑，方便易成就。堪以教阿難，及末劫沈淪，但以此根修，圓通超餘者，真實心如是。

於是，阿難及諸大眾，身心了然，得大開示。觀佛菩提及大涅槃，猶如有人因事遠遊，未得歸還，明了其家所歸道路。普會大眾，天龍八部，有學二乘，及諸一切新發心菩薩，其數凡有十恆河沙，皆得本心，遠塵離垢，獲法眼淨。性比丘尼聞說偈已，成阿羅漢。無量眾生皆發無等等阿耨多羅三藐三菩提心。

阿難整衣服，於大眾中合掌頂禮，心迹圓明，悲欣交集，欲益未來諸眾生故，稽首白佛：大悲世尊，我今已悟成佛法門，是中修行，得無疑惑。常聞如來說如是言：「自未得度先度人者，菩薩發心。自覺已圓能覺他者，如來應世。」我雖未度，願度末劫一切眾生。世尊，

此諸眾生去佛漸遠，邪師說法如恆河沙；欲攝其心入三摩地，云何令其安立道場，遠諸魔事，於菩提心得無退屈？

爾時，世尊於大眾中稱讚阿難：善哉。善哉。如汝所問，安立道場，救護眾生末劫沈溺。汝今諦聽，當為汝說。阿難、大眾唯然奉教。佛告阿難：汝常聞我毗奈耶中，宣說修行三決定義。所謂攝心為戒，因戒生定，因定發慧，是則名為三無漏學。

阿難，云何「攝心」，我名為戒？若諸世界六道眾生，其心不婬，則不隨其生死相續。汝修三昧，本出塵勞，婬心不除，塵不可出。縱有多智，禪定現前，如不

斷婬，必落魔道：上品魔王，中品魔民，下品魔女。彼等諸魔亦有徒眾，各各自謂成無上道。我滅度後末法之中，多此魔民熾盛世間，廣行貪婬為善知識，令諸眾生落愛見坑，失菩提路。汝教世人修三摩地，先斷心婬，是名如來先佛世尊第一決定清淨明誨。

是故，阿難，若不斷婬修禪定者，如蒸砂石，欲其成飯，經百千劫祇名熱砂。何以故？此非飯本，砂石成故。汝以婬身求佛妙果，縱得妙悟，皆是婬根。根本成婬，輪轉三塗必不能出，如來涅槃何路修證？必使婬機身心俱斷，斷性亦無，於佛菩提斯可希冀。如我此說，名為佛說，不如此說，即波旬說。

阿難，又諸世界六道眾生，其心不殺，則不隨其生死相續。汝修三昧，本出塵勞，殺心不除，塵不可出。縱有多智，禪定現前，如不斷殺，必落神道：上品之人為大力鬼，中品則為飛行夜叉、諸鬼帥等，下品當為地行羅剎。彼諸鬼神亦有徒眾，各各自謂成無上道。我滅度後末法之中，多此鬼神熾盛世間，自言食肉得菩提路。阿難，我令比丘食五淨肉，此肉皆我神力化生，本無命根。汝婆羅門地多蒸濕，加以砂石，草菜不生。我以大悲神力所加，因大慈悲，假名為肉，汝得其味。奈何如來滅度之後，食眾生肉，名為釋子。汝等當知，是食肉人，縱得心開似三摩地，皆大羅剎，報終必沈生死

苦海，非佛弟子。如是之人相殺、相吞、相食未已，云何是人得出三界？汝教世人修三摩地，次斷殺生，是名如來先佛世尊第二決定清淨明誨。

是故，阿難，若不斷殺修禪定者，譬如有人自塞其耳，高聲大叫，求人聞，此等名為欲隱彌露。清淨比丘及諸菩薩，於歧路行，不蹋生草，況以手拔？云何大悲，取諸眾生血肉充食？若諸比丘，不服東方絲綿絹帛，及是此土靴履裘毳_文、乳酪醍醐，如是比丘，於世真脫，酬還宿債，不遊三界。何以故？服其身分，皆為彼緣，如人食其地中百穀，足不離地。必使身心，於諸眾生若身、身分，身心二塗，不服不食，我說是人真解脫

者。如我此說，名為佛說，不如此說，即波旬說。

阿難，又復世界六道眾生，其心不偷，則不隨其生死相續。汝修三昧，本出塵勞，偷心不除，塵不可出。縱有多智，禪定現前，如不斷偷，必落邪道：上品精靈，中品妖魅，下品邪人，諸魅所著。彼等群邪亦有徒眾，各各自謂成無上道。我滅度後末法之中，多此妖邪熾盛世間，潛匿奸欺，稱善知識。各自謂已得上人法，該惑惑母無識，恐令失心，所過之處，其家耗散。我教比丘循方乞食，令其捨貪，成菩提道。諸比丘等不自熟食，寄於殘生，旅泊三界，示一往還，去已無返。云何賊人假我衣服，裨販ウ如來，造種種業，皆言佛法？卻非出家具戒

比丘，為小乘道，由是疑誤無量眾生，墮無間獄。

若我滅後，其有比丘發心決定修三摩地，能於如來形像之前，身然一燈，燒一指節，及於身上^{四支}爇一香炷，我說是人，無始宿債一時酬畢，長揖世間，永脫諸漏。雖未即明無上覺路，是人於法已決定心。若不為此捨身微因，縱成無為，必還生人，酬其宿債，如我馬麥正等無異。汝教世人修三摩地，後斷偷盜，是名如來先佛世尊第三決定清淨明誨。

是故，阿難，若不斷偷修禪定者，譬如有人水灌漏^{*}卮^止，欲求其滿，縱經塵劫終無平復。若諸比丘，衣鉢之餘，分寸不畜；乞食餘分，施餓眾生；於大集會，合

掌禮眾；有人捶詈^九，同於稱讚；必使身心二俱捐捨，身肉骨血與眾生共；不將如來不了義說，迴為己解，以誤初學；佛印是人得真三昧。如我所說，名為佛說，不如此說，即波旬說。

阿難，如是世界六道眾生，雖則身心無殺、盜、婬，三行已圓，若大妄語，即三摩提不得清淨，成愛見魔，失如來種。所謂未得謂得，未證言證。或求世間尊勝第一，謂前人言：我今已得須陀洹果、斯陀含果、阿那含果、阿羅漢道、辟支佛乘、十地、地前諸位菩薩；求彼禮懺，貪其供養。是一顛迦^{*}，銷滅佛種。如人以刀斷多羅木，佛記是人永殞善根，無復知見，沈三苦海，不成

三昧。我滅度後，敕諸菩薩及阿羅漢，應身生彼末法之中，作種種形度諸輪轉；或作沙門、白衣、居士、人王、宰官、童男、童女，如是乃至婬女、寡婦、姦偷、屠販；與其同事，稱讚佛乘，令其身心入三摩地。終不自言：「我真菩薩」、「真阿羅漢」；泄佛密因，輕言未學。唯除命終，陰有遺付。云何是人惑亂眾生成大妄語？汝教世人修三摩地，後復斷除諸大妄語，是名如來先佛世尊第四決定清淨明誨。

是故，阿難，若不斷其大妄語者，如刻人糞為栴檀形，欲求香氣，無有是處。我教比丘直心道場，於四威儀一切行中，尚無虛假，云何自稱得上人法？譬如窮人

妄號帝王，自取誅滅，況復法王如何妄竊？因地不真，果招紆曲，求佛菩提，如噬臍人，欲誰成就？若諸比丘心如直弦，一切真實入三摩提，永無魔事，我印是人成就菩薩無上知覺。如我所說，名為佛說，不如此說，即波旬說。

大佛頂如來密因修證了義諸菩薩萬行首楞嚴經
卷第六

大佛頂如來密因修證了義諸菩薩萬行首楞嚴經 卷第七

阿難，汝問攝心，我今先說入三摩地修學妙門。求菩薩道，要先持此四種律儀。皎如冰霜，自不能生一切枝葉；心三口四生必無因。阿難，如是四事若不遺失，心尚不緣色香味觸，一切魔事云何發生？若有宿習不能滅除，汝教是人一心誦我「佛頂光明摩訶薩怛哆·般怛囉·無上神咒」。斯是如來無見頂相無為心佛，從頂發輝，坐寶蓮華所說心咒。且汝宿世，與摩登伽歷劫因緣，恩愛習氣非是一生及與一劫，我一宣揚，愛心永脫，成阿羅漢。彼尚婬女，無心修行，神力冥資，速證無學。

云何汝等在會聲聞，求最上乘，決定成佛，譬如以塵揚於順風，有何艱險？

若有末世，欲坐道場，先持比丘清淨禁戒，要當選擇戒清淨者第一沙門，以為其師。若其不遇真清淨僧，汝戒律儀必不成就。戒成已後，著新淨衣，然香閒居，誦此心佛所說神咒一百八徧。然後結界，建立道場，求於十方現住國土無上如來，放大悲光，來灌其頂。阿難，如是末世清淨比丘，若比丘尼，白衣檀越，心滅貪婬，持佛淨戒，於道場中發菩薩願；出入澡浴，六時行道，如是不寐，經三七日；我自現身至其人前，摩頂安慰，令其開悟。

阿難白佛言：世尊，我蒙如來無上悲誨，心已開悟，自知修證無學道成。末法修行，建立道場，云何結界，合佛世尊清淨軌則？

佛告阿難：若末世人願立道場，先取雪山大力白牛，食其山*△中肥膩香草。此牛唯飲雪山清水，其糞微細，可取其糞和合栴檀，以泥其地。若非雪山，其牛臭穢，不堪塗地。別於平原，穿去地皮，五尺以下取其黃土，和上栴檀、沈水、蘇合、薰陸、鬱金、白膠、青木、零陵、甘松及雞舌香。以此十種細羅為粉，合土成泥，以塗場地，方圓丈六，為八角壇。

壇心置一金銀銅木所造蓮華。華中安鉢，鉢中先盛

八月露水，水中隨安所有華葉。取八圓鏡，各安其方，圍繞華鉢。鏡外建立十六蓮華，十六香鑪；間華鋪設，莊嚴香鑪。純燒沈水，無令見火。取白牛乳，置十六器。乳為煎餅，並諸砂糖、油餅、乳糜、蘇合、蜜薑、純酥、純蜜。於蓮華外，各各十六，圍繞華外，以奉諸佛及大菩薩。

每以食時，若在中夜，取蜜半升，用酥三合。壇前別安一小火鑪，以兜樓婆香煎取香水，沐浴其炭，然令猛熾。投是酥蜜於炎鑪內，燒令煙盡，享佛菩薩。令其四外徧懸幡華_{（五）}。於壇室中，四壁敷設十方如來及諸菩薩所有形像。應於當陽張盧舍那、釋迦、彌勒、阿閼、彌

陀。諸大變化觀音形像，兼金剛藏安其左右。帝釋、梵王、烏芻瑟摩，並藍地迦、諸軍荼利，與毗俱胝、四天王等，頻那夜迦，張於門側，左右安置。又取八鏡覆懸虛空，與壇場中所安之鏡方面相對，使其形影重重相涉。

於初七中，至誠頂禮十方如來諸大菩薩、阿羅漢號。恆於六時誦咒圍壇，至心行道，一時常行一百八遍。第二七中，一向專心發菩薩願，心無間斷，我毗奈耶先有願教。第三七中，於十二時，一向持佛般怛囉咒。至第七日，十方如來，一時出現鏡交光處。承佛摩頂，即於道場修三摩地，能令如是末世修學，身心明淨，猶如瑠璃。

阿難，若此比丘本受戒師，及同會中十比丘等，其中有一不清淨者，如是道場多不成就。從三七後，端坐安居經一百日，有利根者不起於座，得須陀洹。縱其身心聖果未成，決定自知成佛不謬。汝問道場，建立如是。

阿難頂禮佛足而白佛言：自我出家，恃佛憍愛，求多聞故，未證無為。遭彼梵天邪術所禁，心雖明了，力不自由，賴遇文殊令我解脫。雖蒙如來佛頂神咒，冥獲其力，尚未親聞。惟願大慈重為宣說，悲救此會諸修行輩，未及當來在輪迴者，承佛密音，身意解脫。於時，會中一切大眾普皆作禮，佇聞如來秘密章句。

爾時，世尊從肉髻中涌百寶光，光中涌出千葉寶

蓮。有化如來坐寶華中，頂放十道百寶光明。一一光明，皆徧示現十恆河沙金剛密迹，擎山持杵，徧虛空界。大眾仰觀，畏愛兼抱，求佛哀祐，一心聽佛無見頂相放光如來，宣說神咒：

第一會

南無薩怛他¹ 蘇伽多耶² 阿囉訶帝³ 三藐三菩陀⁴ 寫^{工也}
薩怛他⁵ 佛陀俱胝瑟尼釤⁶ 南無薩婆⁷ 勃陀勃地⁸ 薩哆
鞞弊⁹ 南無薩多南¹⁰ 三藐三菩陀¹¹ 俱知喃¹² 娑舍囉婆迦¹³
僧伽喃¹⁴ 南無盧雞阿羅漢跢喃¹⁵ 南無蘇盧多波那喃¹⁶ 南
無娑羯唎陀伽彌喃¹⁷ 南無盧雞三藐伽跢喃¹⁸ 三藐伽婆囉¹⁹
底波多那喃²⁰ 南無提婆離瑟赧²¹ 南無悉陀耶²² 毗地耶²³

陀囉離瑟赧²⁴ 舍波奴²⁵ 揭囉訶²⁶ 娑訶娑囉摩他喃²⁷ 南無
跋囉訶摩泥²⁸ 南無因陀囉耶²⁹ 南無婆伽婆帝³⁰ 盧陀囉耶³¹
烏摩般帝³² 娑醯^工夜耶³³ 南無婆伽婆帝³⁴ 那囉野³⁵ 拏耶³⁶
槃遮摩訶三慕陀囉³⁷ 南無悉羯唎多耶³⁸ 南無婆伽婆帝³⁹
摩訶迦囉耶⁴⁰ 地唎般刺那⁴¹ 伽囉毗陀囉⁴² 波拏迦囉耶⁴³
阿地目帝⁴⁴ 尸摩舍那泥⁴⁵ 婆悉泥⁴⁶ 摩怛唎伽拏⁴⁷ 南無悉
羯唎多耶⁴⁸ 南無婆伽婆帝⁴⁹ 多他伽跢俱囉耶⁵⁰ 南無般頭
摩俱囉耶⁵¹ 南無跋闍囉^尸俱囉耶⁵² 南無摩尼俱囉耶⁵³ 南無
伽闍俱囉耶⁵⁴ 南無婆伽婆帝⁵⁵ 帝唎茶⁵⁶ 輸囉西那⁵⁷ 波囉
訶囉拏囉闍耶⁵⁸ 跢他伽多耶⁵⁹ 南無婆伽婆帝⁶⁰ 南無阿彌
多婆耶⁶¹ 跢他伽多耶⁶² 阿囉訶帝⁶³ 三藐三菩陀耶⁶⁴ 南無

婆伽婆帝⁶⁵ 阿芻鞞耶⁶⁶ 跢他伽多耶⁶⁷ 阿囉訶帝⁶⁸ 三藐三
 菩陀耶⁶⁹ 南無婆伽婆帝⁷⁰ 鞞沙闍耶⁷¹ 俱盧吠柱唎耶⁷² 般
 囉婆囉闍耶⁷³ 跢他伽多耶⁷⁴ 南無婆伽婆帝⁷⁵ 三補師毖多⁷⁶
 薩憐捺囉刺闍耶⁷⁷ 跢他伽多耶⁷⁸ 阿囉訶帝⁷⁹ 三藐三菩陀
 耶⁸⁰ 南無婆伽婆帝⁸¹ 舍雞野母那曳⁸² 跢他伽多耶⁸³ 阿囉
 訶帝⁸⁴ 三藐三菩陀耶⁸⁵ 南無婆伽婆帝⁸⁶ 刺怛那雞都囉闍
 耶⁸⁷ 跢他伽多耶⁸⁸ 阿囉訶帝⁸⁹ 三藐三菩陀耶⁹⁰ 帝瓢⁹¹ 南
 無薩羯唎多⁹² 翳曇婆伽婆多⁹³ 薩怛他伽都瑟尼釤⁹⁴ 薩怛
 多般怛藍⁹⁵ 南無阿婆囉視耽⁹⁶ 般囉帝⁹⁷ 揚歧囉⁹⁸ 薩囉婆⁹⁹
 部多揭囉訶¹⁰⁰ 尼揭囉訶¹⁰¹ 羯迦囉訶尼¹⁰² 跋囉毖地耶¹⁰³ 叱
 陀你¹⁰⁴ 阿迦囉¹⁰⁵ 密唎柱¹⁰⁶ 般唎怛囉耶¹⁰⁷ 儻揭唎¹⁰⁸ 薩囉婆¹⁰⁹

槃陀那¹¹⁰ 目叉尼¹¹¹ 薩囉婆¹¹² 突瑟吒¹¹³ 突悉乏¹¹⁴ 般那你¹¹⁵

伐囉尼¹¹⁶ 赭都囉¹¹⁷ 失帝南¹¹⁸ 羯囉訶¹¹⁹ 娑訶薩囉若闍¹²⁰ 毗

多崩娑那羯唎¹²¹ 阿瑟吒冰舍帝南¹²² 那叉剌怛囉若闍¹²³ 波

囉薩陀那羯唎¹²⁴ 阿瑟吒南¹²⁵ 摩訶羯囉訶若闍¹²⁶ 毗多崩薩

那羯唎¹²⁷ 薩婆舍都嚧¹²⁸ 你婆囉若闍¹²⁹ 呼藍突悉乏¹³⁰ 難遮

那舍尼¹³¹ 毖沙舍¹³² 悉怛囉¹³³ 阿吉尼¹³⁴ 烏陀迦囉若闍¹³⁵ 阿

般囉視多具囉¹³⁶ 摩訶般囉戰持¹³⁷ 摩訶疊多¹³⁸ 摩訶帝闍¹³⁹

摩訶稅多闍婆囉¹⁴⁰ 摩訶跋囉槃陀囉¹⁴¹ 婆悉你¹⁴² 阿唎耶多

囉¹⁴³ 毗唎俱知¹⁴⁴ 誓婆毗闍耶¹⁴⁵ 跋闍囉摩禮底¹⁴⁶ 毗舍嚧多¹⁴⁷

勃騰罔迦¹⁴⁸ 跋闍囉制喝那阿遮¹⁴⁹ 摩囉制婆¹⁵⁰ 般囉質多¹⁵¹

跋闍囉擅持¹⁵² 毗舍囉遮¹⁵³ 扇多舍¹⁵⁴ 鞞提婆¹⁵⁵ 補視多¹⁵⁶ 蘇

摩噓波¹⁵⁷ 摩訶稅多¹⁵⁸ 阿唎耶多囉¹⁵⁹ 摩訶婆囉阿般囉¹⁶⁰ 跋
 闍囉商羯囉制婆¹⁶¹ 跋闍囉俱摩唎¹⁶² 俱藍陀唎¹⁶³ 跋闍囉喝
 薩多遮¹⁶⁴ 毗地耶¹⁶⁵ 乾遮那¹⁶⁶ 摩唎迦¹⁶⁷ 囉蘇母¹⁶⁸ 婆羯囉路
 那¹⁶⁹ 鞞噓遮那¹⁷⁰ 俱唎耶¹⁷¹ 夜囉菟¹⁷² 瑟尼釤¹⁷³ 毗折藍婆摩
 尼遮¹⁷⁴ 跋闍囉迦那迦波囉婆¹⁷⁵ 噓闍那¹⁷⁶ 跋闍囉頓稚遮¹⁷⁷
 稅多遮¹⁷⁸ 迦摩囉¹⁷⁹ 刹奢尸¹⁸⁰ 波囉婆¹⁸¹ 翳帝夷帝¹⁸² 母陀囉¹⁸³
 羯拏¹⁸⁴ 娑鞞囉懺¹⁸⁵ 掘梵都¹⁸⁶ 印兔那麼麼寫¹⁸⁷

第二會

烏^工𦉳¹⁸⁸ 唎瑟揭拏¹⁸⁹ 般刺舍悉多¹⁹⁰ 薩怛他¹⁹¹ 伽都瑟尼
 釤¹⁹² 虎𦉳都噓雍¹⁹³ 瞻婆那¹⁹⁴ 虎𦉳都噓雍¹⁹⁵ 悉耽婆那¹⁹⁶ 虎
 𦉳都噓雍¹⁹⁷ 波囉瑟地耶¹⁹⁸ 三般叉¹⁹⁹ 拏羯囉²⁰⁰ 虎𦉳都噓雍²⁰¹

薩婆藥叉₂₀₂ 喝囉刹娑₂₀₃ 揭囉訶若闍₂₀₄ 毗騰崩薩那羯囉₂₀₅

虎舛都噓雍₂₀₆ 者都囉₂₀₇ 尸底南₂₀₈ 揭囉訶₂₀₉ 娑訶薩囉南₂₁₀

毗騰崩薩那囉₂₁₁ 虎舛都噓雍₂₁₂ 囉又₂₁₃ 婆伽梵₂₁₄ 薩怛他₂₁₅

伽都瑟尼釤₂₁₆ 波囉點₂₁₇ 闍吉唎₂₁₈ 摩訶娑訶薩囉₂₁₉ 勃樹娑

訶薩囉₂₂₀ 室唎沙₂₂₁ 俱知娑訶薩泥₂₂₂ 帝隸₂₂₃ 阿弊提視婆唎多₂₂₃

吒吒₂₂₄ 鬘迦₂₂₄ 摩訶跋闍噓陀囉₂₂₅ 帝唎菩婆那₂₂₆ 曼荼囉₂₂₇ 烏

舛₂₂₈ 娑悉帝₂₂₉ 薄婆都₂₃₀ 麼麼₂₃₁ 印兔那麼麼寫₂₃₂

第三會

囉闍婆夜₂₃₃ 主囉婆夜₂₃₄ 阿祇₂₃₅ 尼婆夜₂₃₅ 烏陀迦婆夜₂₃₆

毗沙婆夜₂₃₇ 舍薩多囉婆夜₂₃₈ 婆囉斫羯囉婆夜₂₃₉ 突瑟叉婆

夜₂₄₀ 阿舍你婆夜₂₄₁ 阿迦囉₂₄₂ 密唎柱婆夜₂₄₃ 陀囉尼部彌劍₂₄₄

波伽波陁婆夜²⁴⁵ 烏囉迦婆多婆夜²⁴⁶ 刺闍壇茶婆夜²⁴⁷ 那伽
 婆夜²⁴⁸ 毗條怛婆夜²⁴⁹ 蘇波囉拏婆夜²⁵⁰ 藥叉揭囉訶²⁵¹ 囉叉
 私揭囉訶²⁵² 畢唎多揭囉訶²⁵³ 毗舍遮揭囉訶²⁵⁴ 部多揭囉訶²⁵⁵
 鳩槃荼揭囉訶²⁵⁶ 補丹那揭囉訶²⁵⁷ 迦吒補丹那揭囉訶²⁵⁸ 悉
 乾度揭囉訶²⁵⁹ 阿播悉摩囉揭囉訶²⁶⁰ 烏檀摩陀揭囉訶²⁶¹ 車
 夜揭囉訶²⁶² 醯唎婆帝揭囉訶²⁶³ 社多訶唎南²⁶⁴ 揭婆訶唎南²⁶⁵
 噓地囉訶唎南²⁶⁶ 忙娑訶唎南²⁶⁷ 謎陀訶唎南²⁶⁸ 摩闍訶唎南²⁶⁹
 闍多訶唎女²⁷⁰ 視比多訶唎南²⁷¹ 毗多訶唎南²⁷² 婆多訶唎南²⁷³
 阿輸遮訶唎女²⁷⁴ 質多訶唎女²⁷⁵ 帝鈇薩鞞鈇²⁷⁶ 薩婆揭囉訶
 南²⁷⁷ 毗陀夜闍²⁷⁸ 瞋陀夜彌²⁷⁹ 雞囉夜彌²⁸⁰ 波唎跋囉者迦²⁸¹
 訖唎擔²⁸² 毗陀夜闍²⁸³ 瞋陀夜彌²⁸⁴ 雞囉夜彌²⁸⁵ 茶演尼²⁸⁶ 訖

唎擔²⁸⁷ 毗陀夜闍²⁸⁸ 瞋陀夜彌²⁸⁹ 雞囉夜彌²⁹⁰ 摩訶般輸般怛

夜²⁹¹ 嚧陀囉²⁹² 訖唎擔²⁹³ 毗陀夜闍²⁹⁴ 瞋陀夜彌²⁹⁵ 雞囉夜彌²⁹⁶

那囉夜拏²⁹⁷ 訖唎擔²⁹⁸ 毗陀夜闍²⁹⁹ 瞋陀夜彌³⁰⁰ 雞囉夜彌³⁰¹

怛埵^{多埵}伽嚧茶西³⁰² 訖唎擔³⁰³ 毗陀夜闍³⁰⁴ 瞋陀夜彌³⁰⁵ 雞囉夜

彌³⁰⁶ 摩訶迦囉³⁰⁷ 摩怛唎伽拏³⁰⁸ 訖唎擔³⁰⁹ 毗陀夜闍³¹⁰ 瞋陀

夜彌³¹¹ 雞囉夜彌³¹² 迦波唎迦³¹³ 訖唎擔³¹⁴ 毗陀夜闍³¹⁵ 瞋陀

夜彌³¹⁶ 雞囉夜彌³¹⁷ 闍夜羯囉³¹⁸ 摩度羯囉³¹⁹ 薩婆囉他娑達

那³²⁰ 訖唎擔³²¹ 毗陀夜闍³²² 瞋陀夜彌³²³ 雞囉夜彌³²⁴ 赭^世咄囉^{力叉}³²⁵

婆耆^レ你³²⁶ 訖唎擔³²⁷ 毗陀夜闍³²⁸ 瞋陀夜彌³²⁹ 雞囉夜彌³³⁰ 毗

唎羊訖唎知³³¹ 難陀雞沙囉³³² 伽拏般帝³³³ 索醯夜³³⁴ 訖唎擔³³⁵

毗陀夜闍³³⁶ 瞋陀夜彌³³⁷ 雞囉夜彌³³⁸ 那揭那舍囉婆拏³³⁹ 訖

唎擔³⁴⁰ 毗陀夜闍³⁴¹ 瞋陀夜彌³⁴² 雞囉夜彌³⁴³ 阿羅漢³⁴⁴ 訖唎

擔³⁴⁵ 毗陀夜闍³⁴⁶ 瞋陀夜彌³⁴⁷ 雞囉夜彌³⁴⁸ 毗多囉伽³⁴⁹ 訖唎

擔³⁵⁰ 毗陀夜闍³⁵¹ 瞋陀夜彌³⁵² 雞囉夜彌³⁵³ 跋闍囉波你³⁵⁴ 具

醯夜具醯夜³⁵⁵ 迦地般帝³⁵⁶ 訖唎擔³⁵⁷ 毗陀夜闍³⁵⁸ 瞋陀夜彌³⁵⁹

雞囉夜彌³⁶⁰ 囉叉罔³⁶¹ 婆伽梵³⁶² 印兔那麼麼寫³⁶³

第四會

婆伽梵³⁶⁴ 薩怛多般怛囉³⁶⁵ 南無粹都帝³⁶⁶ 阿悉多那囉

刺迦³⁶⁷ 波囉婆³⁶⁸ 悉普吒³⁶⁹ 毗迦薩怛多鉢帝唎³⁷⁰ 什佛囉什

佛囉³⁷¹ 陀囉陀囉³⁷² 頻陀囉頻陀囉³⁷³ 瞋陀瞋陀³⁷⁴ 虎^工 咩^工 虎

咩³⁷⁵ 泮吒泮吒泮吒泮吒泮吒³⁷⁶ 娑訶³⁷⁷ 醯醯泮³⁷⁸ 阿牟迦耶

泮³⁷⁹ 阿波囉提訶多泮³⁸⁰ 婆囉波囉陀泮³⁸¹ 阿素囉³⁸² 毗陀囉³⁸³

波迦泮³⁸⁴ 薩婆提鞞弊泮³⁸⁵ 薩婆那伽弊泮³⁸⁶ 薩婆藥叉弊泮³⁸⁷

薩婆乾闥婆弊泮³⁸⁸ 薩婆補丹那弊泮³⁸⁹ 迦吒補丹那弊泮³⁹⁰

薩婆突狼枳帝弊泮³⁹¹ 薩婆突澀比嚩³⁹² 訖瑟帝弊泮³⁹³ 薩婆

什婆利弊泮³⁹⁴ 薩婆阿播悉摩嚩弊泮³⁹⁵ 薩婆舍囉婆拏弊泮³⁹⁶

薩婆地帝雞弊泮³⁹⁷ 薩婆怛摩陀繼弊泮³⁹⁸ 薩婆毗陀耶囉

誓遮嚩弊泮⁴⁰⁰ 闍夜羯囉⁴⁰¹ 摩度羯囉⁴⁰² 薩婆囉他娑陀雞弊

泮⁴⁰³ 毗地夜⁴⁰⁴ 遮唎弊泮⁴⁰⁵ 者都囉⁴⁰⁶ 縛耆你弊泮⁴⁰⁷ 跋闍囉⁴⁰⁸

俱摩唎⁴⁰⁹ 毗陀夜⁴¹⁰ 囉誓弊泮⁴¹¹ 摩訶波囉丁羊⁴¹² 叉耆唎弊

泮⁴¹³ 跋闍囉商羯囉夜⁴¹⁴ 波囉丈耆囉闍耶泮⁴¹⁵ 摩訶迦囉夜⁴¹⁶

摩訶末怛唎迦拏⁴¹⁷ 南無娑羯唎多夜泮⁴¹⁸ 毖瑟拏婢曳泮⁴¹⁹

勃囉訶牟尼曳泮⁴²⁰ 阿耆尼曳泮⁴²¹ 摩訶羯唎曳泮⁴²² 羯囉檀

遲曳泮⁴²³ 蔑怛唎曳泮⁴²⁴ 嘑怛唎曳泮⁴²⁵ 遮文茶曳泮⁴²⁶ 羯邏⁴²⁷

囉怛唎曳泮⁴²⁷ 迦般唎曳泮⁴²⁸ 阿地目質多⁴²⁹ 迦尸摩舍那⁴³⁰

婆私你曳泮⁴³¹ 演吉質⁴³² 薩埵婆寫⁴³³ 麼麼印兔那麼麼寫⁴³⁴

第五會

突瑟吒質多⁴³⁵ 阿末怛唎質多⁴³⁶ 烏闍訶囉⁴³⁷ 伽婆訶囉⁴³⁸

噓地囉訶囉⁴³⁹ 婆娑訶囉⁴⁴⁰ 摩闍訶囉⁴⁴¹ 闍多訶囉⁴⁴² 視毖多

訶囉⁴⁴³ 跋略夜訶囉⁴⁴⁴ 乾陀訶囉⁴⁴⁵ 布史波訶囉⁴⁴⁶ 頗囉訶囉⁴⁴⁷

婆寫訶囉⁴⁴⁸ 般波質多⁴⁴⁹ 突瑟吒質多⁴⁵⁰ 嘑陀囉質多⁴⁵¹ 藥叉

揭囉訶⁴⁵² 囉刹娑揭囉訶⁴⁵³ 閉^九嚇多揭囉訶⁴⁵⁴ 毗舍遮揭囉訶⁴⁵⁵

部多揭囉訶⁴⁵⁶ 鳩槃荼揭囉訶⁴⁵⁷ 悉乾陀揭囉訶⁴⁵⁸ 烏怛摩陀

揭囉訶⁴⁵⁹ 車夜揭囉訶⁴⁶⁰ 阿播薩摩囉揭囉訶⁴⁶¹ 宅祛革⁴⁶² 茶

耆尼揭囉訶⁴⁶³ 唎佛帝揭囉訶⁴⁶⁴ 闍弭迦揭囉訶⁴⁶⁵ 舍俱尼揭

囉訶⁴⁶⁶ 姥陀囉⁴⁶⁷ 難地迦揭囉訶⁴⁶⁸ 阿藍婆揭囉訶⁴⁶⁹ 乾度波

尼揭囉訶⁴⁷⁰ 什伐囉⁴⁷¹ 堙迦醯迦⁴⁷² 墜帝藥迦⁴⁷³ 怛隸帝藥迦⁴⁷⁴

者突託迦⁴⁷⁵ 昵提什伐囉⁴⁷⁶ 毖釤摩什伐囉⁴⁷⁷ 薄底迦⁴⁷⁸ 鼻底

迦⁴⁷⁹ 室隸瑟密迦⁴⁸⁰ 娑你般帝迦⁴⁸¹ 薩婆什伐囉⁴⁸² 室嚧吉帝⁴⁸³

末陀鞞達嚧制劍⁴⁸⁴ 阿綺嚧鉗⁴⁸⁵ 目佉嚧鉗⁴⁸⁶ 羯唎突嚧鉗⁴⁸⁷

揭囉訶⁴⁸⁸ 揭藍羯拏輸藍⁴⁸⁹ 憚多輸藍⁴⁹⁰ 迄唎夜輸藍⁴⁹¹ 末麼

輸藍⁴⁹² 跋唎室婆輸藍⁴⁹³ 毖栗瑟吒輸藍⁴⁹⁴ 烏陀囉輸藍⁴⁹⁵ 羯

知輸藍⁴⁹⁶ 跋悉帝輸藍⁴⁹⁷ 鄔嚧輸藍⁴⁹⁸ 常伽輸藍⁴⁹⁹ 喝悉多輸

藍⁵⁰⁰ 跋陀輸藍⁵⁰¹ 娑房盎伽⁵⁰² 般囉丈伽輸藍⁵⁰³ 部多毖路茶⁵⁰⁴

茶耆尼⁵⁰⁵ 什婆囉⁵⁰⁶ 陀突嚧迦⁵⁰⁷ 建咄嚧吉知⁵⁰⁸ 婆路多毗⁵⁰⁹

薩般噓⁵¹⁰ 訶凌伽⁵¹¹ 輸沙怛囉⁵¹² 娑那羯囉⁵¹³ 毗沙喻迦⁵¹⁴ 阿

耆尼⁵¹⁵ 烏陀迦⁵¹⁶ 末囉鞞囉⁵¹⁷ 建多囉⁵¹⁸ 阿迦囉⁵¹⁹ 密唎咄⁵²⁰

怛斂部迦⁵²¹ 地栗刺吒⁵²² 毖唎瑟質迦⁵²³ 薩婆那俱囉⁵²⁴ 肆引

伽弊⁵²⁵ 揭囉唎藥叉⁵²⁶ 怛囉芻⁵²⁷ 末囉視⁵²⁸ 吠帝鈇⁵²⁹ 娑鞞鈇⁵³⁰

悉怛多鉢怛囉⁵³¹ 摩訶跋闍噓⁵³² 瑟尼鈇⁵³³ 摩訶般賴丈耆藍⁵³⁴

夜波突陀⁵³⁵ 舍喻闍那⁵³⁶ 辯怛隸拏⁵³⁷ 毗陀耶⁵³⁸ 槃曇迦噓彌⁵³⁹

帝殊⁵⁴⁰ 槃曇迦噓彌⁵⁴¹ 般囉毗陀⁵⁴² 槃曇迦噓彌⁵⁴³ 跢姪他⁵⁴⁴

唵 阿那隸⁵⁴⁶ 毗舍提⁵⁴⁷ 鞞囉⁵⁴⁸ 跋闍囉⁵⁴⁹ 陀唎⁵⁵⁰ 槃陀槃陀

你⁵⁵¹ 跋闍囉謗尼泮⁵⁵² 虎^工 鈇都噓甕泮⁵⁵³ 莎婆訶⁵⁵⁴

阿難，是佛頂光聚·悉怛多般怛囉·秘密伽陀微妙章句，出生十方一切諸佛。十方如來因此咒心，得成無

上正徧知覺。十方如來執此咒心，降伏諸魔，制諸外道。十方如來乘此咒心，坐寶蓮華應微塵國。十方如來含此咒心，於微塵國轉大法輪。十方如來持此咒心，能於十方摩頂授記；自果未成，亦於十方蒙佛授記。十方如來依此咒心，能於十方拔濟群苦。所謂地獄、餓鬼、畜生、盲聾、瘖瘂、怨憎會苦、愛別離苦、求不得苦、五陰熾盛、大小諸橫，同時解脫。賊難、兵難、王難、獄難、風火水難、饑渴貧窮，應念銷散。十方如來隨此咒心，能於十方事善知識，四威儀中供養如意，恆沙如來會中，推為大法王子。十方如來行此咒心，能於十方攝受親因，令諸小乘聞秘密藏，不生驚怖。十方如來誦此咒

心，成無上覺，坐菩提樹，入大涅槃。十方如來傳此咒心，於滅度後，付佛法事，究竟住持，嚴淨戒律，悉得清淨。若我說是佛頂光聚般怛囉咒，從旦至暮，音聲相聯，字句中間亦不重疊，經恆沙劫終不能盡。亦說此咒名如來頂。汝等有學，未盡輪迴，發心至誠取阿羅漢，不持此咒而坐道場，令其身心遠諸魔事，無有是處。

阿難，若諸世界，隨所國土所有眾生，隨國所生樺皮貝葉、紙素白之氎，書寫此咒，貯於香囊，是人心昏未能誦憶，或帶身上，或書宅中，當知是人盡其生年，一切諸毒所不能害。阿難，我今為汝更說此咒，救護世間得大無畏，成就眾生出世間智。若我滅後，末世眾生有

能自誦，若教他誦，當知如是誦持眾生，火不能燒，水不能溺，大毒小毒所不能害。如是乃至龍天鬼神、精祇魔魅，所有惡咒皆不能著。心得正受，一切咒詛、厭蠱、毒藥、金毒、銀毒、草木蟲蛇、萬物毒氣，入此人口成甘露味。一切惡星並諸鬼神、摩訶砑心毒人，於如是人不能起惡。頻那夜迦諸惡鬼王並其眷屬，皆領深恩，常加守護。

阿難，當知是咒，常有八萬四千那由他恆河沙俱胝金剛藏王菩薩種族，一一皆有諸金剛眾而為眷屬，晝夜隨侍。設有眾生於散亂心，非三摩地，心憶口持，是金剛王常隨從彼諸善男子。何況決定菩提心者？此諸金剛

菩薩藏王，精心陰速發彼神識，是人應時心能記憶八萬四千恆河沙劫。周徧了知，得無疑惑。從第一劫乃至後身，生生不生藥叉、羅刹及富單那、迦^{*}吒富單那、鳩槃荼、毗舍遮等，並諸餓鬼，有形無形、有想無想，如是惡處。是善男子若讀若誦，若書若寫，若帶若藏，諸色供養，劫劫不生貧窮下賤不可樂處。

此諸眾生，縱其自身不作福業，十方如來所有功德悉與此人。由是得於恆河沙阿僧祇不可說不可說劫，常與諸佛同生一處。無量功德，如惡叉聚同處熏修，永無分散。是故能令破戒之人，戒根清淨。未得戒者，令其得戒。未精進者，令得精進。無智慧者，令得智慧。不

清淨者，速得清淨。不持齋戒，自成齋戒。

阿難，是善男子持此咒時，設犯禁戒於未受時，持咒之後，眾破戒罪，無問輕重一時銷滅。縱經飲酒、食噉久吞五辛種種不淨，一切諸佛菩薩、金剛、天仙、鬼神，不將為過。設著不淨破弊衣服，一行一住悉同清淨。縱不作壇，不入道場，亦不行道，誦持此咒，還同入壇行道功德，無有異也。若造五逆無間重罪，及諸比丘比丘尼四棄八棄，誦此咒已，如是重業，猶如猛風吹散沙聚，悉皆滅除，更無毫髮。阿難，若有眾生從無量無數劫來，所有一切輕重罪障，從前世來未及懺悔，若能讀誦書寫此咒，身上帶持，若安住處、莊宅、園館，如是積業猶

湯銷雪，不久皆得悟無生忍。

復次，阿難，若有女人未生男女，欲求孕者，若能至心憶念斯咒，或能身上帶此悉怛多般怛囉者，便生福德智慧男女。求長命者，即得長命。欲求果報速圓滿者，速得圓滿。身、命、色、力，亦復如是。命終之後，隨願往生十方國土；必定不生邊地下賤，何況雜形？

阿難，若諸國土、州縣聚落，饑荒疫癘，或復刀兵、賊難、鬪諍^{久文}，兼餘一切厄難之地，寫此神咒，安城四門，並諸支提^{*}或脫闍^{*}上，令其國土所有眾生奉迎斯咒，禮拜恭敬，一心供養，令其人民各各身佩，或各各安所居宅地，一切災厄悉皆銷滅。

阿難，在在處處，國土眾生隨有此咒，天龍歡喜，風雨順時，五穀豐殷，兆庶安樂。亦復能鎮一切惡星、隨方變怪。災障不起，人無橫夭，杻械枷鎖不著其身，晝夜安眠，常無惡夢。

阿難，是娑婆界有八萬四千災變惡星，二十八惡星而為上首。復有八大惡星以為其主，作種種形，出現世時，能生眾生種種災異。有此咒地悉皆銷滅，十二由旬成結界地，諸惡災祥永不能入。是故如來宣示此咒，於未來世，保護初學諸修行者入三摩提，身心泰然，得大安隱。更無一切諸魔鬼神，及無始來冤橫宿殃、舊業陳債，來相惱害。汝及眾中諸有學人，及未來世諸修行

者，依我壇場，如法持戒，所受戒主逢清淨僧，持此咒心不生疑悔，是善男子於此父母所生之身，不得心通，十方如來便為妄語。

說是語已，會中無量百千金剛，一時佛前合掌頂禮而白佛言：如佛所說，我當誠心保護如是修菩提者。爾時，梵王並天帝釋、四天大王，亦於佛前同時頂禮而白佛言：審有如是修學善人，我當盡心至誠保護，令其一生所作如願。復有無量藥叉大將、諸羅刹王、富單那王、鳩槃荼王、毗舍遮王、頻那夜迦、諸大鬼王及諸鬼帥，亦於佛前合掌頂禮：我亦誓願護持是人，令菩提心速得圓滿。復有無量日月天子、風師雨師、雲師雷師，並電伯

等，年歲巡官，諸星眷屬，亦於會中頂禮佛足而白佛言：我亦保護是修行人，安立道場得無所畏。復有無量山海神，一切土地水陸空行萬物精祇，並風神王、無色界天，於如來前同時稽首，而白佛言：我亦保護是修行人，得成菩提，永無魔事。

爾時，八萬四千那由他恆河沙俱胝金剛藏王菩薩，在大會中即從座起，頂禮佛足而白佛言：世尊，如我等輩所修功業，久成菩提；不取涅槃，常隨此咒，救護末世修三摩提正修行人。世尊，如是修心求正定人，若在世道場及餘經行，乃至散心遊戲聚落，我等徒眾，常當隨從侍衛此人。縱令魔王大自在天求其方便，終不可得。

諸小鬼神去此善人十由旬外，除彼發心樂修禪者。世尊，如是惡魔，若魔、眷屬，欲來侵擾是善人者，我以寶杵殞碎其首，猶如微塵，恆令此人所作如願。

阿難即從座起，頂禮佛足而白佛言：我輩愚鈍，好為多聞，於諸漏心未求出離，蒙佛慈誨，得正熏修，身心快然，獲大饒益。世尊，如是修證佛三摩提，未到涅槃，云何名為乾慧之地？四十四心至何漸次得修行目？詣何方所名入地中？云何名為等覺菩薩？作是語已，五體投地，大眾一心佇佛慈音，瞪矚瞻仰。

爾時，世尊贊阿難言：善哉。善哉。汝等乃能普為大眾及諸末世一切眾生，修三摩提求大乘者，從於凡夫

終大涅槃，懸示無上正修行路。汝今諦聽，當為汝說。
阿難大眾合掌^{与义}剗心，默然受教。

佛言：阿難，當知妙性圓明，離諸名相，本來無有世界、眾生。因妄有生，因生有滅。生滅名妄，滅妄名真。是稱如來無上菩提及大涅槃，二轉依號。阿難，汝今欲修真三摩地，直詣如來大涅槃者，先當識此眾生、世界二顛倒因。顛倒不生，斯則如來真三摩地。

阿難，云何名為眾生顛倒？阿難，由性明心，性明圓故，因明發性，性妄見生，從畢竟無成究竟有。此有所有，非因所因，住所住相，了無根本。本此無住，建立世界及諸眾生。迷本圓明，是生虛妄，妄性無體，非

有所依。將欲復真，欲真已非真真如性。非真求復，宛成非相。非生、非住、非心、非法，輾轉發生，生力發明，熏以成業。同業相感，因有感業。相滅相生，由是故有眾生顛倒。

阿難，云何名為世界顛倒？是有所有，分段妄生，因此界立。非因所因，無住所住，遷流不住，因此世成。三世四方和合相涉，變化眾生成十二類。是故世界因動有聲，因聲有色，因色有香，因香有觸，因觸有味，因味知法。六亂妄想，成業性故，十二區分由此輪轉。是故世間聲香味觸，窮十二變為一旋復。乘此輪轉顛倒相故，是有世界：卵生、胎生、濕生、化生、有色、無色、

有想、無想、若非有色、若非無色、若非有想、若非無想。

阿難，由因世界虛妄輪迴，動顛倒故，和合氣成八萬四千飛沈亂想。如是故有卵羯邏藍カラス，流轉國土；魚、鳥、龜、蛇，其類充塞。由因世界雜染輪迴，欲顛倒故，和合滋成八萬四千橫豎亂想。如是故有胎遏蒲曇トモ，流轉國土；人、畜、龍、仙，其類充塞。由因世界執著輪迴，趣顛倒故，和合煖成八萬四千翻覆亂想。如是故有濕相蔽尸シ，流轉國土；含蠢蠕動ムク，其類充塞。由因世界變易輪迴，假顛倒故，和合觸成八萬四千新故亂想。如是故有化相羯南カ，流轉國土；轉蛻タ飛行，其類充塞。

由因世界留礙輪迴，障顛倒故，和合著成八萬四千精耀亂想。如是故有色相羯南，流轉國土；休咎精明，其類充塞。由因世界銷散輪迴，惑顛倒故，和合暗成八萬四千陰隱亂想。如是故有無色羯南，流轉國土；空散銷沈，其類充塞。由因世界罔象輪迴，影顛倒故，和合憶成八萬四千潛結亂想。如是故有想相羯南，流轉國土；神鬼精靈，其類充塞。由因世界愚鈍輪迴，癡顛倒故，和合頑成八萬四千枯槁亂想。如是故有無想羯南，流轉國土；精神化為土、木、金、石，其類充塞。

由因世界相待輪迴，偽顛倒故，和合染成八萬四千因依亂想。如是故有非有色相成色羯南，流轉國土；諸

水母等，以蝦為目，其類充塞。由因世界相引輪迴，性顛倒故，和合咒成八萬四千呼召亂想。由是故有非無色相無色羯南，流轉國土；咒詛厭生，其類充塞。由因世界合妄輪迴，罔顛倒故，和合異成八萬四千迴互亂想。如是故有非有想相成想羯南，流轉國土；彼蒲盧等，異質相成，其類充塞。由因世界怨害輪迴，殺顛倒故，和合怪成八萬四千食父母想。如是故有非無想相無想羯南，流轉國土。如土梟等工反附塊為兒，及破鏡鳥，以毒樹果抱為其子，子成，父母皆遭其食，其類充塞。是名眾生十二種類。

大佛頂如來密因修證了義諸菩薩萬行首楞嚴經
卷第七

大佛頂如來密因修證了義諸菩薩萬行首楞嚴經 卷第八

阿難，如是眾生，一一類中，亦各各具十二顛倒，猶如捏目，亂華發生，顛倒妙圓真淨明心，具足如斯虛妄亂想。汝今修證佛三摩提，於是本因，元所亂想，立三漸次，方得除滅。如淨器中除去毒蜜，以諸湯水並雜灰香洗滌其器，後貯甘露。

云何名為三種漸次？一者修習，除其助因。二者真修，剗其正性。三者增進，違其現業。

云何助因？阿難，如是世界十二類生，不能自全，依四食住，所謂段食、觸食、思食、識食。是故佛說一

切眾生皆依食住。阿難，一切眾生，食甘故生，食毒故死。是諸眾生求三摩提，當斷世間五種辛菜。是五種辛，熟食發姪，生噉增恚_反。如是世界食辛之人，縱能宣說十二部經，十方天仙嫌其臭穢，咸皆遠離。諸餓鬼等，因彼食次，舐其唇吻，常與鬼住，福德日銷，長無利益。是食辛人修三摩地，菩薩、天仙、十方善神，不來守護。大力魔王得其方便，現作佛身來為說法，非毀禁戒，贊姪、怒、癡。命終自為魔王眷屬，受魔福盡，墮無間獄。阿難，修菩提者永斷五辛，是則名為第一增進修行漸次。

云何正性？阿難，如是眾生入三摩地，要先嚴持清淨戒律，永斷姪心，不餐酒肉，以火淨食，無噉生氣。

阿難，是修行人，若不斷婬及與殺生，出三界者，無有是處。當觀婬欲猶如毒蛇，如見怨賊。先持聲聞四棄八棄，執身不動；後行菩薩清淨律儀，執心不起。禁戒成就，則於世間，永無相生相殺之業。偷劫不行，無相負累，亦於世間不還宿債。是清淨人修三摩地，父母肉身，不須天眼，自然觀見十方世界。覩佛聞法，親奉聖旨，得大神通遊十方界。宿命清淨，得無艱險。是則名為第二增進修行漸次。

云何現業？阿難，如是清淨持禁戒人，心無貪婬，於外六塵不多流逸。因不流逸，旋元自歸。塵既不緣，根無所偶，反流全一，六用不行。十方國土皎然清淨，

譬如瑠璃內懸明月。身心快然，妙圓平等，獲大安隱。一切如來密、圓、淨、妙，皆現其中；是人即獲無生法忍。從是漸修，隨所發行，安立聖位。是則名為第三增進修行漸次。

阿難，是善男子欲愛乾枯，根境不偶，現前殘質不復續生。執心虛明，純是智慧，慧性明圓，之蓋十方界，乾有其慧，名乾慧地：欲習初乾，未與如來法流水接。即以此心，中中流入，圓妙開敷，從真妙圓，重發真妙。妙信常住，一切妄想滅盡無餘，中道純真，名信心住。真信明了，一切圓通，陰、處、界三，不能為礙。如是乃至過去、未來無數劫中，捨身受身一切習氣，皆現在

前，是善男子皆能憶念，得無遺忘，名念心住。妙圓純真，真精發化，無始習氣通一精明，唯以精明進趣真淨，名精進心。

心精現前，純以智慧，名慧心住。執持智明，周徧寂湛，寂妙常凝，名定心住。定光發明，明性深入，唯進無退，名不退心。心進安然，保持不失，十方如來氣分交接，名護法心。覺明保持，能以妙力回佛慈光，向佛安住，猶如雙鏡光明相對，其中妙影重重相入，名迴向心。心光密迴，獲佛常凝，無上妙淨，安住無為，得無遺失，名戒心住。住戒自在，能遊十方，所去隨願，名願心住。

阿難，是善男子以真方便，發此十心，心精發輝，十用涉入，圓成一心，名發心住。心中發明，如淨瑠璃，內現精金，以前妙心，履以成地，名治地住。心地涉知，俱得明了，遊履十方，得無留礙，名修行住。行與佛同，受佛氣分，如中陰身自求父母，陰信冥通，入如來種，名生貴住。既遊道胎，親奉覺胤⁵，如胎已成，人相不缺，名方便具足住。容貌如佛，心相亦同，名正心住。身心合成，日益增長，名不退住。十身靈相，一時具足，名童真住。形成出胎，親為佛子，名法王子住。表以成人，如國大王以諸國事分委太子，彼剎利王，世子長成，陳列灌頂，名灌頂住。

阿難，是善男子成佛子已，具足無量如來妙德，十方隨順，名歡喜行。善能利益一切眾生，名饒益行。自覺覺他，得無違拒，名無瞋恨行。種類出生，窮未來際，三世平等，十方通達，名無盡行。一切合同，種種法門得無差誤，名離癡亂行。則於同中顯現群異，一一異相各各見同，名善現行。如是乃至十方虛空滿足微塵，一一塵中現十方界，現塵現界不相留礙，名無著行。種種現前，咸是第一波羅蜜多，名尊重行。如是圓融能成十方諸佛軌則，名善法行。一一皆是清淨無漏，一真無為，性本然故，名真實行。

阿難，是善男子滿足神通，成佛事已，純潔精真，

遠諸留患，當度眾生，滅除度相，迴無為心向涅槃路，名救護一切眾生離眾生相迴向。壞其可壞，遠離諸離，名不壞迴向。本覺湛然，覺齊佛覺，名等一切佛迴向。精真發明，地如佛地，名至一切處迴向。世界如來互相涉入，得無罣礙，名無盡功德藏迴向。於同佛地，地中各各生清淨因，依因發揮，取涅槃道，名隨順平等善根迴向。真根既成，十方眾生皆我本性，性圓成就，不失眾生，名隨順等觀一切眾生迴向。即一切法，離一切相，唯即與離二無所著，名真如相迴向。真得所如，十方無礙，名無縛解脫迴向。性德圓成，法界量滅，名法界無量迴向。

阿難，是善男子，盡是清淨四十一心，次成四種妙圓加行。即以佛覺用為己心，若出未出，猶如鑽火欲然其木，名為煖地。又以己心成佛所履，若依非依，如登高山身入虛空，下有微礙，名為頂地。心佛二同，善得中道，如忍事人，非懷非出，名為忍地。數量銷滅，迷覺中道，二無所目，名世界第一地。阿難，是善男子，於大菩提，善得通達，覺通如來，盡佛境界，名歡喜地。異性入同，同性亦滅，名離垢地。淨極明生，名發光地。明極覺滿，名燄慧地。一切同異所不能至，名難勝地。無為真如，性淨明露，名現前地。盡真如際，名遠行地。一真如心，名不動地。發真如用，名善慧地。阿難，是

諸菩薩從此已往，修習畢功，功德圓滿，亦目此地名修習位。慈陰妙雲，覆涅槃海，名法雲地。如來逆流，如是菩薩順行而至，覺際入交，名為等覺。

阿難，從乾慧心至等覺已，是覺始獲金剛心中初乾慧地。如是重重單複十二，方盡妙覺，成無上道。是種種地，皆以金剛觀察如幻十種深喻，奢摩他中，用諸如來毗婆舍那，清淨修證，漸次深入。阿難，如是皆以三增進故，善能成就五十五位真菩提路。作是觀者，名為正觀；若他觀者，名為邪觀。

爾時，文殊師利法王子在大眾中，即從座起，頂禮佛足而白佛言：當何名是經？我及眾生云何奉持？佛告

文殊師利：是經名《大佛頂悉怛多般怛囉·無上寶印·十方如來清淨海眼》，亦名《救護親因·度脫阿難及此會中性比丘尼·得菩提心入徧知海》，亦名《如來密因修證了義》，亦名《大方廣妙蓮華王·十方佛母陀羅尼咒》，亦名《灌頂章句·諸菩薩萬行首楞嚴》，汝當奉持。

說是語已，即時阿難及諸大眾，得蒙如來開示密印般怛囉義，兼聞此經了義名目，頓悟禪那，修進聖位，增上妙理，心慮虛凝，斷除三界修心六品微細煩惱。即從座起頂禮佛足，合掌恭敬而白佛言：大威德世尊，慈音無遮，善開眾生微細沈惑，令我今日身心快然，得大饒益。

世尊，若此妙明真淨妙心，本來徧圓，如是乃至大地草木、蠕動含靈，本元真如，即是如來成佛真體。佛體真實，云何復有地獄、餓鬼、畜生、修羅、人、天等道？世尊，此道為復本來自有？為是眾生妄習生起？世尊，如寶蓮香比丘尼，持菩薩戒，私行姪欲，妄言行姪非殺非偷，無有業報。發是語已，先於女根生大猛火，後於節節猛火燒然，墮無間獄。瑠璃大王、善星比丘：瑠璃為誅瞿曇くたむ族姓，善星妄說一切法空，生身陷入阿鼻地獄。此諸地獄為有定處？為復自然，彼彼發業，各各私受？惟垂大慈開發童蒙，令諸一切持戒眾生，聞決定義，歡喜頂戴，謹潔無犯。

佛告阿難：快哉此問！令諸眾生不入邪見。汝今諦聽，當為汝說。阿難，一切眾生實本真淨，因彼妄見，有妄習生，因此分開內分分外。阿難，內分即是眾生分內，因諸愛染發起妄情，情積不休，能生愛水。是故眾生，心憶珍羞，口中水出；心憶前人，或憐或恨，目中淚盈；貪求財寶，心發愛涎，舉體光潤；心著行婬，男女二根，自然流液。阿難，諸愛雖別，流結是同。潤濕不升，自然從墜。此名內分。

阿難，外分即是眾生分外，因諸渴仰，發明虛想，想積不休能生勝氣。是故眾生，心持禁戒，舉身輕清；心持咒印，顧盼雄毅；心欲生天，夢想飛舉；心存佛國，

聖境冥現；事善知識，自輕身命。阿難，諸想雖別，輕舉是同。飛動不沈，自然超越。此名外分。

阿難，一切世間生死相續，生從順習，死從變流。臨命終時，未捨煖觸^{フク}，一生善惡俱時頓現。死逆生順，二習相交。純想即飛，必生天上。若飛心中，兼福兼慧，及與淨願，自然心開見十方佛，一切淨土隨願往生。情少想多，輕舉非遠，即為飛仙、大力鬼王、飛行夜叉、地行羅刹，游於四天，所去無礙。其中若有善願善心，護持我法，或護禁戒隨持戒人，或護神咒隨持咒者，或護禪定，保綏法忍，是等親住如來座下。

情想均等，不飛不墜，生於人間。想明斯聰，情幽

斯鈍。情多想少，流入橫生，重為毛群，輕為羽族。七情三想，沈下水輪，生於火際，受氣猛火，身為餓鬼，常被焚燒。水能害己，無食無飲經百千劫。九情一想，下洞火輪，身入風火二交過地，輕生有間，重生無間，二種地獄。純情即沈，入阿鼻獄。若沈心中，有謗大乘，毀佛禁戒，誑妄說法，虛貪信施，濫膺恭敬，五逆十重，更生十方阿鼻地獄。循造惡業，雖則自招，眾同分中，兼有元地。

阿難，此等皆是彼諸眾生自業所感，造十習因，受六交報。云何十因？阿難，一者，婬習交接，發於相磨，研磨不休，如是故有大猛火光於中發動。如人以手自相

摩觸，煖相現前。二習相然，故有鐵床銅柱諸事。是故十方一切如來，色目行婬，同名欲火。菩薩見欲，如避火坑。二者，貪習交計，發於相吸，吸攬不止，如是故有積寒堅冰，於中凍冽。如人以口吸縮風氣，有冷觸生。二習相陵，故有吒吒吐、波波、羅羅，青赤白蓮寒冰等事。是故十方一切如來，色目多求，同名貪水。菩薩見貪，如避瘴海。

三者，慢習交陵，發於相恃，馳流不息，如是故有騰逸奔波，積波為水。如人口舌自相綿味，因而水發。二習相鼓，故有血河灰河、熱沙毒海、融銅灌吞諸事。是故十方一切如來，色目我慢，名飲癡水。菩薩見慢，

如避巨溺。四者，瞋習交沖，發於相忤^x，忤結不息，心熱發火鑄氣為金。如是故有刀山鐵檣^h、劍樹劍輪、斧鉞^h鎗鋸。如人銜冤，殺氣飛動。二習相擊，故有宮割斬斫^h、剉刺槌擊諸事。是故十方一切如來，色目瞋恚，名利刀劍。菩薩見瞋，如避誅戮。

五者，詐習交誘，發於相調^{*}，引起不住，如是故有繩木絞校。如水浸田，草木生長。二習相延，故有杻械枷鎖、鞭杖撻^h棒諸事。是故十方一切如來，色目奸偽，同名讒賊。菩薩見詐，如畏豺狼。六者，誑習交欺^h，發於相罔^{*}，誣罔不止，飛心造奸。如是故有塵土屎尿，穢汙不淨，如塵隨風，各無所見。二習相加，故有沒溺騰

擲、飛墜漂淪諸事。是故十方一切如來，色目欺誑，同名劫殺。菩薩見誑，如踐蛇虺。

七者，怨習交嫌，發於銜恨。如是故有飛石投礮、
匣貯車檻、甕盛囊撲，如陰毒人懷抱畜惡。二習相吞，故有投擲擒捉、擊射拋撮諸事。是故十方一切如來，色目怨家，名違害鬼。菩薩見怨，如飲鴆酒。八者，見習交明，如薩迦耶，見、戒禁取，邪悟諸業，發於違拒，出生相反。如是故有王使主吏，證執文籍，如行路人來往相見。二習相交，故有勘問、權詐考訊、推鞫察訪、披究照明，善惡童子手執文簿，辭辯諸事。是故十方一切如來，色目惡見，同名見坑。菩薩見諸虛妄徧執，如

入毒壑。

九者，枉習交加，發於誣謗。如是故有合山合石、碾磑^{ズク}耕磨，如讒賊人逼枉良善。二習相排，故有押捺^{フヤ}按、蹙漉^{ズク}衡度諸事。是故十方一切如來，色目怨謗，同名讒虎。菩薩見枉，如遭霹靂。十者，訟習交誼^{トウ}，發於藏覆^{サカ}。如是故有鑒見照燭，如於日中不能藏影。二習相陳，故有惡友、業鏡、火珠，披露宿業，對驗諸事。是故十方一切如來，色目覆藏，同名陰賊。菩薩觀覆，如戴高山履於巨海。

云何六報？阿難，一切眾生六識造業，所招惡報從六根出。云何惡報從六根出？一者，見報招引惡果。此

見業交，則臨終時，先見猛火滿十方界。亡者神識飛墜乘煙，入無間獄。發明二相：一者明見，則能徧見種種惡物，生無量畏。二者暗見，寂然不見，生無量恐。如是見火，燒聽，能為鑊湯洋銅；燒息，能為黑煙紫燄；燒味，能為焦丸鐵糜；燒觸，能為熱灰爐炭；燒心，能生星火迸灑，煽鼓空界。

二者，聞報招引惡果。此聞業交，則臨終時，先見波濤沒溺天地。亡者神識降注乘流，入無間獄。發明二相：一者開聽，聽種種鬧，精神愁亂。二者閉聽，寂無所聞，幽魄沈沒。如是聞波，注聞，則能為責、為詰；注見，則能為雷、為吼、為惡毒氣；注息，則能為雨、

為霧，灑諸毒蟲周滿身體；注味，則能為膿、為血，種種雜穢；注觸，則能為畜、為鬼、為糞、為尿；注意：則能為電、為雹，摧碎心魄。

三者，齎報招引惡果。此齎業交，則臨終時，先見毒氣充塞遠近。亡者神識從地涌出，入無間獄。發明二相：一者通聞，被諸惡氣熏極心擾。二者塞聞，氣掩不通，悶絕於地。如是齎氣，衝息，則能為質、為履；衝見，則能為火、為炬；衝聽，則能為沒、為溺、為洋、為沸；衝味，則能為餒、為爽；衝觸，則能為綻、為爛、為大肉山，有百千眼，無量啞食；衝思，則能為灰、為瘴，為飛砂礮，擊碎身體。

四者，味報招引惡果。此味業交，則臨終時，先見鐵網猛燄熾烈，周覆世界。亡者神識下透掛網，倒懸其頭，入無間獄。發明二相：一者吸氣，結成寒冰，凍裂身肉。二者吐氣，飛為猛火，焦爛骨髓。如是嘗味，歷嘗，則能為承、為忍；歷見，則能為然金石；歷聽，則能為利兵刃；歷息，則能為大鐵籠，彌覆國土；歷觸，則能為弓、為箭、為弩、為射；歷思，則能為飛熱鐵，從空雨下。

五者，觸報招引惡果。此觸業交，則臨終時，先見大山四面來合，無復出路。亡者神識見大鐵城、火蛇、火狗、虎、狼、師子。牛頭獄卒、馬頭羅刹，手執鎗槍稍，

驅入城門，向無間獄。發明二相：一者合觸，合山逼體，骨肉血潰。二者離觸，刀劍觸身，心肝屠裂。如是合觸，歷觸，則能為道、為觀、為廳、為案；歷見，則能為燒、為爇；歷聽，則能為撞、為擊、為割、為射；歷息，則能為括、為袋、為拷、為縛；歷嘗，則能為耕、為鉗、為斬、為截；歷思，則能為墜、為飛、為煎、為炙。

六者，思報招引惡果。此思業交，則臨終時，先見惡風吹壞國土。亡者神識被吹上空，旋落乘風，墮無間獄。發明二相：一者不覺，迷極則荒，奔走不息。二者不迷，覺知則苦，無量煎燒，痛深難忍。如是邪思，結思，則能為方、為所；結見，則能為鑒、為證；結聽，

則能為大合石、為冰、為霜、為土、為霧；結息，則能為大火車、火船、火檻^其；結嘗，則能為大叫喚、為悔、為泣；結觸，則能為大、為小，為一日中萬生萬死，為偃^之、為仰。

阿難，是名地獄十因六果，皆是眾生迷妄所造。若諸眾生惡業同造，入阿鼻獄受無量苦，經無量劫。六根各造，及彼所作兼境兼根，是人則入八無間獄。身口意三，作殺盜婬，是人則入十八地獄。三業不兼，中間或為一殺一盜，是人則入三十六地獄。見見一根，單犯一業，是人則入一百八地獄。由是眾生別作別造，於世界中，入同分地，妄想發生，非本來有。

復次，阿難，是諸眾生非破律儀，犯菩薩戒，毀佛涅槃，諸餘雜業歷劫燒然，後還罪畢，受諸鬼形。若於本因，

貪物為罪，是人罪畢，遇物成形，名為怪鬼。
貪色為罪，是人罪畢，遇風成形，名為魃鬼。
貪惑為罪，是人罪畢，遇畜成形，名為魅鬼。
貪恨為罪，是人罪畢，遇蟲成形，名為蠱毒鬼。
貪憶為罪，是人罪畢，遇衰成形，名為癘鬼。
貪傲為罪，是人罪畢，遇氣成形，名為餓鬼。
貪罔為罪，是人罪畢，遇幽為形，名為魘鬼。
貪明為罪，是人罪畢，遇精為形，名魍魎鬼。

貪成^{*}為罪，是人罪畢，遇明為形，名役使鬼。
貪黨為罪，是人罪畢，遇人為形，名傳送鬼。

阿難，是人皆以純情墜落，業火燒幹，上出為鬼。
此等皆是自妄想業之所招引，若悟菩提，則妙圓明，本無所有。

復次，阿難，鬼業既盡，則情與想二俱成空，方於世間，與元^{*}負人怨對相值，身為畜生，酬其宿債。
物怪之鬼，物銷報盡，生於世間多為梟類。

風魘之鬼，風銷報盡，生於世間，多為咎徵^{*}一切異類。
畜魅之鬼，畜死報盡，生於世間，多為狐類。
蟲蠱之鬼，蠱滅報盡，生於世間，多為毒類。

衰癘之鬼，衰窮報盡，生於世間，多為蛔類。

受氣之鬼，氣銷報盡，生於世間，多為食類。

綿幽之鬼，幽銷報盡，生於世間，多為服類。

和精之鬼，和銷報盡，生於世間，多為應類。

明靈之鬼，明滅報盡，生於世間，多為休徵一切諸類。

依人之鬼，人亡報盡，生於世間，多為循類。

阿難，是等皆以業火乾枯，酬其宿債，傍為畜生。

此等亦皆自虛妄業之所招引，若悟菩提，則此妄緣，本無所有。如汝所言，寶蓮香等及瑠璃王、善星比丘，如是惡業本自發明，非從天降，亦非地出，亦非人與。自妄所招，還自來受。菩提心中，皆為浮虛妄想凝結。

復次，阿難，從是畜生酬償先債，若彼酬者分越所酬，此等眾生還復為人，反徵其剩。如彼有力，兼有福德，則於人中不捨人身，酬還彼力。若無福者，還為畜生償彼餘直。

阿難當知，若用錢物，或役其力，償足自停。如於中間殺彼身命，或食其肉，如是乃至經微塵劫，相食相誅，猶如轉輪，互為高下，無有休息。除奢摩他及佛出世，不可停寢。汝今應知：

彼梟倫者，酬足復形，生人道中，參合頑類。

彼咎徵者，酬足復形，生人道中，參合異類。

彼狐倫者，酬足復形，生人道中，參於庸類。

彼毒倫者，酬足復形，生人道中，參合狠類。

彼蛔倫者，酬足復形，生人道中，參合微類。

彼食倫者，酬足復形，生人道中，參合柔類。

彼服倫者，酬足復形，生人道中，參合勞類。

彼應倫者，酬足復形，生人道中，參於文類。

彼休徵者，酬足復形，生人道中，參合明類。

彼諸循倫，酬足復形，生人道中，參於達類。

阿難，是等皆以宿債畢酬，復形人道，皆無始來業計顛倒，相生相殺，不遇如來，不聞正法，於塵勞中，法爾輪轉。此輩名為可憐愍者。

阿難，復有從人，不依正覺修三摩地，別修妄念，

存想固形，遊於山林人不及處，有十種仙。阿難，彼諸眾生，

堅固服餌而不休息，食道圓成，名地行仙。
堅固草木而不休息，藥道圓成，名飛行仙。
堅固金石而不休息，化道圓成，名遊行仙。
堅固動止而不休息，氣精圓成，名空行仙。
堅固津液而不休息，潤德圓成，名天行仙。
堅固精色而不休息，吸粹圓成，名通行仙。
堅固咒禁而不休息，術法圓成，名道行仙。
堅固思念而不休息，思憶圓成，名照行仙。
堅固交遘而不休息，感應圓成，名精行仙。

堅固變化而不休息，覺悟圓成，名絕行仙。

阿難，是等皆於人中鍊心，不修正覺，別得生理，壽千萬歲。休止深山或大海島，絕於人境。斯亦輪迴，妄想流轉；不修三昧，報盡還來散入諸趣。

阿難，諸世間人不求常住，未能捨諸妻妾恩愛。於邪淫中心不流逸，澄瑩生明，命終之後，鄰於日月；如是一類名四天王天。於己妻房淫愛微薄，於淨居時不得全味，命終之後，超日月明，居人間頂；如是一類名忉利天。逢欲暫交，去無思憶，於人間世，動少靜多。命終之後，於虛空中朗然安住，日月光明上照不及，是諸人等自有光明；如是一類名須燄摩天。一切時靜，有應

觸來，未能違戾。命終之後，上升精微，不接下界諸人天境，乃至劫壞，三災不及；如是一類名兜率陀天。我無欲心，應汝行事，於橫陳時，味如嚼蠟。命終之後，生越化地；如是一類名樂變化天。無世間心，同世行事，於行事交，了然超越。命終之後，徧能出超化無化境；如是一類名他化自在天。阿難，如是六天，形雖出動，心迹尚交，自此已還，名為欲界。

大佛頂如來密因修證了義諸菩薩萬行首楞嚴經 卷第八

大佛頂如來密因修證了義諸菩薩萬行首楞嚴經 卷第九

阿難，世間一切所修心人，不假禪那，無有智慧，但能執身不行婬欲。若行若坐，想念俱無，愛染不生，無留欲界，是人應念身為梵侶；如是一類名梵眾天。欲習既除，離欲心現，於諸律儀，愛樂隨順，是人應時能行梵德；如是一類名梵輔天。身心妙圓，威儀不缺，清淨禁戒，加以明悟，是人應時能統梵眾，為大梵王；如是一類名大梵天。阿難，此三勝流，一切苦惱所不能逼，雖非正修真三摩地，清淨心中諸漏不動，名為初禪。

阿難，其次梵天統攝梵人，圓滿梵行，澄心不動，

寂湛生光；如是一類名少光天。光光相然，照耀無盡，映十方界，徧成瑠璃；如是一類名無量光天。吸持圓光，成就教體，發化清淨，應用無盡；如是一類名光音天。阿難，此三勝流，一切憂懸所不能逼，雖非正修真三摩地，清淨心中麤漏そと已伏，名為二禪。

阿難，如是天人圓光成音，披音露妙，發成精行，通寂滅樂；如是一類名少淨天。淨空現前，引發無際，身心輕安，成寂滅樂；如是一類名無量淨天。世界身心一切圓淨，淨德成就，勝託現前，歸寂滅樂；如是一類名徧淨天。阿難，此三勝流具大隨順，身心安隱得無量樂，雖非正得真三摩地，安隱心中歡喜畢具，名為三禪。

阿難，復次天人不逼身心，苦因已盡，樂非常住，久必壞生。苦樂二心俱時頓捨，麤重相滅，淨福性生；如是一類名福生天。捨心圓融，勝解清淨，福無遮中得妙隨順，窮未來際；如是一類名福愛天。阿難，從是天中有二歧路。若於先心無量淨光，福德圓明，修證而住；如是一類名廣果天。若於先心雙厭苦樂，精研捨心，相續不斷，圓窮捨道，身心俱滅，心慮灰凝，經五百劫。是人既以生滅為因，不能發明不生滅性，初半劫滅，後半劫生；如是一類名無想天。阿難，此四勝流，一切世間諸苦樂境所不能動，雖非無為真不動地，有所得心，功用純熟，名為四禪。

阿難，此中復有五不還天，於下界中，九品習氣俱時滅盡，苦樂雙亡，下無卜居，故於捨心眾同分中，安立居處。阿難，苦樂兩滅，鬪心不交；如是一類名無煩天。機括獨行，研交無地；如是一類名無熱天。十方世界妙見圓澄，更無塵象一切沈垢；如是一類名善見天。精見現前，陶鑄無礙；如是一類名善現天。究竟群幾，窮色性性，入無邊際；如是一類名色究竟天。

阿難，此不還天，彼諸四禪四位天王，獨有欽聞，不能知見。如今世間曠野深山聖道場地，皆阿羅漢所住持故，世間麤人所不能見。阿難，是十八天獨行無交，未盡形累，自此已還，名為色界。

復次，阿難，從是有頂色邊際中，其間復有二種歧路。若於捨心，發明智慧，慧光圓通，便出塵界，成阿羅漢入菩薩乘；如是一類名為迴心大阿羅漢。若在捨心，捨厭成就，覺身為礙，銷礙入空；如是一類名為空處。諸礙既銷，無礙無滅，其中唯留阿賴耶識，全於末那半分微細；如是一類名為識處。空色既亡，識心都滅，十方寂然，迥無攸往；如是一類名無所有處。識性不動，以滅窮研，於無盡中發宣盡性，如存不存，若盡非盡；如是一類名為非想非非想處。此等窮空，不盡空理，從不還天聖道窮者；如是一類名不迴心鈍阿羅漢。若從無想諸外道天，窮空不歸，迷漏無聞，便入輪轉。

阿難，是諸天上各各天人，則是凡夫業果酬答，答盡入輪。彼之天王，即是菩薩遊三摩地，漸次增進，迴向聖倫所修行路。

阿難，是四空天，身心滅盡，定性現前，無業果色，從此逮終，名無色界。此皆不了妙覺明心，積妄發生，妄有三界，中間妄隨七趣沈溺，補特伽羅各從其類。

復次，阿難，是三界中復有四種阿修羅類。若於鬼道，以護法力成通入空；此阿修羅從卵而生，鬼趣所攝。若於天中，降德貶墜，其所卜居鄰於日月；此阿修羅從胎而出，人趣所攝。有修羅王，執持世界，力洞無畏，能與梵王及天帝釋、四天爭權；此阿修羅因變化有，天

趣所攝。阿難，別有一分下劣修羅，生大海心，沈水穴口，旦遊虛空，暮歸水宿；此阿修羅因濕氣有，畜生趣攝。

阿難，如是地獄、餓鬼、畜生，人及神仙，天洎此修羅，精研七趣，皆是昏沈諸有為相。妄想受生，妄想隨業。於妙圓明無作本心，皆如空華，元無所著；但一虛妄，更無根緒。

阿難，此等眾生不識本心，受此輪迴，經無量劫不得真淨，皆由隨順殺盜淫故。反此三種，又則出生無殺盜淫。有名鬼倫，無名天趣。有無相傾，起輪迴性。若得妙發三摩提者，則妙常寂，有無*二無，無二亦滅。尚

無不殺不偷不婬，云何更隨殺盜婬事？

阿難，不斷三業，各各有私。因各各私，眾私同分，非無定處。自妄發生，生妄無因，無可尋究。汝勗^{トク}修行，欲得菩提，要除三惑；不盡三惑，縱得神通，皆是世間有為功用。習氣不滅，落於魔道，雖欲除妄，倍加虛偽，如來說為可哀憐者。汝妄自造，非菩提咎。作是說者，名為正說；若他說者，即魔王說。

即時，如來將罷法座，於師子床攬七寶几，迴紫金^{トク}山，再來凭^{タツ}倚，普告大眾及阿難言：汝等有學、緣覺、聲聞，今日迴心，趣大菩提無上妙覺，吾今已說真修行法。汝猶未識修奢摩他、毗婆舍那微細魔事。魔境現前，

汝不能識，洗心非正，落於邪見。或汝陰魔，或復天魔，或著鬼神，或遭魑魅，心中不明，認賊為子。又復於中得少為足，如第四禪無聞比丘，妄言證聖，天報已畢，衰相現前，謗阿羅漢身遭後有，墮阿鼻獄。汝應諦聽，吾今為汝仔細分別。阿難起立，並其會中同有學者，歡喜頂禮，伏聽慈誨。

佛告阿難及諸大眾：汝等當知，有漏世界十二類生，本覺妙明、覺圓心體，與十方佛無二無別。由汝妄想，迷理為咎，癡愛發生，生發徧迷，故有空性。化迷不息，有世界生。則此十方微塵國土非無漏者，皆是迷頑妄想安立。當知虛空生汝心內，猶如片雲點太清裡，

況諸世界在虛空耶。

汝等一人發真歸元，此十方空皆悉銷殞^殞，云何空中所有國土而不振裂？汝輩修禪，飾三摩地，十方菩薩及諸無漏大阿羅漢，心精通膈^膈，當處湛然。一切魔王及與鬼神、諸凡夫天，見其宮殿無故崩裂，大地振坼^坼，水陸飛騰，無不驚懼^懼。凡夫昏暗，不覺遷訛。彼等咸得五種神通，唯除漏盡，戀此塵勞，如何令汝摧裂其處？是故鬼神及諸天魔、魍魎、妖精，於三昧時僉^僉來惱汝。

然彼諸魔雖有大怒，彼塵勞內，汝妙覺中，如風吹光，如刀斷水，了不相觸。汝如沸湯，彼如堅冰，煖氣漸鄰，不日銷殞。徒恃神力，但為其客。成就破亂，由

汝心中五陰主人。主人若迷，客得其便。當處禪那，覺悟無惑，則彼魔事無奈汝何。陰銷入明，則彼群邪咸受幽氣，明能破暗，近自銷殞，如何敢留擾亂禪定？若不明悟，被陰所迷，則汝阿難必為魔子，成就魔人。如摩登伽殊為眇劣_最，彼唯咒汝，破佛律儀，八萬行中只毀一戒。心清淨故，尚未淪溺。此乃隳汝寶覺全身，如宰臣家忽逢籍沒，宛轉零落，無可哀救。

阿難當知，汝坐道場，銷落諸念，其念若盡，則諸離念一切精明，動靜不移，憶忘如一。當住此處入三摩地。如明目人處大幽暗，精性妙淨，心未發光，此則名為色陰區宇。若目明朗，十方洞開，無復幽黯，名色陰

盡。是人則能超越劫濁。觀其所由，堅固妄想以為其本。阿難，當在此中精研妙明，四大不織，少選之間，身能出礙，此名精明流溢前境。斯但功用，暫得如是，非為聖證。不作聖心，名善境界；若作聖解，即受群邪。阿難，復以此心精研妙明，其身內徹。是人忽然於其身內，拾出蟻目蚋，身相宛然，亦無傷毀。此名精明流溢形體。斯但精行，暫得如是，非為聖證。不作聖心，名善境界；若作聖解，即受群邪。

又以此心內外精研，其時魂魄意志精神，除執受身，餘皆涉入，互為賓主。忽於空中聞說法聲，或聞十方同敷密義。此名精魄遞相離合。成就善種，暫得如是，

非為聖證。不作聖心，名善境界；若作聖解，即受群邪。又以此心澄露皎徹，內光發明，十方徧作閻浮檀色，一切種類化為如來。於時忽見毗盧遮那踞天光臺，千佛圍繞，百億國土及與蓮華俱時出現。此名心魂靈悟所染，心光研明，照諸世界。暫得如是，非為聖證。不作聖心，名善境界；若作聖解，即受群邪。

又以此心精研妙明，觀察不停，抑按降伏，制止超越。於時，忽然十方虛空成七寶色或百寶色，同時徧滿，不相留礙。青黃赤白各各純現。此名抑按功力逾分，暫得如是，非為聖證。不作聖心，名善境界；若作聖解，即受群邪。

又以此心研究澄徹，精光不亂。忽於夜半，在暗室內見種種物，不殊白晝，而暗室物亦不除滅。此名心細，密澄其見，所視洞幽。暫得如是，非為聖證。不作聖心，名善境界；若作聖解，即受群邪。

又以此心圓入虛融，四肢忽然同於草木，火燒刀斫，曾無所覺。又則火光不能燒爇，縱割其肉，猶如削木。此名塵併，排四大性，一向入純。暫得如是，非為聖證。不作聖心，名善境界；若作聖解，即受群邪。

又以此心成就清淨，淨心功極。忽見大地、十方山河皆成佛國，具足七寶，光明徧滿。又見恆沙諸佛如來徧滿空界，樓殿華麗。下見地獄，上觀天宮，得無障礙。

此名欣厭，凝想日深，想久化成，非為聖證。不作聖心，名善境界；若作聖解，即受群邪。

又以此心研究深遠，忽於中夜，遙見遠方市井、街巷、親族、眷屬；或聞其語。此名迫心，逼極飛出，故多隔見，非為聖證。不作聖心，名善境界；若作聖解，即受群邪。

又以此心研究精極，見善知識形體變移，少選無端種種遷改。此名邪心，含受魑魅（音只）；或遭天魔入其心腹，無端說法。通達妙義，非為聖證。不作聖心，魔事銷歇；若作聖解，即受群邪。

阿難，如是十種禪那現境，皆是色陰用心交互，故

現斯事。眾生頑迷，不自忖量，逢此因緣，迷不自識，謂言登聖；大妄語成，墮無間獄。汝等當依，如來滅後，於末法中宣示斯義，無令天魔得其方便，保持覆護，成無上道。

阿難，彼善男子修三摩提，奢摩他中色陰盡者，見諸佛心，如明鏡中顯現其像。若有所得，而未能用，猶如魘人，手足宛然，見聞不惑，心觸客邪而不能動。此則名為受陰區宇。若魘咎歇，其心離身，返觀其面，去住自由，無復留礙，名受陰盡。是人則能超越見濁。觀其所由，虛明妄想以為其本。

阿難，彼善男子當在此中得大光耀，其心發明，內

抑過分，忽於其處發無窮悲。如是乃至觀見蚊虻七猶如赤子，心生憐愍，不覺流淚。此名功用抑摧過越，悟則無咎，非為聖證。覺了不迷，久自銷歇。若作聖解，則有悲魔入其心腑，見人則悲，啼泣無限，失於正受，當從淪墜。

阿難，又彼定中諸善男子，見色陰銷，受陰明白，勝相現前，感激過分。忽於其中生無限勇，其心猛利，志齊諸佛，謂三僧祇一念能越。此名功用陵率過越。悟則無咎，非為聖證。覺了不迷，久自銷歇。若作聖解，則有狂魔入其心腑，見人則誇，我慢無比。其心乃至上不見佛，下不見人，失於正受，當從淪墜。

又彼定中諸善男子，見色陰銷，受陰明白，前無新證，歸失故居，智力衰微，入中隳地，迴無所見。心中忽然生大枯渴，於一切時沈憶不散，將此以為勤精進相。此名修心無慧自失。悟則無咎，非為聖證。若作聖解，則有憶魔入其心腑，旦夕撮心懸在一處，失於正受，當從淪墜。

又彼定中諸善男子，見色陰銷，受陰明白，慧力過定，失於猛利。以諸勝性懷於心中，自心已疑是盧舍那，得少為足。此名用心亡失恆審，溺於知見。悟則無咎，非為聖證。若作聖解，則有下劣易知足魔入其心腑，見人自言：「我得無上第一義諦」。失於正受，當從淪墜。

又彼定中諸善男子，見色陰銷，受陰明白，新證未獲，故心已亡，歷覽^{*}二際，自生艱險。於心忽然生無盡憂，如坐鐵床，如飲毒藥，心不欲活，常求於人令害其命，早取解脫。此名修行失於方便，悟則無咎，非為聖證。若作聖解，則有一分常憂愁魔入其心腑，手執刀劍，自割其肉，欣其捨壽。或常憂愁，走入山林，不耐見人。失於正受，當從淪墜。

又彼定中諸善男子，見色陰銷，受陰明白，處清淨中。心安隱後，忽然自有無限喜生，心中歡悅不能自止。此名輕安，無慧自禁。悟則無咎，非為聖證。若作聖解，則有一分好喜樂魔入其心腑，見人則笑，於衢路^{*}傍自歌

自舞，自謂已得無礙解脫。失於正受，當從淪墜。

又彼定中諸善男子，見色陰銷，受陰明白，自謂已足，忽有無端大我慢起。如是乃至慢與過慢，及慢過慢，或增上慢，或卑劣慢，一時俱發。心中尚輕十方如來，何況下位聲聞、緣覺。此名見勝，無慧自救。悟則無咎，非為聖證。若作聖解，則有一分大我慢魔入其心腑，不禮塔廟，摧毀經像，謂檀越言：此是金銅或是土木，經是樹葉或是之世氎華，肉身真常不自恭敬，卻崇土木，實為顛倒。其深信者，從其毀碎，埋棄地中；疑誤眾生入無間獄。失於正受，當從淪墜。

又彼定中諸善男子，見色陰銷，受陰明白，於精明

中圓悟精理，得大隨順。其心忽生無量輕安，已言成聖，得大自在。此名因慧獲諸輕清。悟則無咎，非為聖證。若作聖解，則有一分好輕清魔入其心腑，自謂滿足，更不求進。此等多作無聞比丘，疑誤眾生墮阿鼻獄。失於正受，當從淪墜。

又彼定中諸善男子，見色陰銷，受陰明白，於明悟中得虛明性。其中忽然歸向永滅，撥無因果，一向入空。空心現前，乃至心生長斷滅解。悟則無咎，非為聖證。若作聖解，則有空魔入其心腑，乃謗持戒名為小乘，菩薩悟空有何持犯？其人常於信心檀越，飲酒噉肉，廣行姪穢。因魔力故，攝其前人不生疑謗。鬼心久入，或食

屎尿與酒肉等，一種俱空。破佛律儀，誤入人罪。失於正受，當從淪墜。

又彼定中諸善男子，見色陰銷，受陰明白，味其虛明，深入心骨。其心忽有無限愛生，愛極發狂，便為貪欲。此名定境安順入心，無慧自持，誤入諸欲。悟則無咎，非為聖證。若作聖解，則有欲魔入其心腑，一向說欲為菩提道，化諸白衣平等行欲；其行姪者，名持法子。神鬼力故，於末世中攝其凡愚，其數至百，如是乃至一百二百，或五六百，多滿千萬。魔心生厭，離其身體，威德既無，陷於王難。疑誤眾生入無間獄；失於正受，當從淪墜。

阿難，如是十種禪那現境，皆是受陰用心交互，故現斯事。眾生頑迷，不自忖量，逢此因緣，迷不自識，謂言登聖，大妄語成，墮無間獄。汝等亦當將如來語，於我滅後傳示末法，徧令眾生開悟斯義，無令天魔得其方便，保持覆護，成無上道。

阿難，彼善男子修三摩提，受陰盡者，雖未漏盡，心離其形，如鳥出籠，已能成就。從是凡身上歷菩薩六十聖位，得意生身，隨往無礙。譬如有人熟寐寤言，是人雖則無別所知，其言已成音韻倫次，令不寐者咸悟其語。此則名為想陰區宇。若動念盡，浮想銷除，於覺明心如去塵垢，一倫生死首尾圓照，名想陰盡。是人則能

超煩惱濁。觀其所由，融通妄想以為其本。

阿難，彼善男子受陰虛妙，不遭邪慮，圓定發明。三摩地中心愛圓明，銳其精思，貪求善巧。爾時，天魔候得其便，飛精附人，口說經法。其人不覺是其魔著，自言謂得無上涅槃。來彼求巧善男子處，敷座說法。其形斯須或作比丘，令彼人見，或為帝釋，或為婦女，或比丘尼，或寢暗室，身有光明。是人愚迷，惑為菩薩，信其教化，搖盪其心，破佛律儀，潛行貪欲。口中好言災祥變異，或言如來某處出世，或言劫火，或說刀兵，恐怖於人，令其家資無故耗散。此名怪鬼年老成魔，惱亂是人。厭足心生，去彼人體，弟子與師俱陷王難。汝

當先覺，不入輪迴；迷惑不知，墮無間獄。

阿難，又善男子受陰虛妙，不遭邪慮，圓定發明。三摩地中心愛遊蕩，飛其精思，貪求經歷。爾時，天魔候得其便，飛精附人，口說經法。其人亦不覺知魔著，亦言自得無上涅槃。來彼求遊善男子處，敷座說法。自形無變，其聽法者，忽自見身坐寶蓮華，全體化成紫金光聚。一眾聽人各各如是，得未曾有。是人愚迷，惑為菩薩，婬逸其心，破佛律儀，潛行貪欲。口中好言諸佛應世，某處某人當是某佛化身來此，某人即是某菩薩等來化人間。其人見故，心生傾渴，邪見密興，種智銷滅。此名魘^ウ鬼年老成魔，惱亂是人。厭足心生，去彼人體，

弟子與師俱陷王難。汝當先覺，不入輪迴；迷惑不知，墮無間獄。

又善男子受陰虛妙，不遭邪慮，圓定發明。三摩地中心愛綿溜，澄其精思，貪求契合。爾時，天魔候得其便，飛精附人，口說經法。其人實不覺知魔著，亦言自得無上涅槃。來彼求合善男子處，敷座說法。其形及彼聽法之人，外無遷變。令其聽者未聞法前，心自開悟，念念移易；或得宿命，或有他心，或見地獄，或知人間好惡諸事，或口說偈，或自誦經，各各歡娛，得未曾有。是人愚迷，惑為菩薩，綿愛其心，破佛律儀，潛行貪欲。口中好言佛有大小，某佛先佛，某佛後佛，其中亦有真

佛假佛，男佛女佛，菩薩亦然。其人見故，洗滌本心，易入邪悟。此名魅鬼只年老成魔，惱亂是人。厭足心生，去彼人體，弟子與師俱陷王難。汝當先覺，不入輪迴；迷惑不知，墮無間獄。

又善男子受陰虛妙，不遭邪慮，圓定發明。三摩地中心愛根本，窮覽物化性之終始，精爽其心，貪求辨析。爾時，天魔候得其便，飛精附人，口說經法。其人先不覺知魔著，亦言自得無上涅槃。來彼求元善男子處，敷座說法。身有威神摧伏求者，令其座下雖未聞法，自然心伏。是諸人等，將佛涅槃菩提法身，即是現前我肉身上。父父子子遞代相生，即是法身常住不絕。都指現在

即為佛國，無別淨居及金色相。其人信受亡失先心，身命歸依，得未曾有。是等愚迷，惑為菩薩，推究其心，破佛律儀，潛行貪欲。口中好言：眼耳鼻舌皆為淨土，男女二根即是菩提涅槃真處。彼無知者信是穢言。此名蠱毒、魘勝惡鬼，年老成魘，惱亂是人。厭足心生，去彼人體，弟子與師俱陷王難。汝當先覺，不入輪迴；迷惑不知，墮無間獄。

又善男子受陰虛妙，不遭邪慮，圓定發明。三摩地中心愛懸應，周流精研，貪求冥感。爾時，天魔候得其便，飛精附人，口說經法。其人元不覺知魔著，亦言自得無上涅槃。來彼求應善男子處，敷座說法。能令聽眾

暫見其身如百千歲，心生愛染不能捨離，身為奴僕，四事供養不覺疲勞。各各令其座下人心，知是先師本善知識，別生法愛，粘ㄓㄨㄢˋ如膠漆，得未曾有。是人愚迷，惑為菩薩，親近其心，破佛律儀，潛行貪欲。口中好言，我於前世於某生中，先度某人，當時是我妻妾兄弟，今來相度與汝相隨，歸某世界供養某佛。或言別有大光明天，佛於中住，一切如來所休居地。彼無知者，信是虛誑，遺失本心。此名癘ㄉㄨㄛˋ鬼年老成魔，惱亂是人。厭足心生，去彼人體，弟子與師俱陷王難。汝當先覺，不入輪迴；迷惑不知，墮無間獄。

又善男子受陰虛妙，不遭邪慮，圓定發明。三摩地

中心愛深入，尅己辛勤，樂處陰寂，貪求靜謐。爾時，天魔候得其便，飛精附人，口說經法。其人本不覺知魔著，亦言自得無上涅槃。來彼求陰善男子處，敷座說法，令其聽人各知本業。或於其處語一人言，汝今未死已作畜生；不敕使一人於後踏尾，頓令其人起不能得。於是一眾傾心欽伏。有人起心，已知其肇。佛律儀外，重加精苦。誹謗比丘，罵詈徒眾，久訐露人事，不避譏嫌。口中好言未然禍福，及至其時，毫髮無失。此大力鬼年老成魔，惱亂是人。厭足心生，去彼人體，弟子與師俱陷王難。汝當先覺，不入輪迴；迷惑不知，墮無間獄。

又善男子受陰虛妙，不遭邪慮，圓定發明。三摩地

中心愛知見，勤苦研尋，貪求宿命。爾時，天魔候得其便，飛精附人，口說經法。其人殊不覺知魔著，亦言自得無上涅槃。來彼求知善男子處，敷座說法。是人無端於說法處得大寶珠。其魔或時化為畜生，口銜其珠，及雜珍寶、簡冊、符牘^呪、諸奇異物；先授彼人，後著其體。或誘聽人，藏於地下有明月珠，照耀其處，是諸聽者得未曾有。多食藥草，不餐嘉饌；或時日餐一麻一麥，其形肥充，魔力持故。誹謗比丘，罵詈^呪徒眾，不避譏嫌。口中好言他方寶藏，十方聖賢潛匿之處；隨其後者，往往見有奇異之人。此名山林、土地城隍、川嶽鬼神，年老成魔。或有宣姪，破佛戒律，與承事者潛行五欲。或

有精進，純食草木，無定行事，惱亂是人。厭足心生，去彼人體，弟子與師多陷王難。汝當先覺，不入輪迴；迷惑不知，墮無間獄。

又善男子受陰虛妙，不遭邪慮，圓定發明。三摩地中心愛神通種種變化，研究化元，貪取神力。爾時，天魔候得其便，飛精附人，口說經法。其人誠不覺知魔著，亦言自得無上涅槃。來彼求通善男子處，敷座說法。是人或復手執火光，手撮其光，支分分於所聽四眾頭上，是諸聽人頂上火光皆長數尺，亦無熱性曾不焚燒。或水上行如履平地；或於空中安坐不動；或入瓶內，或處囊中，越牖透垣，支分曾無障礙。唯於刀兵不得自在。自言是佛，

身著白衣受比丘禮。誹謗禪律，罵詈徒眾，訐露人事，不避譏嫌。口中常說神通自在。或復令人傍見佛土；鬼力惑人，非有真實。讚歎行姪，不毀麤行，將諸猥^{スレ}媠^{トセ}以為傳法。此名天地大力山精、海精、風精、河精、土精，一切草木積劫精魅，或復龍魅，或壽終仙，再活為魅，或仙期終，計年應死，其形不化，他怪所附，年老成魔，惱亂是人。厭足心生，去彼人體，弟子與師多陷王難。汝當先覺，不入輪迴；迷惑不知，墮無間獄。

又善男子受陰虛妙，不遭邪慮，圓定發明。三摩地中心愛入滅，研究化性，貪求深空。爾時，天魔候得其便，飛精附人，口說經法。其人終不覺知魔著，亦言自

得無上涅槃。來彼求空善男子處，敷座說法。於大眾內，其形忽空，眾無所見；還從虛空突然而出，存沒自在。或現其身洞如瑠璃，或垂手足作旃檀氣，或大小便如厚石蜜。誹毀戒律，輕賤出家。口中常說無因無果，一死永滅，無復後身及諸凡聖。雖得空寂，潛行貪欲，受其欲者亦得空心，撥無因果。此名日月薄蝕精氣、金玉芝草、麟鳳龜鶴，經千萬年不死為靈，出生國土，年老成魔，惱亂是人。厭足心生，去彼人體，弟子與師多陷王難。汝當先覺，不入輪迴；迷惑不知，墮無間獄。

又善男子受陰虛妙，不遭邪慮，圓定發明。三摩地中心愛長壽，辛苦研幾，貪求永歲，棄分段生，頓希變

易，細相常住。爾時，天魔候得其便，飛精附人，口說經法。其人竟不覺知魔著，亦言自得無上涅槃。來彼求生善男子處，敷座說法。好言他方往還無滯，或經萬里瞬息再來，皆於彼方取得其物。或於一處，在一宅中，數步之間，令其從東詣至西壁，是人急行，累年不到；因此心信，疑佛現前。口中常說十方眾生皆是吾子。我生諸佛，我出世界，我是元佛，出世自然，不因修得。此名住世自在天魔，使其眷屬，如遮文茶、及四天王毗舍童子，未發心者，利其虛明，食彼精氣。或不因師，其修行人，親自觀見稱執金剛，與汝長命。現美女身，盛行貪欲；未逾年歲，肝腦枯竭。口兼獨言，聽若妖魅。

前人未詳，多陷王難；未及遇刑，先已乾死。惱亂彼人，以至殞殞^{支以}。汝當先覺，不入輪迴；迷惑不知，墮無間獄。阿難當知，是十種魔於末世時，在我法中，出家修道，或附人體，或自現形，皆言已成正徧知覺。讚歎姪欲，破佛律儀。先惡魔師與魔弟子，姪姪相傳。如是邪精魅其心腑，近則九生，多逾百世，令真修行總為魔眷，命終之後必為魔民，失正徧知，墮無間獄。

汝今未須先取寂滅，縱得無學，留願入彼末法之中，起大慈悲，救度正心深信眾生，令不著魔，得正知見。我今度汝，已出生死，汝遵佛語，名報佛恩。

阿難，如是十種禪那現境，皆是想陰用心交互，故

現斯事。眾生頑迷，不自忖量，逢此因緣，迷不自識，謂言登聖，大妄語成，墮無間獄。汝等必須將如來語，於我滅後傳示末法，徧令眾生開悟斯義，無令天魔得其方便，保持覆護，成無上道。

大佛頂如來密因修證了義諸菩薩萬行首楞嚴經
卷第九

大佛頂如來密因修證了義諸菩薩萬行首楞嚴經 卷第十

阿難，彼善男子修三摩提，想陰盡者，是人平常夢想銷滅，寤寐恆一，覺明虛靜，猶如晴空，無復麤重前塵影事。觀諸世間大地山河，如鏡鑑明，來無所黏，過無蹤跡，虛受照應，了罔陳習，唯一精真。生滅根元，從此披露，見諸十方十二眾生，畢殫勿其類。雖未通其各命由緒，見同生基猶如野馬，熠一熠清擾，為浮根塵究竟樞穴。此則名為行陰區宇。若此清擾熠一熠元性，性入元澄，一澄元習，如波瀾滅，化為澄水，名行陰盡。是人則能超眾生濁。觀其所由，幽隱妄想以為其本。

阿難當知，是得正知奢摩他中諸善男子，凝明正心，十類天魔不得其便，方得精研窮生類本。於本類中生元露者，觀彼幽清圓擾動元，於圓元中起計度者，是人墜入二無因論。一者、是人見本無因。何以故？是人既得生機全破，乘於眼根八百功德，見八萬劫所有眾生業流灣環，死此生彼。祇見眾生輪迴其處，八萬劫外冥無所觀，便作是解：此等世間十方眾生，八萬劫來，無因自有。由此計度，亡正徧知，墮落外道，惑菩提性。

二者、是人見末無因。何以故？是人於生既見其根，知人生人，悟鳥生鳥，鳥從來黑，鵠く從來白，人天本豎，畜生本橫，白非洗成，黑非染造。從八萬劫無復

改移，今盡此形亦復如是。而我本來不見菩提，云何更有成菩提事？當知今日一切物象，皆本無因。由此計度，亡正徧知，墮落外道，惑菩提性，是則名為第一外道，立無因論。

阿難，是三摩中諸善男子，凝明正心，魔不得便。窮生類本，觀彼幽清常擾動元，於圓常中起計度者，是人墜入四徧常論。一者、是人窮心境性，二處無因。修習能知二萬劫中十方眾生所有生滅，咸皆循環，不曾散失，計以為常。二者、是人窮四大元，四性常住。修習能知四萬劫中十方眾生所有生滅，咸皆體恆，不曾散失，計以為常。三者、是人窮盡六根末那執受，心意識

中，本元由處，性常恆故。修習能知八萬劫中一切眾生，循環不失，本來常住，窮不失性，計以為常。四者、是人既盡想元，生理更無流止運轉，生滅想心今已永滅，理中自然成不生滅。因心所度，計以為常。由此計常，亡正徧知，墮落外道，惑菩提性，是則名為第二外道，立圓常論。

又三摩中諸善男子，堅凝正心，魔不得便。窮生類本，觀彼幽清常擾動元，於自他中起計度者，是人墜入四顛倒見，一分無常，一分常論。一者、是人觀妙明心徧十方界，湛然以為究竟神我。從是則計我徧十方，凝明不動。一切眾生，於我心中自生自死。則我心性名之

為常；彼生滅者，真無常性。二者、是人_不觀其心，徧觀十方恆沙國土。見劫壞處，名為究竟無常種性；劫不壞處，名究竟常。三者、是人_別觀我心，精細微密猶如微塵，流轉十方，性無移改，能令此身即生即滅。其不壞性，名我性常；一切死生從我流出，名無常性。四者、是人_知想陰盡，見行陰流。行陰常流，計為常性；色受想等，今已滅盡，名為無常。由此計度一分無常一分常故，墮落外道，惑菩提性，是則名為第三外道，一分常論。

又三摩中諸善男子，堅凝正心，魔不得便。窮生類本，觀彼幽清常擾動元，於分位中生計度者，是人墜入

四有邊論。一者、是人心計生元流用不息。計過未者，名為有邊；計相續心，名為無邊。二者、是人觀八萬劫，則見眾生；八萬劫前，寂無聞見。無聞見處，名為無邊；有眾生處，名為有邊。三者、是人計我徧知，得無邊性。彼一切人現我知中，我曾不知彼之知性，名彼不得無邊之心，但有邊性。四者、是人窮行陰空，以其所見心路籌度，一切眾生一身之中，計其咸皆半生半滅。明其世界一切所有，一半有邊，一半無邊。由此計度有邊無邊，墮落外道，惑菩提性，是則名為第四外道，立有邊論。

又三摩中諸善男子，堅凝正心，魔不得便。窮生類本，觀彼幽清常擾動元，於知見中生計度者，是人墜入

四種顛倒、不死矯亂以公，徧計虛論。一者、是人觀變化元。見遷流處，名之為變；見相續處，名之為恆。見所見處，名之為生；不見見處，名之為滅。相續之因，性不斷處，名之為增；正相續中，中所離處，名之為減。各各生處，名之為有；互互*亡處，名之為無。以理都觀，用心別見。有求法人，來問其義，答言：我今亦生亦滅，亦有亦無，亦增亦減。於一切時皆亂其語，令彼前人遺失章句。二者、是人諦觀其心，互互無處，因無得證。有人來問，唯答一字，但言其無。除無之餘，無所言說。三者、是人諦觀其心，各各有處，因有得證。有人來問，唯答一字，但言其是。除是之餘，無所言說。四者、是人無

俱見，其境枝故，其心亦亂。有人來問，答言：亦有即是亦無，亦無之中不是亦有。一切矯亂，無容窮詰。由此計度，矯亂虛無，墮落外道，惑菩提性，是則名為第五外道，四顛倒性、不死矯亂，徧計虛論。

又三摩中諸善男子，堅凝正心，魔不得便。窮生類本，觀彼幽清常擾動元，於無盡流生計度者，是人墜入死後有相，發心顛倒。或自固身，云色是我；或見我圓，含徧國土，云我有色；或彼前緣隨我迴復，云色屬我；或復我依行中相續，云我在色。皆計度言死後有相；如是循環，有十六相。從此或計畢竟煩惱，畢竟菩提，兩性並驅，各不相觸。由此計度死後有故，墮落外道，惑

菩提性，是則名為第六外道，立五陰中死後有相，心顛倒論。

又三摩中諸善男子，堅凝正心，魔不得便。窮生類本，觀彼幽清常擾動元，於先除滅色受想中，生計度者，是人墜入死後無相，發心顛倒。見其色滅，形無所因；觀其想滅，心無所繫；知其受滅，無復連綴。陰性銷散，縱有生理，而無受想，與草木同。此質現前猶不可得，死後云何更有諸相？因之勘校，死後相無，如是循環，有八無相。從此或計涅槃因果，一切皆空，徒有名字，究竟斷滅。由此計度死後無故，墮落外道，惑菩提性，是則名為第七外道，立五陰中死後無相，心顛倒論。

又三摩中諸善男子，堅凝正心，魔不得便。窮生類本，觀彼幽清常擾動元，於行存中，兼受想滅，雙計有無，自體相破，是人墜入死後俱非，起顛倒論。色受想中，見有非有；行遷流內，觀無不無。如是循環，窮盡陰界，八俱非相，隨得一緣，皆言死後有相無相。又計諸行性遷訛故，心發通悟，有無俱非，虛實失措。由此計度死後俱非，後際昏瞢，無可道故，墮落外道，惑菩提性，是則名為第八外道，立五陰中死後俱非，心顛倒論。

又三摩中諸善男子，堅凝正心，魔不得便。窮生類本，觀彼幽清常擾動元，於後後無生計度者，是人墜入

七斷滅論。或計身滅，或欲盡滅，或苦盡滅，或極樂滅，或極捨滅。如是循環，窮盡七際，現前銷滅，滅已無復。由此計度死後斷滅，墮落外道，惑菩提性，是則名為第九外道，立五陰中死後斷滅，心顛倒論。

又三摩中諸善男子，堅凝正心，魔不得便。窮生類本，觀彼幽清常擾動元，於後後有生計度者，是人墜入五涅槃論。或以欲界為正轉依，觀見圓明生愛慕故；或以初禪，性無憂故；或以二禪，心無苦故；或以三禪，極悅隨故；或以四禪，苦樂二亡，不受輪迴生滅性故。迷有漏天，作無為解；五處安隱，為勝淨依。如是循環，五處究竟。由此計度五現涅槃，墮落外道，惑菩提性，

是則名為第十外道，立五陰中五現涅槃，心顛倒論。

阿難，如是十種禪那狂解，皆是行陰用心交互，故現斯悟。眾生頑迷，不自忖量，逢此現前，以迷為解，自言登聖，大妄語成，墮無間獄。汝等必須將如來語，於我滅後，傳示末法，徧令眾生覺了斯義，無令心魔自起深孽。保持覆護，銷息邪見，教其身心開覺真義，於無上道不遭歧歧。勿令心祈得少為足，作大覺王清淨標指。

阿難，彼善男子修三摩提，行陰盡者，諸世間性幽清擾動，同分生機_{尸交}條然隳裂_反，沈細綱紐，補特伽羅_酬業深脈，感應懸絕。於涅槃天將大明悟，如雞後鳴，瞻顧

東方，已有精色。六根虛靜，無復馳逸，內外湛明，入無所入。深達十方十二種類受命元由。觀由執元，諸類不召，於十方界已獲其同。精色不沈，發現幽秘。此則名為識陰區宇。若於群召已獲同中，銷磨六門，合開成就，見聞通鄰，互用清淨；十方世界及與身心，如吠瑠璃，內外明徹，名識陰盡。是人則能超越命濁。觀其所由，罔象虛無，顛倒妄想以為其本。

阿難當知，是善男子窮諸行空，於識還元，已滅生滅，而於寂滅精妙未圓。能令己身根隔合開，亦與十方諸類通覺，覺知通_ス胞，能入圓元。若於所歸，立真常因，生勝解者，是人則墮因所因執；娑毗迦羅所歸冥諦，成

其伴侶。迷佛菩提，亡失知見，是名第一立所得心，成所歸果。違遠圓通，背涅槃城，生外道種。

阿難，又善男子窮諸行空，已滅生滅，而於寂滅精妙未圓。若於所歸覽為自體，盡虛空界十二類內所有眾生，皆我身中一類流出。生勝解者，是人則墮能非能執；摩醯首羅現無邊身，成其伴侶。迷佛菩提，亡失知見，是名第二立能為心，成能事果。違遠圓通，背涅槃城，生大慢天我徧圓種。

又善男子窮諸行空，已滅生滅，而於寂滅精妙未圓。若於所歸有所歸依，自疑身心從彼流出，十方虛空咸其生起，即於都起所宣流地，作真常身無生滅解。在

生滅中，早計常住，既惑不生，亦迷生滅，安住沈迷。生勝解者，是人則墮常非常執；計自在天成其伴侶。迷佛菩提，亡失知見，是名第三立因依心，成妄計果。違遠圓通，背涅槃城，生倒圓種。

又善男子窮諸行空，已滅生滅，而於寂滅精妙未圓。若於所知，知徧圓故，因知立解，十方草木皆稱有情，與人無異。草木為人，人死還成十方草樹，無擇徧知。生勝解者，是人則墮知無知執；婆吒_{此工母}覈尼執一切覺，成其伴侶。迷佛菩提，亡失知見，是名第四計圓知心，成虛謬果。違遠圓通，背涅槃城，生倒知種。

又善男子窮諸行空，已滅生滅，而於寂滅精妙未

圓。若於圓融，根互用中已得隨順，便於圓化一切發生，求火光明，樂水清淨，愛風周流，觀塵成就。各各崇事，以此群塵，發作本因，立常住解，是人則墮生無生執。諸迦葉波並婆羅門，勤心役身，事火崇水，求出生死，成其伴侶。迷佛菩提，亡失知見，是名第五計著崇事，迷心從物，立妄求因，求妄冀果。違遠圓通，背涅槃城，生顛化種。

又善男子窮諸行空，已滅生滅，而於寂滅精妙未圓。若於圓明，計明中虛，非滅群化，以永滅依為所歸依。生勝解者，是人則墮歸無歸執；無想天中諸舜若多，成其伴侶。迷佛菩提，亡失知見，是名第六圓虛無心，

成空亡果。違遠圓通，背涅槃城，生斷滅種。

又善男子窮諸行空，已滅生滅，而於寂滅精妙未圓。若於圓常，固身常住，同於精圓，長不傾逝。生勝解者，是人則墮貪非貪執；諸阿斯陀求長命者，成其伴侶。迷佛菩提，亡失知見，是名第七執著命元，立固妄因，趣長勞果。違遠圓通，背涅槃城，生妄延種。

又善男子窮諸行空，已滅生滅，而於寂滅精妙未圓。觀命互通，卻留塵勞，恐其銷盡，便於此際坐蓮華宮，廣化七珍，多增寶媛，恣縱其心。生勝解者，是人則墮真無真執；吒^𠵼𠵼^𠵼迦羅成其伴侶。迷佛菩提，亡失知見，是名第八發邪思因，立熾塵果。違遠圓通，背涅槃

城，生天魔種。

又善男子窮諸行空，已滅生滅，而於寂滅精妙未圓。於命明中分別精麤，疏決真偽，因果相酬，唯求感應，背清淨道。所謂見苦斷集，證滅修道，居滅已休，更不前進。生勝解者，是人則墮定性聲聞；諸無聞僧，增上慢者，成其伴侶。迷佛菩提，亡失知見，是名第九圓精應心，成趣寂果。違遠圓通，背涅槃城，生纏空種。又善男子窮諸行空，已滅生滅，而於寂滅精妙未圓。若於圓融，清淨覺明，發研深妙，即立涅槃，而不前進。生勝解者，是人則墮定性辟支；諸緣獨倫不迴心者，成其伴侶。迷佛菩提，亡失知見，是名第十圓覺心胎。

心，成湛明果。違遠圓通，背涅槃城，生覺圓明不化圓種。

阿難，如是十種禪那，中途成狂，因依迷惑，於未足中生滿足證，皆是識陰用心交互，故生斯位。眾生頑迷，不自忖量，逢此現前，各以所愛先習迷心，而自休息，將為畢竟所歸寧地，自言滿足無上菩提，大妄語成。外道邪魔，所感業終，墮無間獄；聲聞、緣覺不成增進。汝等存心秉如來道，將此法門於我滅後，傳示末世，普令眾生覺了斯義，無令見魔自作沈孽。保綏氣哀救，銷息邪緣，令其身心入佛知見，從始成就，不遭歧路。如是法門，先過去世恆沙劫中，微塵如來乘此心開，得

無上道。

識陰若盡，則汝現前諸根互用；從互用中，能入菩薩金剛乾慧，圓明精心於中發化，如淨瑠璃內含寶月。如是乃超十信、十住、十行、十迴向、四加行心、菩薩所行金剛十地，等覺圓明，入於如來妙莊嚴海，圓滿菩提，歸無所得。此是過去先佛世尊，奢摩他中，毗婆舍那，覺明分析微細魔事。魔境現前，汝能諳識，心垢洗除，不落邪見。陰魔銷滅，天魔摧碎，大力鬼神褫魄逃逝，魑魅魍魎無復出生。直至菩提，無諸少乏，下劣增進，於大涅槃心不迷悶。

若諸末世愚鈍眾生，未識禪那，不知說法，樂修三

昧，汝恐同邪，一心勸令持我佛頂陀羅尼咒。若未能誦，寫於禪堂，或帶身上，一切諸魔所不能動。汝當恭欽十方如來究竟修進、最後垂範。

阿難即從座起，聞佛示誨，頂禮欽奉，憶持無失，於大眾中重復白佛：如佛所言：五陰相中，五種虛妄為本想心。我等平常未蒙如來微細開示。又此五陰，為併銷除？為次第盡？如是五重，詣何為界？惟願如來發宣大慈，為此大眾清淨心目，以為末世一切眾生作將來眼。

佛告阿難：精真妙明，本覺圓淨，非留生死及諸塵垢，乃至虛空，皆因妄想之所生起。斯元本覺，妙明精真，妄以發生諸器世間，如演若達多迷頭認影。妄元無

因，於妄想中立因緣性，迷因緣者稱為自然。彼虛空性猶實幻生；因緣、自然，皆是眾生妄心計度。

阿難，知妄所起，說妄因緣。若妄元無，說妄因緣，元無所有。何況不知，推自然者？是故如來與汝發明，五陰本因同是妄想。

汝體先因父母想生，汝心非想，則不能來想中傳命。如我先言：心想酢味，口中涎生；心想登高，足心酸起。懸崖不有，醋物未來，汝體必非虛妄通倫，口水如何因談酢出？是故當知，汝現色身，名為堅固第一妄想。即此所說，臨高想心，能令汝形真受酸澀。由因受生，能動色體。汝今現前順益違損，二現驅馳，名為虛

明第二妄想。

由汝念慮，使汝色身。身非念倫，汝身何因隨念所使，種種取像，心生形取，與念相應？寤即想心，寐為諸夢。則汝想念搖動妄情，名為融通第三妄想。

化理不住，運運密移，甲長髮生，氣銷容皺，日夜相代，曾無覺悟。阿難，此若非汝，云何體遷？如必是真，汝何無覺？則汝諸行念念不停，名為幽隱第四妄想。

又汝精明湛不搖處，名恆常者，於身不出見、聞、覺、知。若實精真，不容習妄。何因汝等曾於昔年覩一奇物，經歷年歲，憶忘俱無，於後忽然覆覩前異，記憶宛然，曾不遺失？則此精了湛不搖中，念念受熏，有何

籌算？

阿難當知：此湛非真。如急流水，望如恬靜，流急不見，非是無流。若非想元，寧受妄習？非汝六根互用開合，此之妄想無時得滅。故汝現在見、聞、覺、知，中串習幾，則湛了內，罔象虛無，第五顛倒微細精想。阿難，是五受陰，五妄想成。

汝今欲知因界淺深：惟色與空，是色邊際；惟觸及離，是受邊際；惟記與忘，是想邊際；惟滅與生，是行邊際；湛入合湛，歸識邊際。

此五陰元重疊生起，生因識有，滅從色除。理則頓悟，乘悟併銷。事非頓除，因次第盡。我已示汝劫波巾

結，何所不明，再此詢問？汝應將此妄想根元，心得開通，傳示將來末法之中諸修行者。令識虛妄，深厭自生，知有涅槃，不戀三界。

阿難，若復有人徧滿十方所有虛空，盈滿七寶，持以奉上微塵諸佛，承事供養，心無虛度。於意云何？是人以此施佛因緣，得福多不？阿難答言：虛空無盡，珍寶無邊。昔有眾生施佛七錢，捨身猶獲轉輪王位；況復現前虛空既窮，佛土充徧，皆施珍寶。窮劫思議尚不能及，是福云何更有邊際？佛告阿難：諸佛如來語無虛妄。若復有人身具四重、十波羅夷，瞬息即經此方、他方阿鼻地獄，乃至窮盡十方無間，靡不經歷；能以一念，

將此法門，於末劫中開示未學，是人罪障應念銷滅，變其所受地獄苦因，成安樂國。得福超越前之施人百倍、千倍、千萬億倍，如是乃至算數譬喻所不能及。

阿難，若有眾生能誦此經，能持此咒，如我廣說，窮劫不盡；依我教言，如教行道，直成菩提，無復魔業。佛說此經已，比丘、比丘尼、優婆塞、優婆夷，一切世間天、人、阿修羅，及諸他方菩薩，二乘、聖仙童子，並初發心大力鬼神，皆大歡喜，作禮而去。

大佛頂如來密因修證了義諸菩薩萬行首楞嚴經 卷第十

【迴向】

願以此功德
上報四重恩
若有見聞者
盡此一報身

莊嚴佛淨土
下濟三塗苦
悉發菩提心
同生極樂國

楞嚴經註解（以下註解，謹供參考）

卷一

「善超諸有」：這些大比丘都已經超越了三界（欲界、色界、無色界）諸有的生死。「妙堪遺囑」：能夠以勝妙的智慧接續完成佛陀度化眾生的囑咐。

「毗尼」：「毗尼耶」的略語，戒律的總稱。「塵累」：受到六塵（色、聲、香、味、觸、法）的負累。

「休夏自恣」：「恣」，任意。「休夏」，結夏。佛制每年四月十五日至七月十五日，比丘結夏安居，專心辦道，不外出行乞。結夏安居結束後，比丘們聚集檢討自己的缺

失，稱為「休夏自恣」。

「迦陵仙音」：「迦陵」，能發出美好音聲的鳥。在此比喻佛的法音讓聽者和雅喜悅。

「宮掖」：宮殿旁邊的房舍，稱為掖庭。

「阿闍黎」：對能矯正弟子行為，且為其軌範的高僧的尊稱。

「檀越」：布施的人，即施主。

「刹利」：「刹帝利」的略語，意為王種、尊貴者。

「旃陀羅」：以殺業為生或是從事低賤行業的人。

「開闡無遮」：佛陀開示闡明事理、法理、

佛理等，沒有預設的限制，究竟平等。

「娑毗迦羅」：黃髮外道。

「提獎」：提攜勸勉。

「奢摩他」：止息、得定。

「三摩」：「三摩地」的略語，三昧正定。

「麤濁」：即粗濁。

「兜羅綿手」：佛陀的手柔軟如兜羅綿。

「闍提隳彌戾車」：「闍提」，無善心、背離

佛法的人。「隳」：摧毀。「彌戾車」：惡知

見的人，不信佛法。讓無善心的人棄絕惡

知見，建立正知見。

「惡叉聚」：「惡叉」，印度一種樹名，果實

三粒一蒂。在此，比喻眾生的惑、業、苦

三者結為一體。

「矍然」：驚動的樣子。

「相想」：由外塵的相狀引發妄想。

「執慳」：「慳」，吝惜。吝惜不肯捨棄。

「窮露」：貧窮且得不到遮護。

「赭」：大紅色，這裡指佛身的金光赤燄。

「俶裝」：整裝。

「不遑」：無暇，沒有空閒。

「自無攸往」：「攸」，所也，代名詞或關係

詞。自然無所前往。

「新霽」：雨過天晴。

「清暘」：早晨的太陽。

「泊」：到，至。

卷二

「迦旃延」：與佛同時的外道，此外道妄計

一切眾生都是自在天所造。

「毗羅胝子」：外道名，意為不作。這些外道妄計無因果；與迦旃延一樣，都以斷見為宗。

「媵」：皮膚的紋理。

「耄」：年七十為耄。老年的通稱。

「一紀二紀」：每十二年、每二十四年。

「耆婆天」：「耆婆」意為長壽。帝釋左右常有十大天子，耆婆天是其中之一。

「末伽梨」：外道名，執取斷滅論，妄計眾生苦樂，皆無因無緣而生。

「母陀羅」：印也，結手印。

「瞪瞶」：目瞪口呆，迷悶不解。

「海潮音」：正如海潮，不違其時；正如海

潮，無緣大悲，沒有愛憎之別。

「浮漚」：水面的浮泡。

「瀛渤」：代表一切的海。

「拘舍離」：外道名，意為牛舍，妄執無因論，以為眾生八萬劫後，自然成道，不假修證。

「冥諦」：外道八萬劫以外，一切冥然莫辨，而誤以為是天地的源頭。

「鬱埵」：聚集的地氣與飛揚的塵土。

「紆」：環繞。

「澄霽斂氛」：雨過天晴，塵氛收斂。

「菴摩羅果」：意為天果。

「性汝不真，取我求實」：這個真性就是你的，你卻不認為它真是你的，而想從我的

言說得到證實。

「伽藍」：梵文僧伽藍若的簡稱，意為僧眾的庭園，引伸為寺院。

「挽」：拉長。

「小竇」：小孔。

「見必我真」：若是當下在我面前的見性是我的真性。

「彼見無別分辨我身」：在我面前的見性毫無分別功能，並不能辨別我的身。

「非無學者」是指那些還未證得「無學果」的人。聲聞乘四果中，前三果稱為有學，第四果也就是阿羅漢果，稱為「無學」。

「失其所守」：失去理據，而無所適從。

「憎」：懼也。

「誑」：欺騙。

「渺」，同鮮，少也。

「大陀羅尼」：總持之義，以一法總攝一切理，一切無所不持。

「東西括量」：東西南北都包括來計算，「南北」二字省略。

「暈適珮玦」：日旁有惡氣為「暈」，黑氣侵蝕日月為「適」，白氣圍繞日月為「珮」，日月四周有氣如玉環為「玦」。

「彗孛飛流」：有彗星或俗稱掃把星出現為「彗」；有凶星出現為「孛」；星光從東到西，或是從南到北絕跡而去為「飛」；星光從高下注為「流」。

「負耳虹蜺」：妖氣背負日月為「負」，近

於日月兩旁為「耳」，清晨出現於東方為

「虹」，黃昏出現於西方為「蜺」。

「進退合明」：演繹（進）、歸納（退）、歸結（合）、說明（明）。

「本覺明心，覺緣非眚」：本覺覺悟到能見所見都是妄緣，但它是妙明真心，永遠沒有毛病。

「覺所覺眚，覺非眚中」：若能察覺到自己妄覺的毛病，真覺就不會墜入妄覺中。

「故不名見」：這裡的「見」是妄見。見性無病，因此不叫妄見。

「則此暴流性應非水。有、所有相，今應現在」：暴流不是水的基本性能，凡屬於基本性能的，不論何時何地，都應該在眼前

呈現。

卷三

「畜」：收縮。

「舐」：舔。

「生住異滅，吸習中歸」：「生住異滅」是各種現象的四種階段：生起，暫住，變遷、滅失四個過程。「吸習中歸」：吸取現有的習性然後將其歸之於意念之中。

「吸撮內塵」：「撮」，取。色聲香味觸五塵位居身外，而意根所吸取的是內心生滅的法塵，故為「吸撮內塵」。

「流不及地」：前五根所對應的五塵都在外境，五根對外攝取塵緣，稱做是順流；而意根吸取身內的法塵，叫做逆流。因為法

塵起滅，若有若無，沒有實質的相狀，所以說「流不及地」。

「預於」：參預、相干。

「噉」：吃，同「啖」字。

「嘗」：同「嗜」字。

「無記」：不能記於善，也不能記於惡，非善非惡。

「合則中離，離則兩合」：合則中間有離縫，離則一半要與眼合，一半要與色合。

「聞則同聲，識已被聞，誰知聞識？」：假如能聽到耳識，耳識就等同於聲音。既然耳識已經是被聽聞的對象，是接受聽聞的客體，那我們還能用什麼主體去辨識這個客體？

「以空為知」：「空」，鼻子的中空處。

「因香有故，應不知香」：能發出香氣的聞不到自己的香氣。

「即觸非身，即身非觸」：若覺知者是觸感，身體就不可能覺知；反之，若身體是覺知的主體，觸感就只能覺知的客體。

「法法何狀？」：這裡第一個「法」是法塵，第二個「法」是方法、方式。整句是：法塵以什麼方法或是方式呈現？

「生則色空諸法等生；滅則色空諸法等滅。」：這兩句都沒有主詞，但因為是前面文字的延伸，所以主詞就是「法塵」。表面的句型似乎是「法塵生了，其他各種法也就生」，但仔細推敲文意，法塵攝受的是五

塵留在意念中的影子，因此真正的意涵是：「法塵能生，是因為其他各種法生」。

「麤」：同「粗」字。

「微塵，極微塵，鄰虛塵」：微塵分為七等分，而成為七份的極微塵；極微塵分成七等分，而成為七份的鄰虛塵。鄰虛塵已經接近於空無。

「陽燧」：取火的聚光鏡。

「迦毗羅」：黃髮外道或金髮外道，古印度外道師名，數論派之祖。

「斫迦羅」：輪也。經文指的是圓輪外道，善幻術。

「鉢頭摩」：蓮花。經文指的是常居於蓮花池的外道，善幻術。

「訶薩多」：意為海水，指拜水外道。

「方諸」：水精珠，取水珠。

「天陟」：在天上行走。

「僧伽梨」：為比丘三衣之一；入王宮、乞食說法所穿的衣服。

「毗舍」：商賈階級。

「首陀」：農人。

「頗羅墮」：六藝百工。

「元無異因」：本質即相同。

「明暗相背，云何或同？離三元無，云何或異？」：「或同」意謂一體，「或異」意謂非一體。整句是明暗性質相反，明時無暗，暗時無明，見精怎麼可能和它們同為一體？「離三元無，云何或異？」：這裡的文

字有省略。「離三元無」的意思是：離開明、

暗、空的現象，見精就不起作用，等同於

無；之後，省略了「既已成無」。也就是說，

既然見精已經沒有了，還有必要去比較見

精和三者是一體還是非一體嗎？

「見暗見明，性非遷改，云何非異？」：見

暗或是見明時，見精都不會隨著明暗的變

化而變化；既然這樣，見精與明、見精與

暗，兩者怎麼可能沒有差異？隨著變化而

變化才能保持同，不隨著變化便顯現異。

「僧祇」：即阿僧祇，意為無量大。

「取泥洹」：入涅槃。

「舜若多」：空，虛空，虛空性。

「爍迦羅」：金剛，堅固之意。

卷四

「紆」：纏繞不去。

「阿練若」：寂靜處。也翻譯為「阿蘭若」。

「覺明」：性覺妙明，本覺明妙。

「覺非所明，因明立所」：第一句「覺非所

明」：本覺並非是加明之後所明的境界。第

二句「因明立所」中的「明」是加明之後

的妄明或是無明，整句的意思是：把妄明

或是無明所覺的當作是所明的境界。

「彼無同異，真有為法」：「無同異」即無

同無異，指的是十二類眾生身形各異，迥

異於虛空的同，但是這十二類眾生都有知

覺，迥異於現象世界的異。因此，無同無

異就是眾生相，是有為法中業報的顯現。

「潭」：沙洲。

「藪」：草原。

「絞」：絞榨壓取。

「覺明為咎」：這裡的「覺明」是覺上加明，或是自以為有所明。

「明理不踰」：所明的理體，不能踰越業相的範疇。

「羯羅藍」：胎兒受胎七日稱之。

「遏蒲曇」：胎兒受胎十四日稱之。

「化以離應」：化生者喜新厭舊，經常離此託彼。

「覺不生迷」：這裡的「覺」指的是本覺真體，覺悟的佛即是本覺真體，不可能生迷。

也就是說，諸佛不會再起無明，佛心中也

不可能再生出山河大地的有漏法。

「十方世界同為日色」：十方世界有無數億太陽，觀世音菩薩在本經中也說：「此三千大千世界百億日月」。因此，「十方世界同為日色」不能讀為一個太陽照遍十方世界，而是十方世界中任何一個世界裡，每個太陽照耀虛空時，都是如此的現象。

「檀那」：布施。

「尸羅」：持戒。

「毗黎耶」：精進。

「羼提」：忍辱。

「般刺若」：即般若，智慧也。

「波羅蜜多」：事究竟，或是到彼岸。

「怛闍阿竭」：如來，佛十號之一。

「阿羅訶」：應供，佛十號之一。

「三耶三菩」：又譯為三藐三菩提，無上正等正覺之意。

「無二圓滿」：一樣的圓滿。

「三緣斷故，三因不生」：「三緣」指殺、盜、婬。「三因不生」：也就是不隨相而分別世間、業果、眾生這三種相續的因，不再有法執與虛妄的分別心。

「劬勞肯綮」：「劬勞」，辛勞，勞苦。「肯綮」，筋肉相結的部位。何必勞苦筋骨，苦苦追索無明的源由。

「滅生俱盡，無功用道」：「滅生」，「滅」是動詞，滅除。「生」是生起的内容，名詞，包括生起「已經消除的生滅心」和生起「已

經有了菩提心」，兩者都滅盡。「無功用道」：不必為了達到某種目的而刻意為之的作為。

「汨然」：濁而亂的樣子。

「發業潤生」：「發業」，起惑造業。「潤生」，即潤生無明，指中陰身投胎時所起的愛憎無明之心。兩者合起來即是除了最初的一念無明之外，所有的起惑造業。

「三疊」：三重。

「得循圓通與不圓根，日、劫相倍」：若依循圓通根或是不圓根修行，兩者的功效與速度，正如一日與一劫的差距一樣。

「分劑頭數」：「分劑」，生、住、異、滅四相的分際與限度。「頭數」，生住異滅四相

中又各有四相，頭緒紛擾，數量龐雜。

「恬變」：「恬」，淡，意指無味。「變」，變遷，意指有味。

「庵摩羅識」：譯為白淨識，又名無垢識，是佛的果位，為佛所獨有。

「蒙愴」：昏朦並且執持不願捨棄。

「聞實云無，誰知無者？」：已經真的沒有聞性了，還有誰能知道沒有聲音？

「遍」：立即。

卷五

「真性有為空」：「真性」，真如自性，常住真心。真如自性所映現反襯的有為法，本質虛幻。本句一「空」兩用。一切有為法，緣生緣滅，畢竟空幻，反襯常住

真心的不生不滅，如虛空。

「猶非真非真」：既不是真，也不是非真。

「自心取自心，非幻成幻法」：第二個「自心」是心所緣的妄心。眾生顛倒，由境生心，把心所緣與所立的見當作自己的心，如此迷惑妄取，本非幻法也變成幻法。

「阿毗達磨」：「阿毗」，無比。「達磨」，法也。四個字合起來就是無比最勝法。

「祇夜伽陀」：「祇夜」，重頌。「伽陀」，孤起頌。佛經經常在散文文體的經文後，以偈頌的方式，再將前面經文的重點「重頌」一遍，以便於記憶；但是有時在「重頌」時，會出現一些新的內容，這些內容叫做「孤起頌」。以本卷「佛說偈」來說，

大部分的內容是前面經文的「重頌」，但是「陀那微細識，習氣成暴流」，「自心取自心，非幻成幻法」等句則是「孤起頌」。

「涅槃僧」：裏衣、內衣。

「劫波羅天」：即夜摩天，又譯為燄摩天。

「掣」：牽引；拉曳。

「鵠」：天鵝。

「解縈」：「縈」，纏結。解開纏結。

「何心何慮預佛天倫」：「預」，參預。

怎麼敢存心、怎麼敢想，成為佛的法眷？

「阿若多」：意為最初修證得解。

「優波尼沙陀」：意為色性空。

「路中」：有的版本是「中路」。

「從佛口生，從法化生」：《法華經》說：

菩薩是佛子，從佛口出，從法化生。

「性業遮業」：有些事本身即是罪過，如殺盜淫，謂之「性業」。有些事本身不是罪過，但能引人造惡，如喝酒葷食，謂之「遮業」。

「闐闐」：街道，街上的商店。

「入圓成實」：唯識學講一切法有三性：

一、依他起性，二、徧計所執性，三、圓成實性。「入圓成實」即是圓成實性，指一切法的自性若不依妄想分別而起徧計執，而且洞見一切依他所起的法本無自性，則當下見一切法本自圓成。

「遠離依他及徧計執」：「依他」，即「依他起性」，一切緣生之法本無自性，都是

依靠因緣和合。「偏計執」，即「偏計所執性」，基於依他起性之法，而生徧計執著、妄想分別。識性開顯，必然遠離這兩種性。

「香光莊嚴」：以佛法身的「香」與智慧的「光」莊嚴念佛人的本覺心佛。

卷六

「入流亡所」：「入流」，聞性之流，有別於聲塵之流的「出流」。以聞性的入流返聞自性，而讓所聽的聲塵消亡。

「盡聞不住」：「盡聞」，能聞與所聞都滅盡。「不住」，不住於，不留戀。聞根與聲塵都已經滅盡，但不貪著這樣的境界。

「剖斷」：剖析判斷各種訟案。

「命婦大家」：「命婦」，大臣的正配夫人，受朝廷之封誥。「大家」，對女子的尊稱。「藥叉」：意為捷行，勇健。有地形、空行、飛行三種。屬於鬼道，又稱速疾鬼。

「乾闥婆」：譯為尋香，為帝釋奏樂之神。「緊那羅」：譯為疑神。其形似人，頭有一角，見者生疑，故名；是帝釋的歌神。

「摩呼羅伽」：意為大蟒蛇。此類眾生，瞋恚心重，常傷人。

「我不自觀音」：觀世音菩薩觀音聲如幻，不被音塵所轉。

「羅刹」：食人鬼。

「鳩槃荼」：魘魅鬼，也是噉精氣鬼。

「毗舍遮」：噉精氣鬼。

「富單那」：臭惡鬼，主熱病鬼。

「阿顛迦」：意為無善心。

「心精遺聞」：「遺」，脫離。達到一心精明，而脫離能聞的根與所聞的塵。

「爍迦羅首」：「爍迦羅」，意為金剛輪。

「首」，身中最尊貴處，意謂法門的主體。

「元明照生所，所立照性亡」：「元明」，原本之妙明。原本妙明，但是妄起能照的功，而產生所照的景象。所照的景象事實上是虛妄的情境，一旦心中栽培了這樣的妄境，原本妙明的照性就亡失了。

「將聞持佛佛，何不自聞聞？」：「佛佛」，佛所說的佛法。「聞聞」，第一個聞是動詞，第二個聞是名詞。與其以聞性去聽聞佛所

說的佛法，不如反聞自己的聞性。

「摩登伽在夢，誰能留汝形？」：既然世間一切虛幻如夢，差點讓你破戒體的摩登伽女也是在夢中出現而已，她怎麼可能留難你夢中之外的身體？

「非是常修學」：「常」，有的版本是「長」。

「毗奈耶」：戒律。

「毳」：鳥獸的細毛。

「若身、身分」：「身分」，身體的一部分。若是身體與身體的一部分。

「該惑」：誘詐迷惑。

「恐令失心」：恐嚇讓對方喪失本心。

「假我衣服，裨販如來」：身著佛衣，販賣所謂的佛法而破壞佛法。

「卻非出家」：「非」，誹謗。

「長揖」：永遠辭別。

「是人於法」，這裡的「法」指法身。

「漏卮」：有漏洞的圓器。

「捶詈」：捶打怒罵。

「顛迦」：無信義、斷善根的人。

「多羅木」：又譯為「貝多羅樹」，這種樹

木的葉子可以用來寫經，稱為貝葉。

「如噬臍人」：正如果要咬自己肚臍的人，意

謂不可能。

卷七

「心三口四」：「心三」，心的三毒：貪、瞋、

痴。「口四」，口所犯的四個過錯：妄語、

兩舌、惡口、綺語。

「食其山中肥膩香草」：「食」，飼，餵食。

用山中肥膩香草餵飼白牛。

「藍地迦」：青面金剛。

「軍荼利」：五大明王之一，是南方寶生佛

的忿怒尊。

「毗俱胝」：是觀音示現的忿怒尊。

「頻那夜伽」：又譯為「毗那夜伽」，象頭

人身的鬼神，是護法神。

「迦吒富單那」：奇臭惡鬼。

「支提」：佛塔。

「脫闍」：寶幢。

「若魔、眷屬」：「魔」與「眷屬」之間加

頓號，指魔與魔眷屬兩者。

「非生、非住、非心、非法」：無明本無體，

由虛妄生，因此是「非生」。念念生滅，瞬間有無，無法安住，因此是「非住」。所見來自無明而非出自真心，因此是「非心」。所見的不是真法相，因此是「非法」。

「非因所因，無住所住」：這裡呼應前面的「非因所因，住所住相」，因此「因」的解釋仍然是「依恃」、「依靠」的意思，幕後的主詞是「無明、虛妄」。由於無明虛妄無體，不能依恃，也無所依恃，更不能安住。

「蔽尸」：軟肉。

「羯南」：眾、類。

「休咎精明」：「休」，吉。「咎」，凶。徵兆吉凶的各種精明。

「空散銷沈」：指無色界四空天（空處，識

處，無所有處，非想非非想處）天眾個別的四種顛倒。

「咒詛厭生」：隨著咒詛而顯靈異者，如仙、道；以及隨著魔禱而作怪者，如鬼神精怪。

「蒲盧」：一種細腰的土蜂。

「附塊為兒」：梟鳥銜含土塊，為其子築巢。

「破鏡鳥」：亦稱破鏡獸。子長成食父。

卷八

「剗其正性」：「剗」，剖開挖空。將姪、殺、盜三性罪的根本挖空。

「鑿」：照也。

「覺胤」：「覺」，大覺，如來也。「胤」，嫡

嗣。得佛智的親傳。

「毗婆舍那」：觀也，即觀法或是觀智。

「內分外分」：「內分」，身分之內，我也。

「外分」，身分之外，非我。真性本覺圓明清淨，不分內外，因為妄想熏習，才有內外之分。

「發明虛想」：「虛想」，想法如虛空一樣的空靈。「發明」，顯發。動起清虛空靈的想法。

「死逆生順」：臨終前，大部份眾生畏死求生。「死逆」，因為「死」違逆心裡的願望。

「生順」，因為「生」順隨心中的希望。

「水能害己」：由於業力的緣故，所見的水都現為火，不僅不能飲，且傷身。

「元地」：本元一定的處所。

「二習」：種子習氣和現行習氣。

「吒吒、波波、羅羅」：擬聲詞；在寒冰地獄中，罪人痛苦時所發出的聲音。

「青赤白蓮」：在寒冰地獄中，罪人身軀凍冽後的形色。

「相恃」：倚靠財勢、權勢等。

「相忤」：相互違逆侵犯。

「鐵橛」：鐵棍或是鐵柱。

「相調」：相互調弄。

「槌」：箠打。

「相罔」：相互欺罔。

「沒溺騰擲」：「沒溺」，罪人在沸屎地獄中沈沒淹溺。「騰擲」，罪人在黑砂地獄中被

拋擲而飛騰。

「匣貯車檻」：「匣」，收藏物品的小箱子。

「匣貯」：將罪人禁錮於極為狹隘的空間。

「車檻」：將罪人監禁於有欄柵的囚車。

「撮」：拋撲而讓其致死。

「薩迦耶」：執取「身」為「我」的邪見。

「鞫」：審訊。

「碾磔」：「碾」，研磨。「磔」，石磨。合兩

石以磨碾罪人。

「捺」：以手按也。

「蹙澣衡度」：「蹙」，逼迫，蹙壓。「澣」：

擠乾，吸乾。「衡度」：丈量身體。整句：

壓榨罪人，擠乾其血。丈量罪人身長，再

將其寸寸拉長。

「誼」：同喧，喧嘩吵鬧。

「藏覆」：隱藏自己的不善。

「鑊湯」：「鑊」，大型鐵鍋。罪人感受到在

沸騰的大鍋子中烹煮。

「愁」：愚痴的樣子。

「質」：質是古代刑具。以酷刑質問罪人。

「履」：踐踏罪人的身體。

「餒」：魚腐爛。

「爽」：羹敗壞。

「稍」：丈八長矛。

「刺」：以刀插之。

「括」：以布纏之。

「鉗」：用鉗子拔舌頭。

「為方、為所」：罪人清楚感受自己受罪受

苦的方所。

「為大、為小」：罪人感受到自己的身子變成極大身、極小身。

「見見一根」：能見與所見的一根，這裡以眼根為例。

「魅鬼」：女鬼，女妖。

「魅鬼」：精魅鬼。

「癘鬼」：散播瘟疫的鬼。

「貪明」：貪求妄見，自作聰明。

「魍魎鬼」：附於山川水澤的鬼。

「貪成」：貪求己私。

「元負人」：原來負欠的對象。

「咎徵」：顯現各種凶咎與徵兆。

「食類」：被人噉食的畜類。

「服類」：給人做衣服、服飾的畜類，如蠶（結的繭）。

「應類」：依時節而遷徙的畜類，如候鳥。

「休徵」：吉祥徵兆。休徵的畜類如鳳凰。

「循類」：循順傳送的畜類，如鴿子。

「分越所酬」：所償還的超過他應還的。

「反徵其剩」：反過來去追索先前多償付的部分。

「彼有力」：指原債主有善業力。

「餘直」：多餘的價值。

「頑類」：頑固難化之類。

「異類」：身根異常之類。

「庸類」：卑鄙平庸之類。

「微類」：卑微低下之類。

「柔類」：個性懦弱之類。

「明類」：有世智小聰明之類。

「達類」：通達人情世故之類。

「服餌」：服用藥餌。

「動止」：練氣固精。

「津液」：服食津液。

「精色」：吸取日月精華，餐食雲霞異色。

「交媾」：男女交媾。

「變化」：五行變化。

卷九

「補特伽羅」：意為「數取趣」，在三界中一再取著諸趣而受生，因此也譯為「眾生」。

「有無二無，無二亦滅」：「有無二無」，有

殺盜淫的惡業與無殺盜淫的善業，兩者俱無。「無二亦滅」，連善惡兩者俱無的意識也沒有了。

「各各有私」：各各有私自所造的別業。

「眾私同分」：大眾與個人，若是業力相同，則在同一處承受業報。

「勗」：勉勵。

「紫金山」：指佛陀的丈六金身。

「凭倚」：凭，憑靠。靠著禪床法座。

「毗婆舍那」：觀，自性本覺的能觀性。

「振坼」：振開。

「四大不織」：地、水、風、火四大不再相互交織。

「魘人」：為鬼魅所著的人。

「入中墮地」：介於色陰破與受陰破之間，在進退兩難之間。

「歷覽二際」：即前後觀察。

「無慧自禁」：沒有智慧自我克制。

「衢路」：大馬路。

「攝其前人」：攝持眼前這個人的神識。

「意生身」：菩薩為救度眾生，依隨心願的化身。

「寤言」：自言自語，說夢話。

「令不寐者咸悟其語」：「不寐者」，不需要睡眠的人，指佛菩薩。意謂與佛菩薩能感應道交。

「一倫」：一切倫類，也就是十二類眾生。

「懸應」：和懸遠的諸聖感應。

「猥媠」：「媠」，通褻。姪猥而褻瀆。

「近則九生」：一生百年，九生即九百年。

卷十

（有關行陰十種魔障）

「前塵影事」，前五塵所投射的影，也就是法塵。

「見諸十方十二眾生，畢殫其類」：「畢」，完全。「殫」，盡。整句引文：完全看盡十方各類的眾生。

「見同生基猶如野馬」：「見同生基」，看見同分生死的基礎。「野馬」，靠近地面飄浮的雲氣。

「熠熠清擾」：「熠熠」，微明。「清擾」，輕清地擾動。

「生機全破」：「生機」，生滅的樞機，也就是行陰。「破」，顯露。

「業流灣轉」：隨著業果流動，在業灣中迴轉。

「窮四大元」：窮究地、水、風、火四大的本元。

「末那執受」：第七識與執受身器界種子的第八識。

「生理」：生滅的道理。

「究竟神我」：「神我」，靈魂，是外道二十五諦的最後一諦，因此被認為是究竟終極的靈魂。

「於分位中」：「分位」，指事物在變化過程中所處的時分與地位。

「心計生元」：將所觀見的行陰相，視為十二類眾生的生滅根元。

「計過未者」：計度過去未來。

「計我徧知」：計度我能周徧了知。

「互互亡處，名之為無」：定中的修行人看到眾生都歸趨於亡處，便稱之為「無」。

「以理都觀，用心別見」：表面上都是用理觀察的結果，其實用心有別。

「其境枝故」：「境」，所觀之境。「枝」，分歧。

「或見我圓」：或者說看到我的自性圓融徧滿。

「云我有色」：計度「我大色小」，因此我擁有色。

「云我在色」：計度「色大我小」，因此我在色中。

「各不相觸」：並行不悖，不相抵觸。

「陰性銷散」：「陰性」，指前三陰，色陰、受陰、想陰。

「縱有生理」：縱然有行陰得生的理據。

「自體相破」：自體相破滅，因為雙重計度有無。自體相是有就不是無，是無就不是有，不能「亦有亦無」。

「八俱非相」：非色、受、想、行，以及非無色、無受、無想、無行，共八種俱非相。

「後際昏瞢」：「後際」，未來。未來朦朧。

「於後後無」：在行陰念念生滅處，設生七處，後皆斷滅，當歸於無。

「或極捨滅」：「極捨」，指第四禪，因為四禪是「捨念清淨」。

「後後有」：認為行陰相續不斷，恆常不滅。

「正轉依」：從下劣的所依轉成勝上的所依。

（有關識陰十種魔障）

「同分生機」：共同所依存的生滅根元。

「酬業深脈，感應懸絕」：「深脈」，深潛的脈絡，暗指行陰。酬答宿業的行陰已盡，因果的脈絡已斷，不再受生。

「諸類不召」：十二類眾生都不能再召喚這個人去受生，因為行陰已盡。

「銷磨六門，合開成就」：銷融六根相隔的

偏限；合則一，開則六，合開自在。

「窮諸行空」：行陰已盡，已證得空相。

「於識還元」：「識」，第八識。「還元」，歸於第八識，也就是第八識顯現。

「已滅生滅」：行者窮究行陰，滅除行陰生滅的細相，七識的遷流與生滅已經滅盡。

「因所因執」：「因」，能依。「所因」，所依。「執」，謬執。能依所依的謬執。

「娑毗迦羅」：黃髮外道。見卷一。

「能非能執」：「能」，能生。「非能」，非能生。計執我能生眾生，而眾生不能生我。

「摩醯首羅」：大自在天主。

「我徧圓種」：計執我能圓攝一切眾生的

種族。

「既惑不生，亦迷生滅」：「惑」，迷惘無知。「迷」，迷惑不解。對真正的生滅與不生不滅，迷惘不解。

「自在天」：指居於欲界天頂的波旬魔王，自己認為能生萬物。

「立因依心」：「立因」，妄立第八識能生我身心的因。「依心」，妄起以第八識為歸依處的心。

「倒圓種」：顛倒圓滿的種族。

「草木為人」：草木死後成為人。

「無擇徧知」：一切有情無情的，不必揀擇，都有覺知。

「娑吒霰尼」，外道名。這些外道認為一

切物都有覺知。

「計圓知心」：妄計圓徧一切都有知。

「倒知種」：顛倒知覺的種族。

「圓融」：這裡指六根的圓融互用。

「以此群塵，發作本因」：「群塵」，指地水火風四大。「作」，作為。整句：以四大的顯發作為萬法的根元。

「諸迦葉波」：婆羅門的一大姓，共有十八族。這裡專指崇拜地、水、火、風四大的外道。

「計著崇事」：妄計做崇拜四大的事。

「顛化種」：顛倒化理的外道種族。

「計明中虛」：在圓明中計度一切都是虛

無的體性。

「非滅群化」：「非」，毀，銷毀。「群化」，群塵所化的自身與國土。

「以永滅依」：以永遠滅除「有」為依恃。「歸無歸執」：因為心執虛無，所歸依的實際上沒有歸依處。

「諸舜若多」：「舜若多」，空也。各個以頑空為依歸的天眾。見卷三。

「斷滅種」：「種」，這裡一語雙關。一者指斷滅了佛菩提種；二者指墜入外道種族，因為已經斷了菩提種。

「同於精圓，長不傾逝」：想讓自己的色身，如同精湛圓明的識陰一樣，既不衰老，也不消逝。

「貪非貪執」：貪戀色身長生不死，卻不

知道如此執著，必然在生滅法中輪轉，因此，所貪者實無可貪。

「阿斯陀」：長壽仙人。

「執著命元」：執著識陰就是受命的根元。

「妄延種」：妄想延長壽命的種族。

「觀命互通」：觀察眾生的受命根元已經相互融通。

「真無真執」：妄執識陰為真常，但實際上並非真常。

「吒枳迦羅」：「吒枳」，愛染。「迦羅」，我能作、我所作。「吒枳迦羅」，即是天魔的別稱，因為天魔認為一切世間都是愛染的作為，能生一切法。

「於命明中」：對於眾生受命的元由，了

然明白。

「增上慢」：定性聲聞證得有餘涅槃，而自謂修證已達究竟；未證謂證，而成為增上慢人。

「圓精應心」：「圓」，圓滿觀照。「精」，專精、專注。「應心」，期求感應的心。「成趣寂果」：「寂果」，所趣向成就的果，「沈空滯寂」。

「纏空種」：纏縛於偏空的定性聲聞種族。「定性辟支」：辟支佛，也就是緣覺。不能迴小向大的的緣覺乘人。

「諸緣獨倫」：「緣」，緣覺。「獨」，獨覺。緣覺者，因聞佛說十二因緣法，厭生死苦，而得解脫。獨覺者，自觀無常，

自悟因緣法，而得解脫。

「圓覺膈心」：以圓徧覺知、融通膈合為心。

「覺圓明不化圓種」：「覺」，緣覺、獨覺。「圓明」，妄計所悟已經圓滿覺明。

「不化圓」，不能融化所悟所執的一切而達到真正的圓通。

（五陰生因及其他）

「褫魄」：喪失魂魄。

「非留生死及諸塵垢」：「生死」，指世間的分段生死。「塵垢」，指「微細塵垢」，也就是微細生死，也是出世間的變易生死。

「迷因緣者」：「迷」，迷失，不了解。不了解因緣的人，指外道。

「何況不知，推自然者」：外道連因緣都不知，卻把一切推給自然，認為一切法無因，自然如此。

「汝體必非虛妄通倫」：「通倫」，同一倫、同一類。身體是實體，與虛妄的想法，並非同類。

「使汝色身」：「使」，操控、驅使。操控你的色身。

「心生形取」：心裡產生想像的現象或是境界，而身體再將其具體化。「形」，身體。「化理不住，運運密移」：「化理」，產生變化的理體，指行陰。「運運」，運動、運行。行陰產生變化，永不停止；暗暗地、在眾生不知不覺中運動運行。

「若非想元，寧受妄習」：「若非想元」，識陰若不是前四陰的妄想根元。「寧受妄習？」，怎麼可能受到前七識的重習？。

「中串習幾」：「串」，貫串。「幾」，微細。互相貫串微細的妄想，不僅是當下的妄想，還有過去的妄想，不僅是今生的妄想，還有過去累世的妄想。

「罔象虛無」：「罔象」，無象。「虛無」兩字有雙重作用。一者指罔象已經虛無，沒有了。再者「罔象虛無」是一種虛無，是一種假象，一種非常微細精純的假象。

「因界淺深」：「因界」，由五陰形成的界。每陰各有其界。「淺深」，與粗細相似。粗、淺比較容易克服，細、深比較難以消解。

「湛入合湛」：「湛入」，湛然有所入。「合湛」，湛然但無所入。前者為淺界，後者為深界。湛入是有為的生滅法，合湛是無為的寂滅法。

「深厭自生」：「深厭」，深切厭離虛妄的心。「自生」，自然生起。

「四重」：四根本戒，殺盜淫妄。

「十波羅夷」：十棄罪。

出版說明

《楞嚴經》是一部非常艱深的經典。但本經誦讀起來的「難」，有一部分是經文的標點與斷句造成的。舉例如下：

一、本經傳統上，四字一斷。如富樓那說：「如是乃至，恆沙如來，秘密法門，我於眾中，微妙開示，得無所畏。世尊知我，有大辯才，以音聲輪，教我發揚。」以現代讀者的眼光來看，如此的斷法，文意有點斷斷續續，若是改成：「如是乃至恆沙如來秘密法門，我於眾中微妙開示，得無所畏。世尊知我有大辯才，以音聲輪教我發揚。」意義就明白清楚多了。

二、但是經文現代化的標點或是斷句，若是處理不慎，有時反而造成意義的朦朧，如：「汝輩修禪飾三摩地」。在閱讀時，會產生什麼是「修禪飾」的困擾，這裡若是保持古文四字一斷，意義的輪廓就明晰多了：「汝輩修禪，飾三摩地」。修禪與飾三摩地分開，飾是「莊嚴」的意思。

三、本經第四卷佛陀與富樓那對話，佛陀有一段話，一般如此斷句：「此迷無本，性畢

竟空。昔本無迷，似有迷覺，覺迷迷滅，覺不生迷。」若是在「覺迷迷滅」與「覺不生迷」之間的逗號改成句號，意思將更明確。前面從「昔本無迷」到「覺迷迷滅」是講成佛前的狀況，而後面的「覺不生迷」是指已經成佛的狀況。前面是因地修行，後面是果地正覺。句號能釐清兩者的差別。

四、本經講受陰的陰魔時，有一段：「其深信者，從其毀碎，埋棄地中；疑誤眾生入無間獄。失於正受，當從淪墜。」這裡，「疑誤眾生入無間獄」與「失於正受，當從淪墜。」之間的句號很重要。因為前面是著魔的人讓眾生入無間獄，而句號的後面是他本人因此「失於正受，當從淪墜。」若是用逗號，就很難如此清楚區隔了。

普願讀者能深切體會《楞嚴經》的奧秘，早日成佛道。

編註者謹識

本版經文字詞選擇說明

《楞嚴經》經文的文字，很值得探討。不同版本的經文，相同，大都是因為彼此相互沿襲；相異，是因為彼此各有所本。本版經文在「各有所本」的原則下，儘量與台灣坊間出版的經文吻合，但基於文意暢達的要求，有些字詞需要進一步說明：

一、第52頁「雖似前境」，坊間大部分是「雖現似境」。本版參考北京法源寺的版本，依據《乾隆大藏經》、《磧砂藏經》、《永樂北藏》做如上的抉擇。

二、第136頁「盡其明辨」，坊間大部分是「盡其明辯」。本版參考北京法源寺的版本，依據《乾隆大藏經》、《磧砂藏經》、《永樂北藏》做如上的抉擇。

三、第160頁「樂為人主」，坊間大部分是「樂為人王」。本版參考北京法源寺的版本。依據《乾隆大藏經》、《磧砂藏經》、《永樂北藏》、《大正新修大藏經》、《高麗大藏經》、《房山石經》，全部都是「樂為人主」。

四、本版〈楞嚴咒〉採用的是554句的版本，但這個版本的第471句是「什佛囉」，本版將其改成「什伐囉」。有兩個理由。一者，「什伐囉」意思是「熱」或是「熱病鬼」，與後面三個帶有「什伐囉」的句子相呼應，即：第476句的「呢提什伐囉」（一直不停發高燒）、第477句的「毖釤摩什伐囉」（高燒）、第482句的「薩婆什伐囉」（一切熱病）相呼應。二者，一般佛寺做早課大都用的是427句的版本，這個版本對應554句版本的同一位置的咒文，就是「什伐囉」。改成「什伐囉」後，平常誦持554句咒文的信眾，能更自在融入佛寺的早課。

五、本經各個版本都以「徹」，取代「澈」。當然，經文中「徹」經常涵蓋了「清徹」與「貫徹」，如第九卷「色陰十大陰魔」裡的「其身內徹」、「澄露皎徹」、「研究澄徹」等。但第134頁的「妙理清澈」的「澈」，坊間所有版本仍然用「徹」。本版則用「澈」，因為幾乎所有的字典、辭典都警告：「清徹」的「徹」是錯別字。

大佛頂首楞嚴經（全新標點斷句）功德主名錄

委印文號：108227

五八、〇〇〇元：願以此功德，莊嚴佛淨土，上報四重恩，下濟三塗苦，若有見聞者，悉發菩提心，盡此一報身，同生極樂國。

以上計新台幣：五八、〇〇〇元，恭印一、〇〇〇本。

回向：天下和順，日月清明，風雨以時，災厲不起，國豐民安，兵戈無用，

崇德興仁，務修禮讓，國無盜賊，無有冤枉，強不凌弱，各得其所。

祝願法界一切有情，所有六道四生，宿世冤親，現世業債，咸憑法力，悉得解脫。

祝願現生者增福延壽，發菩提心，常隨佛學，勤修精進，利濟群生。

祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；

若有結餘，均續作本會之印（購）經書及運費，為施主廣積陰德，歡迎十方大德善加利用。

普為出資及讚誦受持
輾轉流通者回向偈曰

願以此功德

消除宿現業

增長諸福慧

圓成勝善根

所有刀兵劫

及與饑饉等

悉皆盡滅除

人各習禮讓

讚誦受持人

輾轉流通者

現眷咸安樂

先亡獲超昇

風雨常調順

人民悉康寧

法界諸含識

同證無上道

佛曆二五六三年／西元二〇一九年六月

恭印：一〇〇〇本

流水號：16718
書號：CH380-7

大佛頂首楞嚴經（全新標點斷句）

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：www.budaedu.org

E-mail: budaedu@budaedu.org

電話：(02) 2395-1198

傳真：(02) 2391-1341

劃撥戶名：財團法人佛陀教育基金會

郵局劃撥帳號：〇七六九九七九

銀行名稱：台灣銀行城中分行（請於電匯或轉帳後告知本會用途）

銀行帳號：〇四五〇〇四五九七五〇三（銀行代號：004）

本會經書免費結緣之請取方式如下：

(一) 親臨本會三樓講堂。(二) 利用傳真：02-23965959

(三) 撥打電話：(02) 23951198分機：11、12

(四) 網址：<http://www.budaedu.org/books/>。(五) 寫信指定：本會法寶流通股。

為提高服務效率，請您嚴謹考量，慎選所需經書，儘量少用電話，多利用文字方式請取，並請詳寫

經書名稱、冊數及收件人姓名、地址、電話、郵遞區號，以減少本會之處理時間；若大量申請，請

註明用途，且避免姓名、地址等文字上書寫之錯誤。

◎本會經書，歡迎翻印（請勿增刪），贈送流通，功德無量。

◎本會交通一

※捷運：善導寺站5號出口，至杭州南路右轉，過兩個紅綠燈。

※公車站牌：審計部站→212 / 299 / 292 / 205 / 276 / 605 / 257 / 262

台北商業技術學院→553 / 297 / 237 仁愛路二段→553 / 297 開南商工→208

仁愛路、杭州南路（紹興街）口→630 / 270 / 263 / 245 / 621 / 651 / 37 / 261

行政院新聞局出版事業登記證局版臺業字第三八六九號

